

585/  
1993/2



1993

№ 5

საქართველოს პარლამენტის

უ ნ ე მ ბ ე მ ბ 0

---

თ ბ ი ლ ი ს ი



# საქართველოს პარლამენტის

# უწყებები

№ 5 (622)

მარტი

1993 წელი

## შ ი ნ ა ა რ ს ი

### ბანუოფილება პირველი

33. საქართველოს პარლამენტის დადგენილება ნუგზარ კაკიაშვილისათვის პარლამენტის წევრის უფლებამოსილების შეწყვეტის შესახებ.
4. საქართველოს პარლამენტის დადგენილება საქართველოს პარლამენტის საშანდატო, საპარლამენტო ეთიკისა და პრივილეგიების კომისიის შემადგენლობაში ცვლილების შესახებ.  
საქართველოს პარლამენტის დადგენილება სახელმწიფო ნაკრძალებისა და სამონადირეო მეურნეობების შესახებ.  
საქართველოს პარლამენტის დადგენილება „დედის ღღის“ დაწესების შესახებ.
- საქართველოს რესპუბლიკის კანონი საქართველოს რესპუბლიკის შრომის კანონზე კოდექსში ცვლილების შეტანის შესახებ.
38. საქართველოს პარლამენტის დადგენილება ყოფილ სამხედრო-სამრეწველო კომპლექსში შექმავალი სამეცნიერო-საწარმოო და საწარმოო გაერთიანებების, ქარხნებისა და სხვა საწარმოების მთლიანი და ნაწილობრივი პრივატიზაციის წესის შესახებ.
39. საქართველოს პარლამენტის დადგენილება უკანონო შეიარაღებულ ფორმირებათა შესახებ.

40. საქართველოს პარლამენტის დადგენილება გალისა და გულრიფშის რაიონების ტერიტორიაზე სამხედრო მდგომარეობის გამოცხადების შესახებ.
41. საქართველოს პარლამენტის დადგენილება პეტრე ჩხეიძის გაეროში წარმომადგენლად და ამერიკის შეერთებულ შტატებში საქართველოს რესპუბლიკის საგანგებო და სრულუფლებიან ელჩად დანიშვნის შესახებ.
42. საქართველოს პარლამენტის დადგენილება საქართველოს პარლამენტის საგარეო საქმეთა კომისიის შემადგენლობაში ცვლილების შესახებ.
43. საქართველოს პარლამენტის დადგენილება „საქართველოს რესპუბლიკაში რუსეთის ფედერაციის უზენაესი საბჭოს ეროვნებათა საბჭოს თავმჯდომარის რ. გ. აბდულატიპოვის და რუსეთის ფედერაციის მთავრობის თავმჯდომარის მოადგილის ს. მ. შახრაის 1993 წლის 18 თებერვლის სამუშაო ვიზიტის შედეგების შესახებ“ კომუნიკეს თაობაზე.
44. საქართველოს პარლამენტის დადგენილება საქართველოს საპარლამენტო ჯგუფების სხვა ქვეყნებში მივლინების წესის შესახებ.
45. საქართველოს პარლამენტის დადგენილება საქართველოსა და თურქეთის რესპუბლიკებს შორის თანამშრომლობის ხელშეწყობის საპარლამენტო ჯგუფის შექმნის შესახებ.
46. საქართველოს პარლამენტის დადგენილება „თანამედროვე ეტაპზე რუსეთ-საქართველოს ურთიერთობის საკითხების შესახებ“ დებატების თაობაზე.
47. საქართველოს პარლამენტის დადგენილება „საქართველოს მოქალაქეობის შესახებ“ საქართველოს რესპუბლიკის კანონის თაობაზე.
48. საქართველოს პარლამენტის დადგენილება „გაუქმციანებისაგან შავი ზღვის დაცვის კონვენციის“ შესახებ.
49. გაუქმციანებისაგან შავი ზღვის დაცვის კონვენცია.
50. საქართველოს პარლამენტის დადგენილება საქართველოს პარლამენტის ხელისუფლებისა და მმართველობის ცენტრალურ და ადგილობრივ ორგანოთა რეფორმებისა და აგრარული კომისიების შემადგენლობაში ცვლილების შესახებ.
51. საქართველოს პარლამენტის დადგენილება „საქართველოს რესპუბლიკის სისხლის სამართლის კოდექსში დამატების შეტანის შესახებ“ საქართველოს რესპუბლიკის კანონის პროექტის გამარტივებული პროცედურით კენჭისყრის თაობაზე.
52. საქართველოს რესპუბლიკის კანონი საქართველოს რესპუბლიკის სისხლის სამართლის კოდექსში დამატების შეტანის შესახებ.

53. საქართველოს რესპუბლიკის კანონი საქართველოს რესპუბლიკის სისხლის სამართლის კოდექსში დამატებების შეტანის შესახებ.
54. საქართველოს პარლამენტის დადგენილება საქართველოს პარლამენტსა და რუსეთის ფედერაციული რესპუბლიკის უზენაეს საბჭოს შორის თანა-მშრომლობის ხელშეწყობის საპარლამენტო ჯგუფის შექმნის შესახებ.
55. საქართველოს პარლამენტის დადგენილება პარტიული სიით არჩეული გამოკლებული დეპუტატის ადგილმონაცვლის უფლებამოსილების ცნობის შესახებ.
56. საქართველოს პარლამენტის დადგენილება სამანდატო, საპარლამენტო ვითი-კისა და პრივილეგიების კომისიის შემადგენლობაში ცვლილების შესახებ.
57. საქართველოს პარლამენტის დადგენილება საქართველოს რესპუბლიკის მინისტრთა კაბინეტის 1993 წლის 26 თებერვლის № 171 დადგენილების თაობაზე.
58. საქართველოს პარლამენტის დადგენილება საპარლამენტო ფრაქციის — „პროგრესი — ბედნიერი საქართველო“ რეგისტრაციის გაუქმების შესახებ.
59. საქართველოს პარლამენტის დადგენილება საპარლამენტო ფრაქცია „მიწათ-მოქმედის“ რეგისტრაციის შესახებ.
60. საქართველოს პარლამენტის დადგენილება — გაერთიანებული ერების ორ-განიზაციის, ევროპარლამენტის, მსოფლიოს ქვეყნების პარლამენტების, რუ-სეთის ფედერაციის უზენაესი საბჭოსადმი საქართველოს პარლამენტის მიმართვის შესახებ.
61. საქართველოს პარლამენტის დადგენილება ვალერიან ადგიძის რუსეთის ფე-დერაციაში საქართველოს რესპუბლიკის საგანგებო და სრულუფლებიან ელჩად დანიშვნის შესახებ.
62. საქართველოს პარლამენტის დადგენილება სომხეთის რესპუბლიკის უზე-ნაესი საბჭოს 1993 წლის 23 თებერვლის განცხადების შესახებ.
63. საქართველოს პარლამენტის დადგენილება სახელმწიფო საკონსტიტუციო კომისიის შემადგენლობის თაობაზე.
64. საქართველოს პარლამენტის დადგენილება სახელმწიფო საკონსტიტუციო კომისიის უფლებამოსილებისა და მისი საქმიანობის უზრუნველყოფის თაობაზე.
65. სახელმწიფო საკონსტიტუციო კომისიის დებულება.
66. საქართველოს რესპუბლიკის კანონი საქართველოს მოქალაქეობის შესახებ.
67. საქართველოს პარლამენტის დადგენილება საქართველოს მოქალაქის დეკ-ლარაციის ტექსტის შესახებ.

20915

საქართველოს  
პარლამენტი  
გენერალური  
სამსახური

68. საქართველოს პარლამენტის დადგენილება საქართველოს მოქალაქეების შესახებ კანონის სამოქმედოდ შემოღების თაობაზე.
69. საქართველოს პარლამენტის დადგენილება „საქართველოს რესპუბლიკისა და თურქეთის რესპუბლიკის მეგობრობის, თანამშრომლობისა და კეთილმეზობლური ურთიერთობის ხელშეკრულების“ რატიფიკაციის შესახებ.
70. საქართველოს რესპუბლიკისა და თურქეთის რესპუბლიკის მეგობრობის, თანამშრომლობისა და კეთილმეზობლური ურთიერთობის ხელშეკრულება.
71. საქართველოს პარლამენტის დადგენილება საქართველოს რესპუბლიკის ტერიტორიაზე მიმოქცევაში საქართველოს რესპუბლიკის ეუპონების შემოღების შესახებ.
72. საქართველოს პარლამენტის დადგენილება „საბიუჯეტო სისტემისა და უფლებების შესახებ“ საქართველოს რესპუბლიკის კანონის პროექტისათვის გამარტივებული პროცედურით კენჭისყრის თაობაზე.
73. საქართველოს რესპუბლიკის კანონი საბიუჯეტო სისტემისა და უფლებების შესახებ.
74. საქართველოს პარლამენტის დადგენილება საბიუჯეტო სისტემისა და უფლებების შესახებ საქართველოს რესპუბლიკის კანონის სამოქმედოდ შემოღების თაობაზე.
75. საქართველოს პარლამენტის დადგენილება „სამოხილზაციო მზადყოფნის ღონისძიებათა შესახებ“ საქართველოს რესპუბლიკის მინისტრთა კაბინეტის ინფორმაციის თაობაზე.
76. საქართველოს პარლამენტის დადგენილება აფხაზეთის საკითხთა დროებითი კომისიის შემადგენლობაში ცვლილების შესახებ.

#### ბანუოფილება მმომი

77. საქართველოს პარლამენტის სპიკერის ბრძანება საქართველოს რესპუბლიკაში პარლამენტის წარმომადგენლობის დებულების შესახებ.
78. საქართველოს რესპუბლიკაში პარლამენტის წარმომადგენლობის დებულება.
79. საქართველოს პარლამენტის მიმართვა რუსეთის ფედერაციის უმაღლეს საბჭოს, რუსეთის ფედერაციის პრეზიდენტს ბატონ ბორის ელცინს.
80. საქართველოს პარლამენტის მიმართვა გაეროში არსებული ერების ორგანიზაციას, ევროპარლამენტს, მსოფლიოს ქვეყნების პარლამენტებს, რუსეთის ფედერაციის უზენაეს საბჭოს.

საქართველოს პარლამენტის დადგენილება

**33** ნუგზარ კაკიაშვილისათვის პარლამენტის წევრის უფლებამოსილების შეწყვეტის შესახებ

საქართველოს პარლამენტი ადგენს:

1. შეუწყდეს ნუგზარ კაკიაშვილს პარლამენტის წევრის უფლებამოსილება ლავოდების რაიონის გამგეობის თავმჯდომარედ მის დანიშვნასთან დაკავშირებით.

2. წინადადება მიეცეს საქართველოს რესპუბლიკის ცენტრალურ საარჩევნო კომისიას დანიშნოს პარლამენტში ლავოდების დეპუტატის არჩევნები.

საქართველოს პარლამენტის სპიკერი მახტან ზოგუაძე.

თბილისი, 1993 წლის 2 მარტი.

საქართველოს პარლამენტის დადგენილება

**34** საქართველოს პარლამენტის სამანდატო, საპარლამენტო მანდატო ეთიკისა და პრივილეგიების კომისიის შემადგენლობაში ცვლილების შესახებ

საქართველოს პარლამენტი ადგენს:

არჩეულ იქნეს პარლამენტის წევრი ბესარიონ ფაჩუაშვილი სამანდატო, საპარლამენტო ეთიკისა და პრივილეგიების კომისიის შემადგენლობაში.

საქართველოს პარლამენტის სპიკერი მახტან ზოგუაძე.

თბილისი, 1993 წლის 2 მარტი.



## 35 სახელმწიფო ნაკრძალებისა და სამონადირეო მუხრანის ურნოვების შესახებ

ითვალისწინებს რა პარლამენტის ფრაქცია „რესპუბლიკელების“ წინადადებას და გარემოს დაცვისა და ბუნებრივი რესურსების კომისიის გადაწყვეტილებას, საქართველოს ბუნებრივი სიმდიდრის დაცვის მიზნით, საქართველოს პარლამენტი ადგენს:

1. დაევალოს პარლამენტის გარემოს დაცვისა და ბუნებრივი რესურსების კომისიას შეისწავლოს სახელმწიფო ნაკრძალებისა და სამონადირეო მუხრანობებისათვის დადგენილი რეჟიმის დაცვის მდგომარეობა.

2. დაევალოს საქართველოს რესპუბლიკის კონტროლის პალატას შეამოწმოს სახელმწიფო ნაკრძალებისა და სამონადირეო მუხრანობების საქმიანობა.

3. აიკრძალოს პარლამენტის გარემოს დაცვისა და ბუნებრივი რესურსების კომისიის თანხმობის გარეშე სახელმწიფო ნაკრძალებისა და სამონადირეო მუხრანობების სტატუსისა და დადგენილი რეჟიმის შეცვლა.

საქართველოს პარლამენტის სპიკერი ვახტანგ გომეზაძე.

თბილისი, 1993 წლის 2 მარტი.

## 36 „დედის დღის“ დაწესების შესახებ

საქართველოს დემოგრაფიული საზოგადოების წინადადების გათვალისწინებით საქართველოს პარლამენტი ადგენს:

1. დაწესდეს „დედის დღე“.

2. „დედის დღე“ აღინიშნოს ყოველი წლის 3 მარტს და გამოცხადდეს უქმე დღედ.

დადგენილება ძალაშია მიღებისთანავე.

საქართველოს პარლამენტის სპიკერის მოადგილე რუსუდან ბერიძე.

თბილისი, 1993 წლის 2 მარტი.

## საქართველოს რესპუბლიკის კანონი

### საქართველოს რესპუბლიკის შრომის კანონთა კოდექსის 37 დამსუი ცვლილების შეტანის შესახებ

საქართველოს პარლამენტი ადგენს:

1. საქართველოს რესპუბლიკის შრომის კანონთა კოდექსის 64-ე მუხლის პირველი ნაწილი ჩამოყალიბდეს შემდეგი რედაქციით:

„საწარმოები, დაწესებულებები, ორგანიზაციები არ მუშაობენ შემდეგ უქმე დღეებში:

1 იანვარს — ახალ წელს;

7 იანვარს — უფლისა ღვთისა და მაცხოვრისა ჩვენისა იესო ქრისტეს შობის დღეს;

19 იანვარს — ნათლისღებას — უფლისა ჩვენისა იესო ქრისტეს განცხადების დღეს;

3 მარტს — დედის დღეს;


უფლისა ღვთისა და მაცხოვრისა ჩვენისა იესო ქრისტეს ბრწყინვალე აღდგომის დღეს (თარიღი გარდამავალია);

მიცვალებულთა მოხსენიების დღეს (აღდგომის მეორე დღე, თარიღი გარდამავალია);

26 მაისს — საქართველოს სახელმწიფოებრიობის აღდგენის დღეს;

28 აგვისტოს — ყოვლადწმინდა ღვთისმშობლის მიძინების დღეს (მარიამობას);



14 ოქტომბერს — მცხეთობის (სვეტიცხოვლის,  კვართის დღესასწაულის) დღეს;

23 ნოემბერს — გიორგობის დღეს“.

2. ეს კანონი ძალაშია მიღებისთანავე.

საქართველოს პარლამენტის თავმჯდომარე —

სახელმწიფოს მეთაური

ედუარდ შევარდნაძე.

საქართველოს პარლამენტის

სპიკერი

პახტანგ გოგუაძე.

თბილისი, 1993 წლის 2 მარტი.

### საქართველოს პარლამენტის დადგენილება

**38** ყოფილ სამხედრო-სამრეწველო კომპლექსში შემა-  
ვალი სამეცნიერო-საწარმოო და საწარმოო გაერთიანებების,  
ტიანეაგების, ქარხნებისა და სხვა საწარმოების მთლიანი  
და ნაწილობრივი პრივატიზაციის წესის შესახებ

ითვალისწინებს რა, რომ ყოფილი სამხედრო-სამრეწველო კომპლექსის სამეცნიერო-საწარმოო და საწარმოო გაერთიანებების, ქარხნებისა და სხვა საწარმოების პრივატიზაციის პროცესში საწარმოო სიმძლავრეები გადადის დარგებში, სადაც ისინი სრული ეკონომიკური ეფექტიანობით ვერ გამოიყენება, ზოგჯერ კი იყიდება საზღვარგარეთ ან იძარცვება, საქართველოს პარლამენტი ადგენს:

1. ყოფილი სამხედრო-სამრეწველო კომპლექსის სამეცნიერო-საწარმოო და საწარმოო გაერთიანებების, ქარხნებისა და სხვა საწარმოების მთლიანი ან ნაწილობრივი პრივატიზაცია ნებადართულ იქნეს მხოლოდ საქესპერტო კომისიების იმ დასკვნის საფუძველზე, რომ საპრივატიზაციო ობიექტი ან მისი ნაწილი არ შეიცავს საქართველოს რესპუბლიკის თავდაცვის პოტენციალს.

2. საქართველოს რესპუბლიკის მინისტრთა კაბინეტის სამხედრო-სამრეწველო კომისიას დაევალოს საექსპერტო კომისიების შექმნა.



საქართველოს პარლამენტის სპიკერის მოადგილე რუსუდან ბერიძე.

თბილისი, 1993 წლის 2 მარტი.

## საქართველოს პარლამენტის დადგენილება

### 39 უკანონო შეიარაღებულ ფორმირებათა შესახებ

საქართველოს პარლამენტი, რომელმაც განიხილა დებუტატთა ჯგუფის მიმართვა რესპუბლიკაში უკანონო შეიარაღებულ ფორმირებათა თაობაზე, აღნიშნავს, რომ უხეშად ირღვევა „საქართველოს რესპუბლიკის თავდაცვის შესახებ“ კანონის მოთხოვნები. ქვეყანაში გამეფებულ პოლიტიკურ კრიზისს, ეკონომიკურ ქაოსს, სოციალურ დაძაბულობას მნიშვნელოვნად აღრმავებს ცალკეულ შეიარაღებულ პირთა, ჯგუფების, გაერთიანებების არსებობა და მოქმედება, რაც ხელს უწყობს კრიმინოგენული მდგომარეობის უკიდურეს გამწვავებას, სამართლებრივ ნიჰილიზმსა და უიმედობას ბადებს მოსახლეობის ფართო მასებში, ამცირებს სახელმწიფო ხელისუფლების მარგულირებელ როლს ქვეყნის მართვა-გამგეობის საქმეში.

არსებული ვითარება სერიოზულ წინააღმდეგობას უქმნის ერთიანი შეიარაღებული ძალების ჩამოყალიბებას, ქვეყნის თავდაცვისუნარიანობის განმტკიცებას, ხელს უწყობს დესტრუქციული ძალების მოქმედებას.

საქართველოს პარლამენტი ადგენს:

1. არადამაკმაყოფილებლად ჩაითვალოს „საქართველოს რესპუბლიკის თავდაცვის შესახებ“ კანონის მოთხოვნათა შესასრუ-

ლებლად, არასახელმწიფოებრივ შეიარაღებულ ფორმირებათა დაშლისათვის დღემდე გაწეული მუშაობა.

2. დაუშვებლად იქნეს მიჩნეული, როგორც კანონსაწინააღმდეგო, ყოველგვარ პარტიულ, საზოგადოებრივ, ჯგუფობრივ თუ ტერიტორიულ შეიარაღებულ ფორმირებათა არსებობა, აგრეთვე ხელისუფლებისა და მმართველობის ორგანოს ნებისმიერი თანამდებობის პირის მოქმედება, რომლის მიზანი იქნება რაიმე სახის შეიარაღებული ფორმირებისა თუ დროებითი სამხედრო დაჯგუფების შექმნა საქართველოს რესპუბლიკის კანონმდებლობით გათვალისწინებული შემთხვევების გარდა.

3. საქართველოს რესპუბლიკის თავდაცვის სამინისტრომ (თ. კიტოვანი), შინაგან საქმეთა სამინისტრომ (თ. ხაჩიშვილი), სადაზვერუო-საინფორმაციო სამსახურმა (ი. ბათიაშვილი) და პროკურატურამ (თ. ნინიძე) 10 დღეში წარმოუდგინონ პარლამენტს ანგარიში „საქართველოს რესპუბლიკის თავდაცვის შესახებ“ კანონის შესრულების თაობაზე და იმ უკანონო ფორმირებათა ნუსხა, რომლებიც აღნიშნული კანონის შესაბამისად უნდა დაიშალონ.

4. „საქართველოს რესპუბლიკის თავდაცვის შესახებ“ კანონის, ამ დადგენილების შესრულების, ჩამორთმეული საბრძოლო იარაღისა და ტექნიკის ქვეყნის შეიარაღებული ძალების განკარგულებაში გადაცემის კონტროლი დაევალოთ საქართველოს პარლამენტის თავდაცვისა და ეროვნული უშიშროების, მართლწესრიგისა და კანონიერების დაცვის კომისიებს.

**საქართველოს პარლამენტის საიკერი მახტანა გობუშაძე.**

თბილისი, 1993 წლის 2 მარტი.

**40** ბალისა და გულრიფვის რაიონების ტერიტორიაზე  
სამხედრო მდგომარეობის გამოცხადების შესახებ

საქართველოს პარლამენტი ადგენს:

დამტკიცდეს სახელმწიფოს მეთაურის ედუარდ შევარდნაძის 1993 წლის 3 მარტის ბრძანებულება იმის თაობაზე, რომ სოხუმი-სა და ოჩამჩირის ზონაში ადრე გამოცხადებულ სამხედრო მდგომარეობასთან ერთად სამხედრო მდგომარეობა გამოცხადდეს აგრეთვე ბალისა და გულრიფვის რაიონების ტერიტორიაზე.

საქართველოს პარლამენტის სპიკერი ვახტანგ გოგუაძე.

თბილისი, 1993 წლის 4 მარტი.

**41** ვახტანგ ჩხეიძის გაერთიანებული ეროვნული ორგანიზაციაში  
ცივილი საქართველოს რესპუბლიკის მუდმივ წარმომადგენლად და ამერიკის შეერთებულ შტატებში საქართველოს რესპუბლიკის საგანგებო და სრულუფლებიან ელჩად დანიშვნის შესახებ

საქართველოს პარლამენტი ადგენს:

თანხმობა მიეცეს საქართველოს რესპუბლიკის სახელმწიფოს მეთაურს დანიშნოს პეტრე ჩხეიძე საქართველოს რესპუბლიკის მუდმივ წარმომადგენლად გაერთიანებული ერების ორგანიზაციაში და საქართველოს რესპუბლიკის საგანგებო და სრულუფლებიან ელჩად ამერიკის შეერთებულ შტატებში.

საქართველოს პარლამენტის სპიკერი ვახტანგ გოგუაძე.

თბილისი, 1993 წლის 4 მარტი.



## 42 საქართველოს პარლამენტის საგარეო საქმეთა კომისიის მიხედვით უმაღლესი სასამართლო სისტემის შეფასების დადგენილება

საქართველოს პარლამენტი ადგენს:  
არჩეულ იქნეს პარლამენტის წევრი გოდერძი ველიჯანაშვილი  
საქართველოს პარლამენტის საგარეო საქმეთა კომისიის წევრად.

საქართველოს პარლამენტის სპიკერი ვახტანგ გომიანიძე.

თბილისი, 1993 წლის 4 მარტი.

## საქართველოს პარლამენტის დადგენილება

43 „საქართველოს რესპუბლიკაში რუსეთის ფედერა-  
ციის უზენაესი საბჭოს ეროვნებათა საბჭოს თავმჯდ-  
ომარის რ. გ. აბდულატიპოვის და რუსეთის ფედერაციის  
მთავრობის თავმჯდომარის მოადგილის ს. მ. შახრაის 1993  
წლის 18 თებერვლის სამუშაო ვიზიტის შედეგების შესახებ“  
კომუნიკაცია თარგმანი

განიხილა რა კომუნიკე „საქართველოს რესპუბლიკაში რუსე-  
თის ფედერაციის უზენაესი საბჭოს ეროვნებათა საბჭოს თავმჯდ-  
ომარის რ. გ. აბდულატიპოვისა და რუსეთის ფედერაციის მთავრო-  
ბის თავმჯდომარის მოადგილის ს. მ. შახრაის 1993 წლის 18 თე-  
ბერვლის სამუშაო ვიზიტის შედეგების შესახებ“, საქართველოს  
პარლამენტი ადგენს:

1. უარყოფითად შეფასდეს მთელ რიგ საკითხებში საქართვე-  
ლოს დელეგაციის პოზიცია რუსეთის ფედერაციის დელეგაციასთან  
გამართულ მოლაპარაკებაზე, რაც აისახა ერთობლივ კომუნიკეში.
2. მიუღებლად ჩაითვალოს კომუნიკეში ორპარტიან დებულებ-  
ათა არსებობა მოსკოვში რუსეთ-საქართველოს 1992 წლის 3  
სექტემბრის შეთანხმებათა თაობაზე.

3. მომავალში აუცილებლად იქნეს მიჩნეული საერთაშორისო ზოლპარაკებებისა და ხელშეკრულებათა ხელმოწერის დროს ოქმო მოთხოვნათა განუხრელი დაცვა, რომლებიც დაირღვა აღნიშნული დოკუმენტის მოწადების დროს.

4. ზემოაღნიშნულიდან გამომდინარე დეზავუირებულ იქნეს კომენიკე „საქართველოს რესპუბლიკაში რუსეთის ფედერაციის უზენაესი საბჭოს ეროვნებათა საბჭოს თავმჯდომარის რ. გ. აბდულატიპოვისა და რუსეთის ფედერაციის მთავრობის თავმჯდომარის მოადგილის ს. მ. შახრაის 1993 წლის 18 თებერვლის სამუშაო ვიზიტის შედეგების შესახებ“.

5. დაევალოს საქართველოს რესპუბლიკის საგარეო საქმეთა სამინისტროს საქართველოს პარლამენტის ამ დადგენილების შესახებ აცნობოს რუსეთის ხელისუფლებას.

**საქართველოს პარლამენტის სპიკერი ვახტანგ გომეზაძე.**

თბილისი, 1993 წლის 4 მარტი.

**საქართველოს პარლამენტის დადგენილება**

**44 საქართველოს საპარლამენტო ჯგუფების სხვა ქვეყნაზი მივლინების წესის შესახებ**

საქართველოს პარლამენტი ადგენს:

1. დაწესდეს, რომ საქართველოს საპარლამენტო ჯგუფების სხვა ქვეყნებში მივლინების საკითხი წყდება შემდეგნაირად:

- ა) საქართველოს პარლამენტის საგარეო საქმეთა კომისიას წინადადება საპარლამენტო ჯგუფების სხვა ქვეყნებში მივლინების შესახებ შეაქვს პარლამენტის კოლეგიის სხდომაზე და კოლეგიის თანხმობით ამ საკითხზე დადგენილებას იღებს პარლამენტი.
- ბ) ცალკეულ პარლამენტის წევრთა ინიციატივით მათი სხვა ქვეყანაში მივლინების მიზანშეწონილობის საკითხს წყვეტს პარ-

ლამენტის სპიკერი კოლეგიასთან შეთანხმებით, პარლამენტის წევრის განცხადების საფუძველზე, რომელშიც მითითებულია მივლინების მიზნები; მივლინების შედეგების შესახებ წერილობითი ანგარიში წარედგინება პარლამენტს.

2. დაევალოს საქართველოს პარლამენტის საფინანსო-საბიუჯეტო კომისიას სისტემატურად შეამოწმოს სამივლინებო თანხების გამოყენების სისწორე და ამის თაობაზე მოახსენოს პარლამენტს.

საქართველოს პარლამენტის სპიკერი ვახტანგ გომეზაძე.

თბილისი, 1993 წლის 10 მარტი.

საქართველოს პარლამენტის დადგენილება

#### საქართველოსა და თურქეთის რესპუბლიკებს შორის 45 თანამშრომლობის ხელშეწყობის საპარლამენტო ჯგუფის შექმნის შესახებ

საქართველოსა და თურქეთის სახელმწიფოების კეთილშობილური ურთიერთობის განმტკიცების, ამ ქვეყნებს შორის ურთიერთთანამშრომლობის არსებული და მოსალოდნელი ხელშეწყობების შესრულების, ეკონომიკური და კულტურული თანამშრომლობისათვის ხელშეწყობის, ამ საკითხებში მაქსიმალური ოპერატიულობის, კოორდინაციისა და პრაქტიკული შედეგების უზრუნველყოფისათვის, აგრეთვე იმის გათვალისწინებით, რომ თურქეთში მუშაობას შეუდგა ასეთივე საკითხებით დაინტერესებული კომისია,

საქართველოს პარლამენტი ადგენს:

შეიქმნას საქართველოსა და თურქეთის რესპუბლიკებს შორის თანამშრომლობის ხელშეწყობის საპარლამენტო ჯგუფი შემადგენლობით: რ. დოლიძე (ჯგუფის ხელმძღვანელი), დ. ბერძენიშვილი, გ. გეწაძე, ჯ. გორგოძე, ა. გუგუნიანი, ო. ზუზბაია, გ. კორ-

საქართველოს პარლამენტის სპიკერი ვახტანგ გომეზაძე.

თბილისი, 1993 წლის 10 მარტი.

## საქართველოს პარლამენტის დადგენილება

### 46 „თანამედროვე ეტაპზე რუსეთ-საქართველოს ურთი- ერთობის საკითხების შესახებ“ დეკლარაციის თაობაზე

საქართველოს პარლამენტი, რომელმაც განიხილა თანამედ-  
როვე ეტაპზე რუსეთ-საქართველოს ურთიერთობის საკითხები და  
მიიჩნევს აუცილებლად ამ ურთიერთობათა მოწესრიგებისათვის  
მყარი სამართლებრივ-სახელმწიფო საფუძვლების შექმნას,  
ადგენს:

1. მიუხედავად იმისა, რომ რუსეთის ხელისუფლებისა და  
შეიარაღებული ძალების ბოლოდროინდელმა მოქმედებამ გაამწვავა  
რუსეთ-საქართველოს ურთიერთობა, დავალოს რუსეთ-საქართვე-  
ლოს მოლაპარაკებაზე საქართველოს რესპუბლიკის მთავრობის დე-  
ლეგაციას განაგრძოს მოლაპარაკება რუსეთის მხარესთან შემოთა-  
ვებული ხელშეკრულების მთელი პაკეტის საბოლოო გაფორმე-  
რისა და ხელმოწერის მიზნით.

2. დავალოს რუსეთ-საქართველოს მოლაპარაკებაზე საქარ-  
თველოს რესპუბლიკის მთავრობის დელეგაციას:

ა) ისე წარმართოს თავისი ძალისხმევა, რომ მიღწეულ იქნეს  
იარაღის შეწყობის შორის საერთაშორისო სამართლის ნორმების შესა-  
ბამისი, თანასწორუფლებიანობისა და ერთმანეთის საშინაო საქ-  
მეებში ჩაურევლობის, ტერიტორიული მთლიანობის ურღვევობის,  
სახელმწიფოებრივი სუვერენიტეტის შეუვალობის, პოლიტიკური,



ეკონომიკური და სოციალური განვითარების საკითხებში კეთილ-  
მოსურნე მხარდაჭერისა და ხელშეწყობის პრინციპებზე დაფუძნე-  
ბული ხელშეკრულება;

ბ) განსაკუთრებით გაამახვილოს ყურადღება ხელშეკრულების  
იმ პუნქტებზე, რომლებმაც შეიძლება მეორე მხარეს მისცეს სა-  
ფუძველი ნებისმიერი საბაბით ჩაერიოს საქართველოს საშინაო  
საქმეებში;

გ) ხელშეკრულებათა ეკონომიკური ბლოკის შემუშავებისას  
იხელმძღვანელოს საქართველოს ეკონომიკური სუვერენიტეტის  
დაცვის, საკუთარი ფულად-საკრედიტო და საფინანსო სისტემის  
ფორმირებისა და ურთიერთხელსაყრელი სავაჭრო რეჟიმის დამ-  
კვიდრების პრიორიტეტებით;

დ) მიაღწიოს იმას, რომ სამხედრო საკითხებთან დაკავშირებულ  
ხელშეკრულებაში განისაზღვროს რუსეთის ჯარების გაყვანის გრა-  
ფიკი არა უგვიანეს 1995 წლისა და მოხდეს მათი სამართლებრივი  
სტატუსის და ქონებრივი საკითხების რეგულირება.

4. დაევალოს პარლამენტის სამდივნოს პარლამენტის წევრე-  
ბის მიერ გამოთქმული შენიშვნები და ცალკეულ ფორმულირებათა  
ალტერნატიული ვარიანტები გასათვალისწინებლად გაუზიაროს  
რუსეთ-საქართველოს მოლაპარაკებაზე საქართველოს რესპუბ-  
ლიკის მთავრობის დელეგაციას.

საქართველოს პარლამენტის სპიკერი ვახტანგ კობახიძე.

თბილისი, 1993 წლის 11 მარტი.

**47 „საქართველოს მოქალაქეობის შესახებ“ საქართველოს რესპუბლიკის კანონის თაობაზე**

საქართველოს პარლამენტი ადგენს:

საქართველოს რესპუბლიკის კანონი „საქართველოს მოქალაქეობის შესახებ“ მიღებულ იქნეს პირველი მოსმენით. ამასთან, ამოღებულ იქნეს: I მუხლის მეორე ნაწილიდან სიტყვები: „გარდა ამ კანონით გათვალისწინებული შემთხვევებისა“, 27-ე მუხლის ბოლო აბზაცი და 34-ე მუხლის „ვ“ პუნქტი.

საქართველოს პარლამენტის სპიკერი ვახტანგ გომიზაძე.

თბილისი, 1993 წლის 11 მარტი.

**48 „გაქუჭყყიანებისაგან შავი ზღვის დაცვის კონვენციის“ შესახებ**

საქართველოს პარლამენტი ადგენს:

1. რატიფიცირებულ იქნეს „გაქუჭყყიანებისაგან შავი ზღვის დაცვის კონვენცია“.
2. საქართველოს რესპუბლიკის კანონმდებლობა მოყვანილ იქნეს „გაქუჭყყიანებისაგან შავი ზღვის დაცვის კონვენციის“ დებულებებთან შესაბამისობაში.
3. დევალოს საქართველოს რესპუბლიკის მინისტრთა კაბინეტს მიმდინარე წლის 10 აპრილამდე უზრუნველყოს საქართველოს რესპუბლიკის საკონვენციო სამსახურის ჩამოყალიბება.

საქართველოს პარლამენტის სპიკერი ვახტანგ გომიზაძე.

თბილისი, 1993 წლის 11 მარტი.

საქართველოს  
პარლამენტი  
გ ი ბ ლ ი მ ტ ი მ ა ჯ ა



ხელშემკვრელი მხარეები, რომლებსაც გადაწყვეტილი აქვთ იმოქმედონ შავი ზღვის გარემოს დაცვისა და მისი ცოცხალი რესურსების შენარჩუნებაში პროგრესის მიღწევის მიზნით,

გააზრებული აქვთ შავი ზღვის გარემოს ეკონომიკური, სოციალური და სამკურნალო მნიშვნელობა,

დარწმუნებულები არიან, რომ შავი ზღვის ბუნებრივი რესურსებისა და დასასვენებელი ზონების შენარჩუნება უწინარესად შავი ზღვისპირეთის ქვეყნების გაერთიანებული ძალისხმევით არის შესაძლებელი,

ითვალისწინებენ საერთაშორისო სამართლის საყოველთაოდ აღიარებულ ნორმებსა და დებულებებს,

იღებენ მხედველობაში ზღვის გარემოს დაცვისა და შენარჩუნების, აგრეთვე მისი ცოცხალი რესურსების შენარჩუნების მარგულირებელ საერთაშორისო სამართლის ზოგად პრინციპებს, ტრადიციებსა და ნორმებს,

ითვალისწინებენ ნარჩენებისა და სხვა ნივთიერებების ჩამარხვით ზღვის გარემოს გატუქვიანების აღკვეთის 1972 წლის კონვენციის შესაბამის დებულებებს შესწორებებით; გემებიდან გატუქვიანების აღკვეთის 1973 წლის საერთაშორისო კონვენციას შესწორებებით, მოდიფიცირებულს 1978 წლის ოქმით იმავე საკითხებზე; 1989 წლის კონვენციას საშიში ნარჩენების ტრანსსასაზღვრო გადაზიდვისა და მათგან განთავისუფლების კონტროლის შესახებ და ნავთობით გატუქვიანებისას მზადყოფნის, მოქმედებისა და თანამშრომლობის 1990 წლის საერთაშორისო კონვენციას,

აღიარებენ ევროპაში უშიშროებისა და თანამშრომლობის თათბირის მიერ მიღებული პრინციპების მნიშვნელობას,

ითვალისწინებენ თავის ინტერესებს შავი ზღვის ბიოპოლ-დუქციული პოტენციალის შენარჩუნების, ექსპლუატაციისა და განვითარების თვალსაზრისით,



ითვალისწინებენ იმ ფაქტს, რომ შავი ზღვის სანაპირო მნიშვნელოვანი საერთაშორისო საკურორტო ზონაა, სადაც შავი ზღვის ქვეყნებს ჯანმრთელობის დაცვისა და ტურიზმის განვითარებისათვის უზარმაზარი სახსრები აქვთ დაბანდებული,

ითვალისწინებენ შავი ზღვის განსაკუთრებულ ჰიდროლოგიურ და ეკოლოგიურ მახასიათებლებს და მისი ფლორისა და ფაუნის ზემოქანობიარე დამოკიდებულებას ზღვის წყლის ტემპერატურასა და შემადგენლობაზე,

აღნიშნავენ აგრეთვე შავი ზღვის გარემოს გაქუჩყიანებას ევროპის სხვა ქვეყნების ხმელეთზე მდებარე წყაროებით, ძირითადად მდინარეების საშუალებით.

ადასტურებენ თავის მზადყოფნას ითანამშრომლონ შავი ზღვის გარემოს შენარჩუნებისა და მისი ცოცხალი რესურსების გაქუჩყიანებისაგან დაცვის საქმეში;

აღნიშნავენ კონვენციის მიზნების მისაღწევად მეცნიერულ, ტექნიკურ და ტექნოლოგიურ სფეროებში თანამშრომლობის აუცილებლობას,

აღნიშნავენ იმ გარემოებას, რომ არსებული საერთაშორისო შეთანხმებები არ მოიცავს მესამე ქვეყნების მიერ შავი ზღვის გარემოს გაქუჩყიანების ყველა ასპექტს,

აღიარებენ შეთანხმებული რეგიონალური მიდგომის საფუძველზე კომპეტენტურ საერთაშორისო ორგანიზაციებთან მჭიდრო თანამშრომლობის საჭიროებას შავი ზღვის გარემოს დაცვისა და გაუმჯობესების მიზნით,

შეთანხმდნენ შემდეგზე:

**მუხლი I**

**ვავრცელების არე**

1. ეს კონვენცია ვრცელდება საკუთრივ შავ ზღვაზე, რომლის სამხრეთ საზღვარს ამ კონვენციის მიზნებისათვის წარმოადგენს კელაგრისა და დალიანის კონცხების შემაერთებელი ხაზი.

2. ამ კონვენციის მიზნებისათვის ცნება შავი ზღვა მოიცავს თითოეული ხელშემკვერელი მხარის ტერიტორიულ ზღვას, რომელიც საკუთრებულ ეკონომიკურ ზონას შავ ზღვაში, თუმცა კონვენციის ნებისმიერი ოქმით სხვა რამ შეიძლება იყოს გათვალისწინებული ამ ოქმის მიზნების შესაბამისად.

## მუხლი II

### განსაზღვრებანი

ამ კონვენციის მიზნებისათვის:

1. „ზღვის გარემოს გაჭუჭყიანება“ ნიშნავს ადამიანის მიერ უშუალოდ ან არაპირდაპირი გზით ზღვის გარემოში ნივთიერებების ან ენერჯის შეტანას, ესტუარების ჩათვლით, რაც იწვევს ან შეიძლება გამოიწვიოს ისეთი დამანგრეველი შედეგები, როგორცაა ზღვის გარემოს ცოცხალი რესურსებისა და სიცოცხლისათვის ზიანის მიყენება, ადამიანის ჯანრთელობისათვის საფრთხის შექმნა, საზღვაო საქმიანობის დაბრკოლება თევზჭერისა და ზღვის სხვა სამართლებრივი გამოყენების ჩათვლით, ზღვის წყლის ხარისხისა და დესასვენებელი ზონების მდგომარეობის გაუარესება.

2. ა) „გემი“ ნიშნავს ყველა ტიპის საზღვაო ხომალდს. ეს აღნიშვნა მოიცავს წყალქვეშაფრთიან კატარღებს, ჰაერბალიშინა გემებს, წყალქვეშა ნავეებს, საბუქსირო და თვითმავალ ხომალდებს, პლატფორმებსა და ხელოვნურად შექმნილ სხვა კონსტრუქციებს.

ბ) „საჰაერო ხომალდი“ ნიშნავს ყველა ტიპის საფრენ აპარატს.

3. ა) „ჩამარხვა“ ნიშნავს:

I. ნარჩენებისა და სხვა ნივთიერებების ნებისმიერ წინასწარ განზრახულ გადაყრას გემებიდან და საჰაერო ხომალდებიდან;

II. გემებისა და საჰაერო ხომალდების ნებისმიერ წინასწარ განზრახულ ჩაძირვას.

ბ) „ჩამარხვა“ არ მოიცავს:

I. გემების ან საჰაერო ხომალდების და მათი მოწყობილობის ნორმალურ ფუნქციონირებასთან დაკავშირებული ან მის შედეგად

ბილგებული ნარჩენებისა და სხვა მასალის გადაყრას, გარდა იმ ნარჩენებისა და სხვა მასალისა, რომლებიც ასეთი მასალისაგან განთავისუფლების მიზნით მოქმედი გემებიტა და საჰაერო ხომალდებით, ან მათზე გადასატვირთად გადაიზიდება, ან ამ გემებსა და საჰაერო ხომალდებზე აღნიშნული ნარჩენებისა და სხვა მასალის გადაშუშავებით მიიღება;

II. მასალის მოთავსება მისი უბრალოდ გადაყრისაგან განსხვავებული მიზნით, იმ პირობით, რომ ეს მოთავსება არ ეწინააღმდეგება წინამდებარე კონვენციის მიზნებს.

4. „მავნე ნივთიერება“ ნიშნავს ნებისმიერ საშიშ, მომწამლავ ან სხვა ნივთიერებას, რომელიც ზღვის გარემოში მოხვედრისას თავისი ტოქსიკური და (ან) მდგრადი და (ან) ბიოაკუმულაციური თვისებების გამო გამოიწვევს გაჭუჭყიანებას ან უარყოფითად იმოქმედებს ბიოლოგიურ პროცესებზე.

### მუხლი III

#### ზოგადი დებულება

ხელშემკვრელი მხარეები ამ კონვენციაში მონაწილეობენ უფლებებისა და მოვალეობების სრული თანასწორობის, ეროვნული სუვერენიტეტისა და დამოუკიდებლობის პატივისცემის, საშინაო საქმეებში ჩაურევლობის, ურთიერთსარგებლიანობისა და საერთაშორისო სამართლის სხვა შესაბამისი პრინციპებისა და ნორმების საფუძველზე.

### მუხლი IV

#### სუვერენული იმუნიტეტი

ეს კონვენცია არ ვრცელდება საშხედრო ხომალდებზე, სამხედრო-საზღვაო დამხმარე ან სააელმწიფო კუთვნილ, ან მის მიერ ექსპლუატირებულ სხვა გემებსა და საჰაერო ხომალდებზე, რომლებიც აქვეამად მხოლოდ სამთავრობო არაკომერციული სამსახურისათვის გამოიყენება.

მიუხედავად ამისა, გარკვეულ ღონისძიებათა საშუალებით, რომლებიც არ შეაფერხებენ მისი კუთვნილი ან მის მიერ შექმნილი ტირებული ასეთი გემებისა და საჰაერო ხომალდების ფუნქციონირებას, თითოეული ხელშემკვრელი მხარე უზრუნველყოფს ასეთი გემებისა და საჰაერო ხომალდების პრაქტიკული შესაძლებლობების ფარგლებში ამ კონვენციის შესაბამისად მოქმედებას.

## მუხლი V

### ზოგადი ვალდებულებები

1. თითოეული ხელშემკვრელი მხარე უზრუნველყოფს ამ კონვენციის გამოყენებას შავი ზღვის იმ რეგიონებში, სადაც ვრცელდება მისი სუვერენიტეტი, აგრეთვე სუვერენული უფლებანი და იურისდიქცია, ხელშემკვრელი მხარეების იმ უფლებების შეუღახავად, რომლებიც საერთაშორისო სამართლის ნორმებიდან გამომდინარეობს.

თითოეული ხელშემკვრელი მხარე, ამ კონვენციის მიზნების მისაღწევად, ითვალისწინებს თავისი შიდა წყლების ფარგლებში გაქუჭყიანების მავნე ზეგავლენას შავი ზღვის გარემოზე.

2. ხელშემკვრელი მხარეები, შექმნილი პირობების შესაბამისად, ინდივიდუალურად ან ერთობლივად ახორციელებენ საერთაშორისო სამართლის შესატყვის და ამ კონვენციის შესაბამის ყველა საჭირო ღონისძიებას იმისათვის, რომ შავი ზღვის გარემოს დაცვისა და შენარჩუნების მიზნით აღკვეთონ, შეამცირონ და კონტროლი გაუწიონ მის გაქუჭყიანებას.

3. ხელშემკვრელი მხარეები თანამშრომლობენ ამ კონვენციის გამოყენებისათვის საჭირო დამატებითი ოქმებისა და დანართების შემუშავებაში, რომლებიც განსხვავდება ამ კონვენციას თანდართული ოქმებისა და დანართებისაგან.

4. შავი ზღვის გარემოს დაცვისა და შენარჩუნებისათვის გამიზნული ორმხრივი ან მრავალმხრივი ხელშეკრულებების დადებისას ხელშემკვრელი მხარეები ისწრაფვიან უზრუნველყოფს ასეთი ხელშეკრულებების შესაბამისობა ამ კონვენციასთან. ასეთი ხელ-

შეკრულებების ასლები გადაეცემა დანარჩენ ხელშემკვრელ მხარეებს კომისიის საშუალებით, რომლის შექმნაც ამ კონვენციის XVIII მუხლით არის განსაზღვრული.

5. ხელშემკვრელი მხარეები თანამშრომლობენ მათგან კომპეტენტურად მიჩნეული საერთაშორისო ორგანიზაციების ფარგლებში ისეთი ზომების შემუშავებაში, რომლებიც ხელს შეუწყობენ შავი ზღვის გარემოს დაცვას და შენარჩუნებას.

## მუხლი VI

### საშიში ნივთიერებებითა და მასალებით გაჭუჭყიანება

არც ერთი ხელშემკვრელი მხარე არ დაუშვებს რომელიმე წყაროთი შავი ზღვის გარემოს გაჭუჭყიანებას იმ ნივთიერებებითა და მასალებით, რომლებიც ჩამოთვლილია წინამდებარე კონვენციის დამატებაში.

## მუხლი VII

### ხმელეთზე მდებარე წყაროების გაჭუჭყიანება

ხელშემკვრელი მხარეები არ დაუშვებენ, შეამცირებენ და კონტროლს გაუწევენ ხმელეთზე მდებარე წყაროებით შავი ზღვის გარემოს გაჭუჭყიანებას ხმელეთზე მდებარე წყაროებით შავი ზღვის გარემოს გაჭუჭყიანებისაგან დაცვის შესახებ ოქმის შესაბამისად, რომელიც ამ კონვენციის განუყოფელი ნაწილია.

## მუხლი VIII

### გემებიდან გაჭუჭყიანება

ხელშემკვრელი მხარეები, ინდივიდუალურად ან, საჭიროების შემთხვევაში, ერთობლივად ახორციელებენ საყოველთაოდ აღიარებული საერთაშორისო ნორმებისა და სტანდარტების შესაბამის ყველა საჭირო ღონისძიებას, რათა აღკვეთონ, შეამცირონ და კონტროლი გაუწიონ შავი ზღვის გარემოს გაჭუჭყიანებას გემებიდან.





**გაჭუჭყიანების წინააღმდეგ ბრძოლაში თანამშრომლობის საგანგებო ვითარების დროს**

ხელშემკვრელი მხარეები თანამშრომლობენ, რათა აღკვეთონ, შეამცირონ და ებრძოლონ შავი ზღვის გარემოს საგანგებო ვითარებაში გაჭუჭყიანებას საგანგებო ვითარების დროს ნავთობითა და სხვა მავნე ნივთიერებებით შავი ზღვის გარემოს გაჭუჭყიანების წინააღმდეგ ბრძოლაში თანამშრომლობის შესახებ ოქმის შესაბამისად, რომელიც ამ კონვენციის განუყოფელი ნაწილია.

**მუხლი X**

**ჩამარხვით გამოწვეული გაჭუჭყიანება**

1. ხელშემკვრელი მხარეები ყველაფერს ღონობენ და თანამშრომლობენ, რათა შეამცირონ და კონტროლი გაუწიონ ჩამარხვის შედეგად გამოწვეულ გაჭუჭყიანებას ჩამარხვით გამოწვეული გაჭუჭყიანებისაგან შავი ზღვის გარემოს დაცვის შესახებ ოქმის შესაბამისად, რომელიც ამ კონვენციის განუყოფელი ნაწილია.

2. ხელშემკვრელი მხარეები თავიანთი შესაბამისი იურიდიუციის რეგიონებში არ აძლევენ ჩამარხვის ნებას იმ სახელმწიფოების ფიზიკურ თუ იურიდიულ პირებს, რომლებიც შავი ზღვის ქვეყნებს არ განეკუთვნებიან.

**მუხლი XI**

**კონტინენტურ შეღფზე საქმიანობით გამოწვეული გაჭუჭყიანება**

1. თითოეული ხელშემკვრელი მხარე რაც შეიძლება უმოკლეს ვადებში იღებს კანონებსა და წესებს, აგრეთვე ზომებს, რათა აღკვეთოს, შეამციროს და კონტროლი გაუწიოს შავი ზღვის გარემოს

გაკუჭყიანებას, რომელიც გამოწვეული ან დაკავშირებულია კონ-  
ტინენტურ შეღფზე წარმოებულ საქმიანობასთან, კონტინენტური  
შეღფის ბუნებრივი რესურსების დაზვერვისა და ექსპლუატაციის  
ჩათვლით.

ხელშემკვრელი მხარეები კომისიის მეშვეობით აცნობენ ერთ-  
მანეთს ამ თვალსაზრისით მიღებულ თავიანთ კანონებს, წესებსა და  
ლონისძიებებს.

2. ხელშემკვრელი მხარეები საქიროების შესაბამისად თანა-  
მშრომლობენ ამ სფეროში და ისწრაფვიან შეათანხმონ ამ მუხლის  
I პუნქტში აღნიშნული ზომები.

## მუხლი XII

### გაკუჭყიანება ატმოსფეროდან ან მისი მეშვეობით

ხელშემკვრელი მხარეები ატმოსფეროდან ან მისი მეშვეობით  
შავი ზღვის გარემოს გაკუჭყიანების აღკვეთის, მისი შემცირებისა  
და კონტროლის მიზნით იღებენ კანონებსა და წესებს, აგრეთვე  
ინდივიდუალურ ან შეთანხმებულ ღონისძიებებს, რომლებიც მათი  
ტერიტორიების საპაერო სივრცეებზე, მათი დროშებით მცურავ გე-  
მებსა და მათ ტერიტორიაზე რეგისტრირებულ გემებსა და საპაერო  
ხომალდებზე ვრცელდება.

## მუხლი XIII

### ზღვის ცოცხალი რესურსების დაცვა

ახორციელებენ რა ღონისძიებებს ამ კონვენციის შესაბამისად  
შავი ზღვის გარემოს გაკუჭყიანების აღსაკვეთად, მისი შემცირე-  
ბისა და კონტროლის მიზნით, ხელშემკვრელი მხარეები განსა-  
კუთრებულ ყურადღებას უთმობენ ზღვის სიცოცხლისა და ცოც-  
ხალი რესურსებისათვის მათი არსებობის გარემოს შეცვლითა და  
თევზსაჭერისა და შავი ზღვის სსჯა დაშვებული გამოყენებისათვის  
შეფერხებების შექმნით გამოწვეული ზიანის თავიდან აცილებას და  
ამ თვალსაზრისით სათანადოდ ითვალისწინებენ კომპეტენტური  
საერთაშორისო ორგანიზაციების რეკომენდაციებს.



საშიში ნარჩენებით გაჭუჭყიანება ტრანსსასაზღვრო ტვირთზიდვის დროს

ხელშემკვრელი მხარეები საერთაშორისო სამართლის შესაბამისად, რომელსაც ისინი მიიღებენ.

მუხლი XV

სამეცნიერო და ტექნიკური თანამშრომლობა და მონიტორინგი

1. ხელშემკვრელი მხარეები თანამშრომლობენ შავი ზღვის გარემოს დაცვისა და შენარჩუნების მიზნით სამეცნიერო კვლევის წარსამართავად, საჭიროების შემთხვევაში ახორციელებენ სამეცნიერო კვლევის ერთობლივ პროგრამებს და ერთმანეთს უცვლიან შესაბამის მეცნიერულ მონაცემებსა და ინფორმაციას.

2. ხელშემკვრელი მხარეები თანამშრომლობენ ისეთი კვლევის წარსამართავად, რომლის მიზანია გაჭუჭყიანების ბუნებისა და ხარისხის, აგრეთვე წყლის სვეტში და სედიმენტებში ეკოლოგიურ სისტემაზე მისი ზეგავლენის შეფასების მეთოდებისა და საშუალებების განვითარება, გაჭუჭყიანების ფართობების გამოვლენა, საშიშროების შესწავლა და შეფასება, მისი აღმოფხვრის საშუალებების გამოძებნა; კერძოდ, ისინი ავითარებენ მავნე ნივთიერებების გადაქუჩავების, თავიდან მოცილების, ლიკვიდაციისა და გამოყენების ალტერნატიულ მეთოდებს.

3. ხელშემკვრელი მხარეები კომისიების მეშვეობით თანამშრომლობენ შესაბამისი მეცნიერული კრიტერიუმების დასადგენად შავი ზღვის გარემოს გაჭუჭყიანების აღსაკვეთად, მისი შემცირებისა და კონტროლის წესების, სტანდარტების, აგრეთვე რეკო-

მენდებული პრაქტიკისა და პროცედურების ფორმულირებისა და შემუშავებისათვის.



4. ხელშემკვრელი მხარეები, გარდა სხვა სამუშაოებისა, კომისიის მეშვეობით და, საჭიროების შემთხვევაში, მათ მიერ კომპეტენტურად მიჩნეულ საერთაშორისო ორგანიზაციებთან თანამშრომლობით, ადგენენ გატუქყიანების ყველა წყაროს მომცველ ერთმანეთის შემავსებელ ერთობლივ მონიტორინგულ პროგრამებს და შეიმუშავენ შავი ზღვის გატუქყიანების მონიტორინგულ სისტემას, რომელიც მოიცავს შავი ზღვის გარემოს გატუქყიანების საშიშროებასა და ზეგავლენაზე დაკვირვების, მათი გაზომვის, შეფასებისა და ანალიზის საჭიროებისამებრ, ორმხრივ ან მრავალმხრივ პროგრამებს.

5. როდესაც ხელშემკვრელ მხარეებს საკმარისი საფუძველი აქვთ იმისა, რომ მათი იურისდიქციის ან კონტროლის ფარგლებში წარმოებულმა საქმიანობამ შეიძლება გამოიწვიოს შავი ზღვის გარემოს მნიშვნელოვანი გატუქყიანება და საგრძნობი მავნე ცვლილებანი, ისინი ასეთი საქმიანობის დაწყებამდე შესაბამისი სრული ინფორმაციისა და მონიტორინგის მონაცემების საფუძველზე აფასებენ მათ შესაძლო გავლენას და კომისიას უგზავნიან ამ შეფასების შედეგებს.

6. ხელშემკვრელი მხარეები საჭიროების კვალობაზე თანამშრომლობენ სუფთა და უნარჩენო ტექნოლოგიის განვითარებაში, მიღებასა და დანერგვაში, გარდა ამისა ხელს უწყობენ ასეთი ტექნოლოგიების გაცვლას.

7. თითოეული ხელშემკვრელი მხარე ნიშნავს კომპეტენტურ ეროვნულ სამთავრობო ორგანოს, რომელსაც პასუხისმგებლობა ეკისრება სამეცნიერო მოღვაწეობისა და მონიტორინგის წარმართვისათვის.

## მუხლი XVI

### პასუხისმგებლობა და ვალდებულებანი

1. ხელშემკვრელ მხარეებს ეკისრებათ პასუხისმგებლობა შავი ზღვის გარემოს დაცვისა და შენარჩუნების საერთაშორისო ვალდებულებების შესრულებისათვის.

2. თითოეული ხელშემკვრელი მხარე იღებს ნორმებსა და ბუღლებებს, რომლებიც ითვალისწინებენ პასუხისმგებლობას ფიზიკური ან იურიდიული პირების მიერ შავი ზღვის გარემოსდაცვითი მცყენებელი ზარალის გამო იმ რეგიონებში, რომლებზეც საერთაშორისო სამართლის შესაბამისად, ვრცელდება მისი სუვერენიტეტი, სუვერენული უფლებები ან იურისდიქცია.

3. ხელშემკვრელი მხარეები თავიანთი სამართლებრივი სისტემების შესაბამისად უზრუნველყოფენ მათს იურისდიქციაში მყოფი ფიზიკური თუ იურიდიული პირების მიერ შავი ზღვის გარემოს გაჭუჭყიანებით გამოწვეული ზარალის სწრაფი და ადეკვატური კომპეტენციის ან სხვა სახის ანაზღაურების შესაძლებლობას.

4. ხელშემკვრელი მხარეები თანამშრომლობენ შავი ზღვის გარემოს გაჭუჭყიანებით გამოწვეული ზარალისათვის პასუხისმგებლობის, შეფასებისა და კომპეტენციის შესახებ კანონების, დებულებებისა და პროცედურების შემუშავებასა და შეთანხმებაში შავი ზღვის შენარჩუნებისა და დაცვის მაქსიმალურად უზრუნველყოფისათვის.

## მუხლი XVII

### კომისია

1. ამ კონვენციის მიზნების მისაღწევად ხელშემკვრელი მხარეები აფუძნებენ გაჭუჭყიანებისაგან შავი ზღვის დაცვის კომისიას, რომელსაც აქ შემდგომში „კომისია“ ეწოდება.

2. თითოეული ხელშემკვრელი მხარე კომისიაში წარმოდგენილია ერთი წარმომადგენლით, რომელსაც შეიძლება ახლდეს თანალტერნატიული წარმომადგენლები, მრჩეველები და ექსპერტები.

3. კომისიას რიგრიგობით, ინგლისური ენის ანბანთრიგის მიხედვით, თავმჯდომარეობს თითოეული ხელშემკვრელი მხარის წარმომადგენელი. კომისიის პირველი თავმჯდომარე იქნება ბულგარეთის რესპუბლიკის წარმომადგენელი.

თავმჯდომარე თავის ფუნქციას ერთი წლის მანძილზე ასრულებს და ამ ვადის განმავლობაში მას არ შეუძლია იმოქმედოს, როგორც თავისი ქვეყნის წარმომადგენელმა. თუ თავმჯდომარის ად-

ილი ვაკანტური ვახდა, ხელშემკვრელი მხარე, რომელიც თავმჯდომარეობს კომისიას, ნიშნავს მის შემცვლელს, რომელიც ამ პოსტზე რჩება თავმჯდომარეობის ვადის გასვლამდე.

4. კომისია წელიწადში ერთხელ მაინც იკრიბება. ნებისმიერი ხელშემკვრელი მხარის მოთხოვნით თავმჯდომარე იწვევს რიგგარეშე სხდომას.

5. კომისიის გადაწყვეტილებებსა და რეკომენდაციებს შავი ზღვის ქვეყნები ერთხმად იღებენ კენჭისყრის პრინციპის საფუძველზე.

6. კომისიას მისი საქმიანობის წარმართვაში ეხმარება მუდმივ-მოქმედი სამდივნო. კომისია ნიშნავს აღასრულებელ დირექტორსა და სამდივნოს სხვა თანამდებობის პირებს. აღმასრულებელი დირექტორი ნიშნავს ტექნიკურ პერსონალს იმ წესების შესაბამისად, რომლებსაც მძიღებს კომისია. სამდივნო შავი ზღვის ყველა სახელმწიფოს ეროვნების მქონე პირებისაგან შედგება.

კომისიისა და სამდივნოს შტაბ-ბინა სტამბოლშია. შტაბ-ბინის ადგილმდებარეობა შეიძლება შეიცვალოს ხელშემკვრელ მხარეთა ერთხლოვანი თანხმობის საფუძველზე.

7. თავისი ფუნქციების შესასრულებლად კომისია იღებს პროცედურის საკუთარ წესებს, წყვეტს თავისი საქმიანობის ორგანიზაციულ საკითხებს და ამ კონვენციის შესაბამისად ქმნის დამხმარე სამსახურებს.

8. ხელშემკვრელი მხარეების წარმომადგენლები, ალტერნატიული წარმომადგენლები, მრჩეველები და ექსპერტები შესაბამისი ხელშემკვრელი მხარის ტერიტორიაზე სარგებლობენ საერთაშორისო სამართლით მინიჭებული დიპლომატიური პრივილეგიებითა და იმუნიტეტებით.

9. სამდივნოს თანამდებობის პირთა პრივილეგიებისა და იმუნიტეტის საკითხი ხელშემკვრელ მხარეთა შეთანხმებით განისაზღვრება.

10. კომისიას ენიჭება მისი ფუნქციების განხორციელებისათვის საჭირო სამართლებრივი უფლებები.

11. კომისია მასპინძელ ხელშემკვრელ მხარესთან დებს შეთანხმებას შტაბ-ბინის შესახებ.

კომისიის ფუნქციები

კომისია:

1. ხელს უწყობს ამ კონვენციის შესრულებას და ხელშემკვრელ მხარეებს აწვდის ინფორმაციას თავისი მუშაობის შესახებ.
2. იძლევა ამ კონვენციის მიზნების მისაღწევად საჭირო ღონისძიებათა რეკომენდაციებს.
3. განიხილავს კონვენციის შესრულებასთან დაკავშირებულ საკითხებს, საჭიროების შემთხვევაში გამოაქვს რეკომენდაციები კონვენციისა და ოქმების შესწორების, აგრეთვე კონვენციისა და ოქმების დანართების შესახებ.
4. შეიმუშავებს შავი ზღვის გარემოს გაჭუჭყიანების აღკვეთის, შემცირებისა და კონტროლის, გაჭუჭყიანების შედეგების ლიკვიდაციის კრიტერიუმებს და აგრეთვე ამ მხრივ განსახორციელებელ ღონისძიებათა რეკომენდაციებს.
5. ხელს უწყობს ხელშემკვრელ მხარეებს შავი ზღვის გარემოს დაცვისათვის საჭირო ღონისძიებათა განხორციელებაში და ამ მიზნით იღებს, ამუშავებს და ხელშემკვრელ მხარეებს აწვდის შესაბამის სამეცნიერო, ტექნიკურ და სტატისტიკურ ინფორმაციას, აგრეთვე ხელს უწყობს მეცნიერულ და ტექნიკურ კვლევას.
6. თანამშრომლობს კომპეტენტურ საერთაშორისო ორგანიზაციებთან, უწინარეს ყოვლისა შესაბამისი პროგრამების დამუშავებისა და ამ კონვენციის მიზნების მიღწევაში დახმარების მიღების მიზნით.
7. განიხილავს სახელშეკრულებო მხარისაგან დასმულ ნებისმიერ საკითხს.
8. ასრულებს ამ კონვენციის დებულებებით გათვალისწინებულ ფუნქციებს და აგრეთვე ხელშემკვრელი მხარეების მიერ კომისიისათვის ერთხმად მინიჭებულ ფუნქციებს.

ხელშემკვრელი მხარეების შესვედარები

1. ხელშემკვრელი მხარეები სათათბიროდ იკრიბებიან კომისიის რეკომენდაციით. სათბირო აგრეთვე იკრიბება საგანგებო ვითარების დროს, ერთ-ერთი ხელშემკვრელი მხარის მოთხოვნით ათი დღის ვადაში.

2. ხელშემკვრელი მხარეების სათბიროს ძირითადი ფუნქციაა კომისიის მოხსენების საფუძველზე ამ კონვენციისა და ოქმების შესრულების მიმდინარეობის განხილვა.

3. არაშავიზღვისპირა სახელმწიფოს, რომელიც უერთდება კონვენციას, შეუძლია დაესწროს ხელშემკვრელი მხარეების სათათბირო ხმის უფლებით.

მუხლი XX

კონვენციისა და (ან) ოქმების შესწორებათა მიღება

1. თითოეულ ხელშემკვრელ მხარეს შეუძლია ამ კონვენციის მუხლების შესწორებათა შემოთავაზება.

2. ამ კონვენციის ნებისმიერ ხელშემკვრელ მხარეს შეუძლია ნებისმიერი ოქმის შესწორებათა შემოთავაზება.

3. ყველა ეს შესწორება ეგზავნება დეპოზიტარს, იგი კი დიპლომატიური არხებით აცნობებს ყველა ხელშემკვრელ მხარესა და კომისიას.

4. ამ კონვენციისა და ნებისმიერი ოქმის შესწორებები მიიღება ხელშემკვრელ მხარეთა დიპლომატიურ კონფერენციაზე, რომელიც დეპოზიტარისაგან შეთავაზებული შესწორებების გავრცელების შემდეგ 90 დღის ვადაში მოიწვევა.

5. შესწორებები ძალაში შედის 30 დღეში მას შემდეგ, რაც დეპოზიტარი მიიღებს ყველა ხელშემკვრელი მხარის თანხმობის შეტყობინებას ამ შესწორებებზე.



დანართები და დანართების შესწორებანი

1. ამ კონვენციის ან ნებისმიერი ოქმის დანართები შესაბამისად კონვენციის ან ასეთი ოქმის განუყოფელი ნაწილია.
2. ყოველ ხელშემკვრელ მხარეს, კომისიაში თავისი წარმომადგენლის მეშვეობით, შეუძლია ამ კონვენციის ან ნებისმიერი ოქმის დანართის შესწორების შემოთავაზება. ასეთ შესწორებებს კომისია იღებს ერთსულოვანი თანხმობის საფუძველზე. კომისიის გადაწყვეტილებების შესახებ მისი თავმჯდომარის მიერ შესაბამისად ინფორმირებული დეპოზიტარი დაუყოვნებლივ აცნობებს ყველა ხელშემკვრელ მხარეს აღნიშნული წესით მიღებულ შესწორებებს. ასეთი შესწორებები ძალაში შედის 30 დღეში მას შემდეგ, რაც დეპოზიტარი მიიღებს ყველა ხელშემკვრელი მხარის თანხმობის შეტყობინებას ამ შესწორებებზე.
3. კონვენციის ამ ნებისმიერი ოქმის ახალი დანართის მიღებისა და ძალაში შესვლისას მოქმედებს ამ მუხლის მე-2 პუნქტით დებულებანი.

მუხლი XXII

შეტყობინება შესწორებების ძალაში შესვლის შესახებ

დეპოზიტარი დიპლომატიური არხების საშუალებით ხელშემკვრელ მხარეებს აცნობებს XX და XXI მუხლების შესაბამისად მიღებული შესწორებების ძალაში შესვლის თარიღს.

მუხლი XXIII

საფინანსო წესები

ხელშემკვრელი მხარეები ყველა ფინანსურ საკითხს თანხმობის პრინციპის საფუძველზე წყვეტენ კომისიის რეკომენდაციების შესაბამისად.

**სხვა საერთაშორისო დოკუმენტებთან დამოკიდებულება**

ამ კონვენციის არც ერთი დებულება არანაირად არ ზღუდავს სახელმწიფო სუვერენიტეტს საერთაშორისო სამართლით დადგენილ მათს ტერიტორიულ ზღვაზე და საერთაშორისო სამართლის შესაბამის სუვერენულ უფლებებსა და იურისდიქციას მათს განსაკუთრებულ ეკონომიკურ ზონებში და კონტინენტურ შელფზე, აგრეთვე გემებისა და საჰაერო ზომალდების მიერ საერთაშორისო სამართლის ნორმებით გათვალისწინებული და შესაბამის საერთაშორისო დოკუმენტებში ასახული სანავიგაციო უფლებებისა და თავისუფლებების განხორციელებას.

**მუხლი XXV**

**უთანხმოების მოწესრიგება**

ამ კონვენციის ინტერპრეტაციასთან და შესრულებასთან დაკავშირებით ხელშემკვრელ მხარეებს შორის უთანხმოების შემთხვევაში, ისინი ცდილობენ მოაგვარონ ეს უთანხმოება მოლაპარაკების საშუალებით, ან, მათი არჩევანის მიხედვით, ნებისმიერი სხვა მშვიდობიანი გზით.

**მუხლი XXVI**

**დამატებითი ოქმების მიღება**

1. რომელიმე ხელშემკვრელი მხარის მოთხოვნით ან კომისიის რეკომენდაციით, ყველა ხელშემკვრელი მხარის თანხმობის შემთხვევაში, შეიძლება მოიწვიონ ხელშემკვრელი მხარეების დიპლომატიური კონფერენცია დამატებითი ოქმების მიღების მიზნით.
2. დამატებითი ოქმების ხელმოწერა, რატიფიკაცია, მიღება, მოწონება, მათთან შეერთება, ძალაში შესვლა და დენონსაცია ხორციელდება იმ პროცედურების საფუძველზე, რომლებიც, ამ კონვენციის შესაბამისად, განსაზღვრულია XXVIII, XXIX და XXX მუხლებში.

## მუხლი XXVII

### დამატებითი შენიშვნები



ამ კონვენციის დამატებითი შენიშვნები დაუშვებელია.

## მუხლი XXVIII

### ხელმოწერა, რატიფიკაცია, მიღება, მოწონება და შეერთება

1. ეს კონვენცია ღიაა ხელმოსაწერად შავი ზღვის სახელმწიფოებისათვის.

2. ეს კონვენცია ექვემდებარება რატიფიკაციას, მიღებას ან მოწონებას ხელმომწერი სახელმწიფოების მიერ.

3. ნებისმიერ არაშავიზღვისპირა სახელმწიფოს, რომელიც დაინტერესებულია ამ კონვენციის მიზნების მიღწევაში და არსებითად უწყობს ხელს შავი ზღვის გარემოს დაცვასა და შენარჩუნებას, შეუძლია შეუერთდეს კონვენციას იმ პირობით, რომ აღნიშნულ სახელმწიფოს მოიწვევს ყველა ხელშემკვრელი მხარე. შეერთებისათვის მოწვევის საპროცედურო საკითხებს განიხილავს დეპოზიტარი.

4. რატიფიკაციის, მიღების, მოწონების ან შეერთების დოკუმენტები შესანახად ბარდება დეპოზიტარს. წინამდებარე კონვენციის დეპოზიტარია რუმინეთის მთავრობა.

## მუხლი XXIX

### ძალაში შესვლა

ეს კონვენცია ძალაში შედის რატიფიკაციის, მიღების ან მოწონების მეოთხე დოკუმენტის დეპოზიტარისათვის შესანახად ჩაბარების დღიდან 60 დღის გასვლის შემდეგ.

სახელმწიფოსათვის, რომელიც ამ კონვენციას XXVIII მუხლის შესაბამისად უერთდება, კონვენცია ძალაში შედის შეერთების შესახებ დოკუმენტის შესანახად ჩაბარებიდან 60 დღის გასვლის შემდეგ.

## მუხლი XXX

### დენონსაცია

ამ კონვენციის ძალაში შესვლის დღიდან ხუთი წლის გასვლის შემდეგ ყოველ ხელშემკვრელ მხარეს შეუძლია კონვენციის დენონსირება დეპოზიტარის სახელზე გაგზავნილი წერილობითი შეტყობინებით. დენონსაცია ძალაში შედის დეპოზიტარის მიერ შეტყობინების მიღების მომდევნო წლის დეკემბრის ოცდამეერთმეტე დღეს.

შედგენილია ინგლისურ ენაზე ათას ცხრაას ოთხმოცდათორმეტი წლის აპრილის ოცდამეერთე დღეს ბუქარესტში.

- |                                    |                          |
|------------------------------------|--------------------------|
| 1. ბულგარეთის რესპუბლიკის სახელით  | ვალენტინ ვასილიევი       |
| 2. საქართველოს რესპუბლიკის სახელით | დავით ნაკანი             |
| 3. რუმინეთის სახელით               | მარჩიან ბლეაჟუ           |
| 4. რუსეთის ფედერაციის სახელით      | თევდორე შელოვ-კოვედიაევი |
| 5. თურქეთის რესპუბლიკის სახელით    | დოდანჯან აქიურეკი        |
| 6. უკრაინის სახელით                | იური შჩერბაკო            |

### დ ა ნ ა რ თ ი

1. კალის ორგანული ნაერთები.
2. ორგანულ-ჰალოგენური ნაერთები, მაგ. იდდტ, დდე, დდდ, პკბ.
3. ფოსფორის მდგრადი ორგანული ნაერთები.
4. ვერცხლისწყალი და მისი ნაერთები.
5. კადმიუმი და მისი ნაერთები.
6. დადასტურებული მომწამლავი კანცეროგენული, ტერატოგენული ან მუტაგენური თვისებების მქონე მდგრადი ნივთიერებები.
7. გამოყენებული საპოხი ზეთები.
8. მცურავი, ჩაძირული ან მოტივტივე მდგრადი სინთეზური მასალები.
9. რადიოაქტიური ნივთიერებები და ნარჩენები, მათ შორის გამოყენებული რადიოაქტიური საწვავი.
10. ტყვია და მისი ნაერთები.



**50** საქართველოს პარლამენტის ხელისუფლებისა და მმართველობის ცენტრალურ და ადგილობრივ ორგანოთა რეფორმებისა და აკრატული კომისიების შემადგენლობაში ცვლილების შესახებ

საქართველოს პარლამენტი ადგენს:

პარლამენტის წევრი თამაზ ცინცაძე არჩეულ იქნეს აგრარული კომისიის შემადგენლობაში და გამოყვანილ იქნეს ხელისუფლებისა და მმართველობის ცენტრალურ და ადგილობრივ ორგანოთა რეფორმების კომისიის შემადგენლობიდან.

საქართველოს პარლამენტის სპიკერი ვახტანგ გოგუაძე.

თბილისი, 1993 წლის 17 მარტი.

### საქართველოს პარლამენტის დადგენილება

**51** „საქართველოს რესპუბლიკის სისხლის სამართლის კოდექსში დამატების შეტანის შესახებ“ საქართველოს რესპუბლიკის კანონის პროექტის განმარტივებული პროცედურით კენჭისყრის თაობაზე

საქართველოს პარლამენტი ადგენს:

„საქართველოს რესპუბლიკის სისხლის სამართლის კოდექსში დამატების შეტანის შესახებ“ საქართველოს რესპუბლიკის კანონის პროექტის კენჭისყრა მოხდეს გამარტივებული პროცედურით.

საქართველოს პარლამენტის სპიკერი ვახტანგ გოგუაძე.

თბილისი, 1993 წლის 17 მარტი.



**52** საქართველოს რესპუბლიკის სისხლის სამართლის კოდექსის  
კოდექსში ფაქტების შეთანხმების შესახებ

საქართველოს პარლამენტი ადგენს:

1. 1960 წლის 30 დეკემბერს დამტკიცებულ საქართველოს რესპუბლიკის სისხლის სამართლის კოდექსს (საქართველოს სსრ უმაღლესი საბჭოს უწყებები, 1961 წ. № 1, მუხ. 10) დაემატოს შემდეგი შინაარსის 66<sup>1</sup> მუხლი.

„**მუხლი 66<sup>1</sup>.** დაქირავებული პირის მონაწილეობა შეიარაღებულ კონფლიქტში ან საბრძოლო მოქმედებაში

დაქირავებული პირის მონაწილეობა უცხო ქვეყნის ტერიტორიაზე შეიარაღებულ კონფლიქტში ან საომარ მოქმედებაში მატერიალური გასამრჩელოს, რაიმე გამორჩენის მიღების მიზნით, ან ასეთი მონაწილეობა სხვა ქვენაგრძნობით, თუ ეს პირი არ არის ამ ქვეყნის მოქალაქე ან არ ცხოვრობს მის ტერიტორიაზე მუდმივად და არა აქვს უფლებამოსილება ოფიციალური მოვალეობების შესასრულებლად იმ სახელმწიფოს მიერ, რომელიც არ მონაწილეობს შეიარაღებულ კონფლიქტში ან საბრძოლო მოქმედებაში, —

ისჯება თავისუფლების აღკვეთით ვადით ხუთიდან რვა წლამდე. იგივე მოქმედება თუ მას მოჰყვა განსაკუთრებით დიდი ზარალი ან სხვა მძიმე შედეგი, —

ისჯება თავისუფლების აღკვეთით ვადით შვიდიდან თორმეტ წლამდე.

ამ მუხლის პირველი ნაწილით გათვალისწინებული მოქმედება, თუ მას მოჰყვა ადამიანთა მსხვერპლი, —

ისჯება თავისუფლები აღკვეთით ვადით რვიდან თხუთმეტ წლამდე ან ისჯება სიკვდილით“.

2. ეს კანონი ძალაშია გამოქვეყნებისთანავე.

საქართველოს პარლამენტის თავმჯდომარე —

სახელმწიფოს მეთაური

**ილუარდ შევარდნაძე.**

საქართველოს პარლამენტის

სპიკერი

**ვახტანგ გოგუაძე.**



## საქართველოს რესპუბლიკის სისხლის საგარეო 53 კოდექსში დამატებების შეტანის შესახებ

საქართველოს პარლამენტი ადგენს:

1. 1960 წლის 30 დეკემბერს დამტკიცებულ საქართველოს რესპუბლიკის სისხლის სამართლის კოდექსში (საქართველოს სსრ უმაღლესი საბჭოს უწყებები, 1961 წ. № 1, მუხ. 10) შეტანილ იქნეს შემდეგი დამატებები:

1. დაემატოს კოდექსს შემდეგი შინაარსის 238<sup>1</sup> მუხლი:

„**მუხლი 238<sup>1</sup>.** უკანონო შეიარაღებული ფორმირების ორგანიზაცია ან მასში მონაწილეობა

უკანონო შეიარაღებული ფორმირების ორგანიზაცია, აგრეთვე ასეთ ფორმირებაში მონაწილეობა, —

იჩვენებს თავისუფლების აღკვეთით ვადით ათ წლამდე“.

2. 8<sup>1</sup> მუხლში (შიმიე დანაშაულის ცნება) სიტყვების „(238-ე მუხლის მესამე და მეოთხე ნაწილები)“ შემდეგ დაემატოს სიტყვები „უკანონო შეიარაღებული ფორმირების ორგანიზაცია ან მასში მონაწილეობა (მუხლი 238<sup>1</sup>)“.

3. 44-ე მუხლის (განსაკუთრებით საშიში რეციდივისტი) პირველი ნაწილის მეორე პუნქტში სიტყვების „(238-ე მუხლის მესამე და მეოთხე ნაწილები)“ შემდეგ დაემატოს სიტყვები „უკანონო შეიარაღებული ფორმირების ორგანიზაცია ან მასში მონაწილეობა (მუხლი 238<sup>1</sup>)“.

4. 54<sup>1</sup> მუხლს (სასჯელისაგან ვადამდე პირობით გათავისუფლების და სასჯელის უფრო მსუბუქი სასჯელით შეცვლის გამოუყენებლობა) პირველი ნაწილის მესამე პუნქტში სიტყვების „(238-ე მუხლის მესამე და მეოთხე ნაწილები)“ შემდეგ დაემატოს სიტყვები „უკანონო შეიარაღებული ფორმირების ორგანიზაცია

ას მასში მონაწილეობა (მუხლი 238)⁴.

II. ეს კანონი ძალაშია გამოქვეყნებისთანავე.



საქართველოს პარლამენტის თავმჯდომარე —  
სახელმწიფოს მეთაური

ედუარდ შივარდნაძე.

საქართველოს პარლამენტის  
სპიკერი

ვახტანგ გოგუაძე.

თბილისი, 1993 წლის 17 მარტი.

### საქართველოს პარლამენტის დადგენილება

**54** საქართველოს პარლამენტსა და რუსეთის ფედერა-  
ციული რესპუბლიკის უზენაეს საბჭოს შორის თანა-  
ფრომლობის ხელშეწყობის საპარლამენტო ჯგუფის შე-  
ქმნის შესახებ

საქართველოსა და რუსეთის ფედერაციულ რესპუბლიკებს შორის კეთილმეზობლური ურთიერთობის განმტკიცების, ამ ქვეყნებს შორის ეკონომიკური და კულტურული თანამშრომლობისათვის ხელშეწყობის, ამ საკითხების გადაწყვეტაში სათანადო ოპერატიულობის, კოორდინაციისა და პრაქტიკული შედეგების უზრუნველყოფისათვის, აგრეთვე იმის გათვალისწინებით, რომ რუსეთის ფედერაციული რესპუბლიკის უზენაეს საბჭოში მუშაობას შეუდგა ასეთივე საკითხებით დაინტერესებული კომისია

საქართველოს პარლამენტი ადგენს:

შეიქმნას საქართველოს პარლამენტსა და რუსეთის ფედერაციული რესპუბლიკის უზენაეს საბჭოს შორის თანამშრომლობის ხელშეწყობის საპარლამენტო ჯგუფი შემდეგი შემადგენლობით: ვ. ალვაძე, გ. ბარამიძე, ვ. გოცირიძე, გ. ზუმბაძე, ო. ზუზბაია, ა. იოსელიანი, კ. კიკაბიძე, ა. კობაიძე, გ. კობახიძე, რ. კუპრავა,



რ. ლიპარტელიანი, ბ. ლომსაძე, გ. ლორთქიფანიძე, გ. მამულაია,  
ი. მელაშვილი, რ. მიმინოშვილი, ა. ნადარაია, ბ. ნაკაშიძე, ნ. ნიჟარაძე,  
ლაიდელი, თ. პაატაშვილი, ზ. ქვანია, მ. რივიანი, ა. ქაშაყაძე,  
ზ. შენგელია, ე. შენგელია, ვ. ყოლბაია, დ. ჩიტლოვი, გ. წით-  
ლანაძე, რ. ხიზანიშვილი, ვ. ხომერიკი, რ. ჯაფარიძე.

საქართველოს პარლამენტის სპიკერი ვახტანგ გომეზაძე.

თბილისი, 1993 წლის 17 მარტი.

საქართველოს პარლამენტის დადგენილება

**55** პარტიული სიით არჩეული გამოკლებული დეპუტა-  
ტის ადგილმონაცვლის უფლებამოსილების ცნობის  
შესახებ

საქართველოს პარლამენტი ადგენს:

ცნობილ იქნეს პარტიული სიით არჩეული გამოკლებული დე-  
პუტატის ადგილმონაცვლის გია უორუოლიანის უფლებამოსილება.

საქართველოს პარლამენტის სპიკერი ვახტანგ გომეზაძე.

თბილისი, 1993 წლის 18 მარტი.

საქართველოს პარლამენტის დადგენილება

**56** სამანდატო, საპარლამენტო ეთიკისა და კრივილი-  
ვიების კომისიის შეამდგენლობაში ცვლილების შე-  
სახებ

საქართველოს პარლამენტი ადგენს:

პარლამენტის წევრი ალექსანდრე გუგუნივა არჩეულ იქნეს  
სამანდატო, საპარლამენტო ეთიკისა და პრივილეგიების კომისიის  
შემადგენლობაში.

საქართველოს პარლამენტის სპიკერის მოადგილე რუსუდან ბერიძე.

თბილისი, 1993 წლის 18 მარტი.

**57** საქართველოს რესპუბლიკის მინისტრთა კაბინეტის  
 1993 წლის 26 თებერვლის № 171 დადგენილების  
 თაობაზე

საქართველოს რესპუბლიკის მინისტრთა კაბინეტმა 1993 წლის 26 თებერვლის № 171 დადგენილებით დაამტკიცა დებულება რუსეთის ფედერაციისა და ყოფილი სსრ კავშირის სხვა რესპუბლიკების და სხვა სამხედრო მოსამსახურეთა საქართველოს რესპუბლიკის შეიარაღებულ ძალებში კონტრაქტის საფუძველზე სამხედრო სამსახურის გავლის წესების შესახებ.

დებულების მე-3 პუნქტში აღნიშნულია, რომ „სამხედრო მოსამსახურეს, რომელიც სამხედრო სამსახურს გადის საქართველოს რესპუბლიკის შეიარაღებული ძალების შემადგენლობაში, მისი სურვილით შეიძლება მიენიჭოს ორმაგი მოქალაქეობა“.

აღნიშნული პუნქტი არ შეესაბამება საქართველოს რესპუბლიკის მოქმედ კანონმდებლობას და უნდა გაუქმდეს შემდეგ გარემოებათა გამო:

„სახელმწიფო ხელისუფლების შესახებ“ საქართველოს რესპუბლიკის კანონის მე-17 მუხლის მე-18 პუნქტის თანახმად, საქართველოს მოქალაქედ მიღების საკითხთა გადაწყვეტა შედის პარლამენტის თავმჯდომარის — სახელმწიფოს მეთაურის კომპეტენციაში.

ამავე კანონის 22-ე მუხლის შესაბამისად, საქართველოს რესპუბლიკის მინისტრთა კაბინეტი აღმასრულებელ-განმკარგულებელ საქმიანობას ეწევა, დასახელებული პუნქტი კი სცილდება მინისტრთა კაბინეტის კომპეტენციას, ვინაიდან მოქალაქეობის საკითხთა რეგულირება პარლამენტის საკანონმდებლო უფლებამოსილების სფეროს განეკუთვნება.

სახელმწიფოს ხელისუფლების შესახებ კანონის მე-7 მუხლის მე-7 პუნქტის შესაბამისად, საქართველოს პარლამენტი ადგენს:

1. გაუქმდეს, როგორც კანონშეუსაბამო, საქართველოს რესპუბლიკის მინისტრთა კაბინეტის 1993 წლის 26 თებერვლის № 171

დადგენილებით დამტკიცებული „რუსეთის ფედერაციის და ყოფილი სსრ კავშირის სხვა რესპუბლიკების (შემდგომში — <sup>სამსახურში</sup> ხელმწიფოების“) და სხვა სამხედრო მოსამსახურეთა საქართველოს რესპუბლიკის შეიარაღებულ ძალებში კონტრაქტის საფუძველზე სამხედრო სამსახურის გავლის წესების შესახებ“ დებულების მე-3 პუნქტი.

2. დაველოს საქართველოს რესპუბლიკის მინისტრთა კაბინეტს კანონქვემდებარე ნორმატიული აქტების მიღებისას ზუსტად დაიცვას მოქმედი კანონმდებლობის მოთხოვნები.

3. დადგენილება ძალაშია მიღებისთანავე.

საქართველოს პარლამენტის სპიკერის მოადგილე რუსუდან ბერიძე.

თბილისი, 1993 წლის 18 მარტი.

#### საქართველოს პარლამენტის დადგენილება

### 58 საპარლამენტო ფრაქციის „პროგრესი — ბედნიერი საქართველო“ რეგისტრაციის გაუქმების შესახებ

საქართველოს პარლამენტი ადგენს:

საქართველოს პარლამენტის დროებითი რეგლამენტის 43-ე მუხლით განსაზღვრულ წევრთა რაოდენობის შემცირების გამო გაუქმდეს საპარლამენტო ფრაქციის „პროგრესი — ბედნიერი საქართველო“ რეგისტრაცია და დათხოვნილ იქნეს ამ ფრაქციის დამსმარე პერსონალი საქართველოს რესპუბლიკის შრომის კანონმდებლობის მოთხოვნათა დაცვით.

საქართველოს პარლამენტის სპიკერის მოადგილე რუსუდან ბერიძე.

თბილისი, 1993 წლის 18 მარტი.

**59** საპარლამენტო ფრაქცია „მიწათმოქმედის“ რეგისტრირების ტრაციის შესახებ

საქართველოს პარლამენტი ადგენს:

რეგისტრირებულ იქნეს საპარლამენტო ფრაქცია „მიწათმოქმედი“ შემდეგი შემადგენლობით: თ. ცინცაძე (თავმჯდომარე), გ. ახმეტელი, ვ. ბალაშვილი, ვ. იაკობაძე, რ. ლიპარტელიანი, მ. მანჭულაშვილი, ს. მახალდიანი, ს. მეგუფნიშვილი, ს. ქარცივაძე, ა. ჩარქსელიანი, მ. ჩხენკელი, ა. ჯიბლაძე.

საქართველოს პარლამენტის სპიკერის მოადგილე რუსუდან ბერიძე.

თბილისი, 1993 წლის 18 მარტი.

საქართველოს პარლამენტის დადგენილება

**60** გაერთიანებული ერების ორგანიზაციის, ევროკავშირის, მსოფლიოს ჰეგემონების პარლამენტების, რუსეთის ფედერაციის უზენაესი საბჭოსადმი საქართველოს პარლამენტის მიმართვის შესახებ

საქართველოს პარლამენტი ადგენს:

მიღებულ იქნეს გაერთიანებული ერების ორგანიზაციის, ევროკავშირის, მსოფლიოს ჰეგემონების პარლამენტების, რუსეთის ფედერაციის უზენაესი საბჭოსადმი საქართველოს პარლამენტის მიმართვა.

საქართველოს პარლამენტის სპიკერი ვახტანგ გომეზაძე.

თბილისი, 1993 წლის 17 მარტი.



**61** ვალერიან ადვაძის რუსეთის ფედერაციაში საჭარტივო  
ლღს რესპუბლიკის საგანგებო და სრულუფლებიან  
ელჩად დანიშვნის შესახებ

საქართველოს პარლამენტი ადგენს:

თანხმობა მიეცეს საქართველოს რესპუბლიკის სახელმწიფოს მეთაურს დანიშნოს ვალერიან ადვაძე რუსეთის ფედერაციაში საქართველოს რესპუბლიკის საგანგებო და სრულუფლებიან ელჩად.

საქართველოს პარლამენტის სპიკერი ვახტანგ გომეზაძე.

თბილისი, 1993 წლის 23 მარტი.

**62** სომხეთის რესპუბლიკის უზენაესი საბჭოს 1993 წლის  
23 თებერვლის განცხადების შესახებ

საქართველოს პარლამენტი ადგენს:

1. ცნობად იქნეს მიღებული სომხეთის რესპუბლიკის უზენაესი საბჭოს 1993 წლის 23 თებერვლის განცხადება.

2. ეცნობოს სომხეთის რესპუბლიკის უზენაეს საბჭოს ამ განცხადებაში აღნიშნულ ფაქტებთან დაკავშირებით გატარებულ ღონისძიებათა შესახებ.

საქართველოს პარლამენტის სპიკერი ვახტანგ გომეზაძე.

თბილისი, 1993 წლის 23 მარტი.

## 63 სახელმწიფო საკონსტიტუციო კომისიის შემადგენ ლოგის თაობაზე

საქართველოს პარლამენტი ადგენს:

დამტკიცდეს სახელმწიფო საკონსტიტუციო კომისიის შემდეგი შემადგენლობა:

ასლან აბაშიძე — საქართველოს პარლამენტის თავმჯდომარის მოადგილე, აჭარის ავტონომიური რესპუბლიკის უზენაესი საბჭოს თავმჯდომარე;

ალბერტ აბესაძე — თბილისის ივანე ჯავახიშვილის სახელობის სახელმწიფო უნივერსიტეტის იურიდიული ფაკულტეტის დოცენტი;

რევაზ ადამია — საქართველოს პარლამენტის წევრი;

ლევან აღეგისიძე — თბილისის ივანე ჯავახიშვილის სახელობის სახელმწიფო უნივერსიტეტის პრორექტორი, საქართველოს მეცნიერებათა აკადემიის წევრ-კორესპონდენტი;

ვადიმ ანასტასიადი — გაზეთ „ვეჩერნი ტბილისის“ მთავარი რედაქტორი;

აკაკი ასათიანი — საქართველოს პარლამენტის წევრი;

ანდრია აფაქიძე — საქართველოს მეცნიერებათა აკადემიის ვიცე-პრეზიდენტი;

სიმონ აჯიაშვილი — საქართველოს პარლამენტის წევრი;

თემურ ბახილია — საქართველოს პარლამენტის წევრი;

აკაკი ბაქრაძე — კრიტიკოსი;

შალვა ბერიაანიძე — საქართველოს პარლამენტის წევრი;

რუსუდან ბერიძე — საქართველოს პარლამენტის სპიკერის მოადგილე;

იგორ ბოგომოლოვი — თბილისის ივანე ჯავახიშვილის სახელობის სახელმწიფო უნივერსიტეტის პროფესორი, საქართველოს მეცნიერებათა აკადემიის ერთაშორის ურთიერთობების შესწავლის ცენტრის განყოფილების გამგე;

თენგიზ ბუაჩიძე — საქართველოს პარლამენტის წევრი.

კონსტანტინე გაბაშვილი — ქ. თბილისის მერი;

ანზორ გაბიაი — საქართველოს რესპუბლიკის შინაგან საქმეთა სამინისტროს დამნაშავეობის წინააღმდეგ ბრძოლის პრობლემატიკის, სამეცნიერო-კვლევითი ცენტრის უფროსი, პროფესორი;

თამაზ გამყრელიძე — საქართველოს პარლამენტის წევრი;

ოთარ გამყრელიძე — საქართველოს მეცნიერებათა აკადემიის სახელმწიფოსა და სამართლის ინსტიტუტის განყოფილების გამგე, დოცენტი;

ალექსანდრე გერახიშვილი — თბილისის ივანე ჯავახიშვილის სახელობის სახელმწიფო უნივერსიტეტის ფიზიკის ფაკულტეტის პროფესორი;

კახა გველესიანი —

ვახტანგ გოგუაძე — საქართველოს პარლამენტის სპიკერი;

მედია გოცირიძე — საქართველოს რესპუბლიკის სოციალური უზრუნველყოფის, შრომისა და დასაქმების მინისტრის მოადგილე, თბილისის სახელმწიფო უნივერსიტეტის დოცენტი;

ავთანდილ დემეტრაშვილი — საქართველოს სახელმწიფო მეთაურის აპარატის იურიდიული განყოფილების გამგე, თბილისის სახელმწიფო უნივერსიტეტის კათედრის გამგე, დოცენტი;

თამაზ დიასამიძე — საქართველოს პარლამენტის წევრი, აჭარის ავტონომიური რესპუბლიკის უზენაესი საბჭოს წევრი;

გრიგოლ ერემოვი — თბილისის ივანე ჯავახიშვილის სახელობის სახელმწიფო უნივერსიტეტის იურიდიული ფაკულტეტის პროფესორი;

გიორგი ინჭიკიშვილი — თბილისის ივანე ჯავახიშვილის სახელობის სახელმწიფო უნივერსიტეტის იურიდიული ფაკულტეტის დეკანი, პროფესორი;

იასე ზაუტაშვილი — თბილისის ივანე ჯავახიშვილის სახელობის სახელმწიფო უნივერსიტეტის იურიდიული ფაკულტეტის სტუდენტი;

ალბერტ თავხელიძე — საქართველოს მეცნიერებათა აკადემიის პრეზიდენტი;

გურამ თევზაძე — თბილისის ივანე ჯავახიშვილის სახელობის სახელმწიფო უნივერსიტეტის ფილოსოფიის ისტორიის კათედრის გამგე, პროფესორი;

ლევან თოიძე — საქართველოს პარლამენტის დემოკრატიული აღმშენებლობისა და პოლიტოლოგიის ინსტიტუტის მთავარი მეცნიერი თანამშრომელი, პროფესორი;

ვახტანგ თორდია — აფხაზეთის ავტონომიური რესპუბლიკის უზენაესი სასამართლოს თავმჯდომარე;

ჯაბა იოსელიანი — საქართველოს პარლამენტის წევრი;

კონსტანტინე კეშულარია — საქართველოს რესპუბლიკის იუსტიციის მინისტრი;

თენგიზ კიტოვანი — საქართველოს პარლამენტის წევრი;

ოლღა კონსტანტინოვა — თბილისის ივანე ჯავახიშვილის სახელობის სახელმწიფო უნივერსიტეტის იურიდიული ფაკულტეტის დოცენტი;

რაულ კუპრავა — საქართველოს პარლამენტის წევრი;

დავით კუპრეიშვილი — საქართველოს პარლამენტის წევრი;

ნიკოლოზ ლეკიშვილი — საქართველოს პარლამენტის წევრი;

თენგიზ ლილუაშვილი — საქართველოს მეცნიერებათა აკადემიის სახელმწიფოსა და სამართლის ინსტიტუტის განყოფილების გამგე, პროფესორი;

როინ ლიპარტელიანი — საქართველოს პარლამენტის წევრი;

გივი ლომინაძე — საქართველოს პარლამენტის წევრი;

ნოდარ ლომოური — საქართველოს ხელოვნების სახელმწიფო მუზეუმის დირექტორი, პროფესორი;

გრიგოლ ლორთქიფანიძე — საქართველოს პარლამენტის წევრი;

მარიამ ლორთქიფანიძე — თბილისის ივანე ჯავახიშვილის სახელობის სახელმწიფო უნივერსიტეტის საქართველოს ისტორიის კათედრის გამგე, საქართველოს მეცნიერებათა აკადემიის წევრ-კორესპონდენტი, პროფესორი;

ვალერიან ლორია — თბილისის ივანე ჯავახიშვილის სახელობის სახელმწიფო უნივერსიტეტის სახელმწიფოსა და სამართლის საფუძვლების კათედრის გამგე, პროფესორი;

ლევან მამალაძე — საქართველოს პარლამენტის წევრი;

გურამ მამულაია — საქართველოს პარლამენტის წევრი;

ადა მარშანია — საქართველოს პარლამენტის წევრი;



ლორიკ მარშანია — აფხაზეთის ავტონომიური რესპუბლიკის მინისტრთა საბჭოს თავმჯდომარის პირველი მოადგილე, აფხაზეთის ა. რ. ეროვნული ხსნის კომიტეტის თავმჯდომარე; <sup>ეროვნული</sup> <sup>სიბრძნის</sup>

მირზა მამოვი — ჟურნალისტი, საქართველოს ტელევიზიისა და რადიომალწყებლობის კორპორაციის რადიოს აზერბაიჯანულ გადაცემათა რედაქციის მთავარი რედაქტორი;

დავით მელიქიშვილი — საქართველოს პარლამენტის წევრი;

ოთარ მელქაძე — საქართველოს პარლამენტის წევრი;

როინ მეტრეველი — თბილისის ივანე ჯავახიშვილის სახელობის სახელმწიფო უნივერსიტეტის რექტორი, პროფესორი;

გია მეფარიშვილი — თბილისის ივანე ჯავახიშვილის სახელობის სახელმწიფო უნივერსიტეტის იურიდიული ფაკულტეტის დოცენტი;

დავით მუმლაძე — საქართველოს რესპუბლიკის საინფორმაციო-სადაზვერვო სამსახურის იურიდიული განყოფილების გამგე;

ზურაბ მურვანიძე — საქართველოს პარლამენტის წევრი;

გურამ მუჩაიძე — საქართველოს პარლამენტის წევრი;

ამირან ნადარაია — საქართველოს პარლამენტის წევრი;

ნუგზარ ნადარაია — საქართველოს პარლამენტის წევრი;

გიორგი ნადარეიშვილი — საქართველოს მეცნიერებათა აკადემიის სახელმწიფოსა და სამართლის ინსტიტუტის განყოფილების გამგე, პროფესორი;

თამაზ ნადარეიშვილი — აფხაზეთის ავტონომიური რესპუბლიკის მინისტრთა საბჭოს თავმჯდომარე;

შოთა ნადირაშვილი — საქართველოს მეცნიერებათა აკადემიის ფსიქოლოგიის ინსტიტუტის დირექტორი, პროფესორი, საქართველოს მეცნიერებათა აკადემიის წევრ-კორესპონდენტი;

ნოდარ ნათაძე — საქართველოს პარლამენტის წევრი;

შალვა ნათელაშვილი — საქართველოს პარლამენტის წევრი;

ბადრი ნაკაშიძე — საქართველოს პარლამენტის წევრი, აჭარის ავტონომიური რესპუბლიკის უზენაესი საბჭოს წევრი;

ზაზა ნამორაძე — ცენტრალური ევროპის უნივერსიტეტის (ბუდაპეშტი) სტაჟიორი;

მიხეილ ნანეიშვილი — საქართველოს პარლამენტის წევრი;  
თედორე ნინიძე — საქართველოს რესპუბლიკის გენერალური პროკურორი;

თედო პაატაშვილი — საქართველოს პარლამენტის წევრი;  
ვლადიმერ პაპავა — საქართველოს მეცნიერებათა აკადემიის ეკონომიკის ინსტიტუტის დირექტორი;

ზურაბ უვანია — საქართველოს პარლამენტის წევრი;

გია ჟორჟოლიანი — საქართველოს პარლამენტის წევრი, საქართველოს პარლამენტის კლევითი სამსახურის ხელმძღვანელი;

თემურ ჟორჟოლიანი — საქართველოს პარლამენტის წევრი;

ზურაბ რატიანი — საქართველოს პარლამენტის წევრი, საქართველოს იურისტთა კავშირის თავმჯდომარე;

ვახტანგ რჩეულიშვილი — საქართველოს პარლამენტის სპიკერის მოადგილე;

ბიძინა სავანელი — თბილისის ივანე ჯავახიშვილის სახელობის სახელმწიფო უნივერსიტეტის იურიდიული ფაკულტეტის დოცენტი;

ირინე სარიშვილი — საქართველოს პარლამენტის წევრი;

ზურაბ სარჯველაძე — თბილისის სულხან-საბა ორბელიანის სახელობის პედაგოგიური ინსტიტუტის პრორექტორი, პროფესორი;

თენგიზ სიგუა — საქართველოს პარლამენტის წევრი, საქართველოს რესპუბლიკის პრემიერ-მინისტრი;

ზაზა სიხარულიძე — საქართველოს პარლამენტის წევრი;

იური ტაბუცაძე — საქართველოს რესპუბლიკის უზენაესი სასამართლოს წევრი;

გიორგი ტყეშელიაძე — თბილისის ივანე ჯავახიშვილის სახელობის სახელმწიფო უნივერსიტეტის სისხლის სამართლის კათედრის გამგე, პროფესორი;

მინდია უგრეხელიძე — საქართველოს რესპუბლიკის უზენაესი სასამართლოს თავმჯდომარე;

დავით უსუფაშვილი — საქართველოს სახელმწიფოს მეთაურის აპარატის სახელმწიფო მრჩეველი;

გურამ ფანჯიკიძე — საქართველოს მწერალთა კავშირის თავმჯდომარე;

- იაკობ ფუტყარაძე — საქართველოს მეცნიერებათა აკადემიის სახელმწიფოსა და სამართლის ინსტიტუტის განყოფილებაში მუშავე;
- ქართლოს ღარიბაშვილი — საქართველოს პარლამენტის წევრი;
- ოთარ ყიფშიძე — თბილისის ივანე ჯავახიშვილის სახელობის სახელმწიფო უნივერსიტეტის საერთაშორისო სამართლისა და საერთაშორისო ურთიერთობების ფაკულტეტის სტუდენტი;
- ვახტანგ ყოლბაია — საქართველოს პარლამენტის წევრი;
- გურამ ყორანაშვილი — საქართველოს პარლამენტის წევრი;
- რევაზ შავიშვილი — საქართველოს რესპუბლიკის კონტროლის პალატის თავმჯდომარე;
- თეიმურაზ შაშიაშვილი — ქ. ქუთაისის მერი;
- გივი შაჰნაზარი — საქართველოს რესპუბლიკის სახელმწიფო მეთაურის აპარატის კონსულტანტი;
- ედუარდ შევარდნაძე — საქართველოს პარლამენტის თავმჯდომარე — სახელმწიფო მეთაური, სახელმწიფო საკონსტიტუციო კომისიის თავმჯდომარე;
- ელდარ შენგელაია — საქართველოს პარლამენტის წევრი;
- ირაკლი შენგელაია — საქართველოს პარლამენტის წევრი;
- რომან შენგელაია — თბილისის ივანე ჯავახიშვილის სახელობის სახელმწიფო უნივერსიტეტის იურიდიული ფაკულტეტის პროფესორი;
- ღიმიტრი ჩიტლოვი — საქართველოს პარლამენტის წევრი;
- ლევ ჩიქავა — საქართველოს მეცნიერებათა აკადემიის დემოგრაფიისა და სოციოლოგიის კვლევის ინსტიტუტის დირექტორი, პროფესორი;
- ირაკლი ჩიქოვანი — საქართველოს პარლამენტის აპარატის იურიდიული განყოფილების გამგე;
- ლია ცინდელიანი — საქართველოს პარლამენტის წევრი;
- ავთანდილ ცუბტიშვილი — საქართველოს რესპუბლიკის თავდაცვის მინისტრის მოადგილე;
- შოთა ძაგნიძე — საქართველოს პარლამენტის წევრი;
- ირაკლი წერეთელი — საქართველოს პარლამენტის წევრი;
- ნიკო ჭავჭავაძე — საქართველოს პარლამენტის წევრი;

ლადო ჭანტურია — თბილისის ივანე ჯავახიშვილის სახელობის  
სახელმწიფო უნივერსიტეტის იურიდიული ფაკულტეტის დოცენტი;  
ოთარ კილაძე — მწერალი;

გიორგი ჭინჭარაული — საქართველოს პარლამენტის წევრი;  
ლევო ხაბურჯანია — საქართველოს რესპუბლიკის ეკონომიკის  
სამინისტროსთან არსებული ეკონომიკის სამეცნიერო-კვლევითი ინს-  
ტიტუტის განყოფილების გამგე, პროფესორი;

ივლიანე ხაინდრავა — საქართველოს პარლამენტის წევრი;  
ჯონი ხეცურიანი — თბილისის ივანე ჯავახიშვილის სახელობის  
სახელმწიფო უნივერსიტეტის იურიდიული ფაკულტეტის დოცენტი;

ვანტანგ ხმალაძე — საქართველოს პარლამენტის წევრი;  
ბეჟან ხურციძე — საქართველოს პარლამენტის წევრი;

ალექსანდრე ჯავახიშვილი — სიმონ ჯანაშიას სახელობის სა-  
ქართველოს სახელმწიფო მუზეუმის დირექციის მრჩეველი, საქარ-  
თველოს მეცნიერებათა აკადემიის წევრ-კორესპონდენტი;

რევაზ ჯაფარიძე — საქართველოს პარლამენტის წევრი;  
ზაურ ჯინჯოლავა — თბილისის ივანე ჯავახიშვილის სახელობის  
სახელმწიფო უნივერსიტეტის იურიდიული ფაკულტეტის დოცენტი;

ოთარ ჯიოვი — საქართველოს მეცნიერებათა აკადემიის ფი-  
ლოსოფიის ინსტიტუტის კულტურის ფილოსოფიის განყოფილების  
გამგე, საქართველოს მეცნიერებათა აკადემიის წევრ-კორესპო-  
ნდენტი;

სერგო ჯორბენაძე — თბილისის ივანე ჯავახიშვილის სახელო-  
ბის სახელმწიფო უნივერსიტეტის კათედრის გამგე, საქართველოს  
მეცნიერებათა აკადემიის წევრ-კორესპონდენტი, პროფესორი.

საქართველოს პარლამენტის სპიკერი ვახტანგ გომიზაძე.

თბილისი, 1993 წლის 25 მარტი.



სახელმწიფო საკონსტიტუციო კომისიის უფლებამოსილება  
**64** სიღვინისა და მისი საქმიანობის უზრუნველყოფის  
თაობაზე

საქართველოს პარლამენტი ადგენს:

1. დამტკიცდეს სახელმწიფო საკონსტიტუციო კომისიის დებულება (თან ერთვის).
2. სახელმწიფო დაწესებულებებმა და ორგანიზაციებმა ხელი შეუწყონ სახელმწიფო საკონსტიტუციო კომისიის კონსტიტუციის მომზადებასთან დაკავშირებულ სამუშაოთა შესრულებაში.
3. სახელმწიფო საკონსტიტუციო კომისიას უფლება აქვს:
  - ა) საქართველოს სახელმწიფო ორგანიზაციებსა და დაწესებულებებს მოსთხოვოს, ხოლო სხვა ორგანიზაციებს — დაუკვეთოს მისი საქმიანობისათვის აუცილებელი ინფორმაცია, მასალები და დოკუმენტები;
  - ბ) კონსტიტუციის პროექტის ცალკეული ნაწილების მომზადებისა და ექსპერტიზისათვის მოიწვიოს სპეციალისტები;
  - გ) ჩაატაროს სამეცნიერო კონფერენციები, თათბირები და სემინარები.
4. დაევალოს საქართველოს პარლამენტის აპარატს სახელმწიფო საკონსტიტუციო კომისიის მატერიალურ-ტექნიკური უზრუნველყოფა.
5. დაევალოს საქართველოს რესპუბლიკის მინისტრთა კაბინეტს საქართველოს პარლამენტის აპარატის უფროსის წარდგინებით გადაწყვეტოს სახელმწიფო საკონსტიტუციო კომისიის საფინანსო და მატერიალურ-ტექნიკური უზრუნველყოფის საკითხები.
6. დაევალოს სახელმწიფო საკონსტიტუციო კომისიას 1993 წლის ივნისამდე საქართველოს პარლამენტს წარუდგინოს 1921 წლის საქართველოს კონსტიტუციის ახალი რედაქციის კონცეფცია.

საქართველოს პარლამენტის სპიკერი ვახტანგ გომეზაძე.

თბილისი, 1993 წლის 25 მარტი.

## დ ე ბ უ ლ ე ბ ა

### მუხლი 1

საქართველოს სრული დამოუკიდებლობის უზრუნველსაყოფად, თანამედროვე ქართული სახელმწიფოებრიობის შექმნისა და განვითარებისათვის, დემოკრატიული აღმშენებლობის პროცესის შეუქცევადობის უზრუნველყოფის მიზნით პარლამენტის მიერ შექმნილი სახელმწიფო საკონსტიტუციო კომისიის ამოცანაა საქართველოს ისტორიული გამოცდილების გათვალისწინებით

შეიმუშაოს საქართველოს 1921 წლის კონსტიტუციის ახალი რედაქცია და გადასცეს იგი საქართველოს პარლამენტს განსახილველად და საყოველთაო სახალხო კენჭისყრაზე (რეფერენდუმზე) გასატანად.

### მუხლი 2

სახელმწიფო საკონსტიტუციო კომისიის თავმჯდომარეს დეპუტატთა სიითი შემადგენლობის უმრავლესობით ირჩევს და გადაირჩევს საქართველოს პარლამენტი. კენჭისყრის წესს ადგენს პარლამენტი.

სახელმწიფო საკონსტიტუციო კომისიის თავმჯდომარე შეიძლება იყოს მხოლოდ საქართველოს პარლამენტის წევრი.

### მუხლი 3

სახელმწიფო საკონსტიტუციო კომისიის თავმჯდომარის წარდგინებით კომისიის სხვა წევრებს სიითი შემადგენლობის უმრავლესობით ირჩევს საქართველოს პარლამენტი. კენჭისყრის წესს ადგენს პარლამენტი.

სახელმწიფო საკონსტიტუციო კომისიის წევრი შეიძლება იყოს საარჩევნო უფლების მქონე ნებისმიერი პირი.

კომისიის წევრი პარლამენტმა ნებისმიერ დროს შეიძლება გამოიყვანოს კომისიის შემადგენლობიდან.



სახელმწიფო საკონსტიტუციო კომისიის თავმჯდომარის მოადგილეებსა და კომისიის მდივანს არჩეულ წევრთა შემადგენლობიდან ირჩევს სახელმწიფო საკონსტიტუციო კომისია. კენჭისყრის წესს ადგენს სახელმწიფო საკონსტიტუციო კომისია.

თავმჯდომარის მოადგილეებისა და კომისიის მდივნის კანდიდატურებს ასახელებს სახელმწიფო საკონსტიტუციო კომისიის თავმჯდომარე.

კანდიდატი არჩეულად ჩაითვლება, თუ მას მხარი დაუჭირა სახელმწიფო საკონსტიტუციო კომისიის სიითი შემადგენლობის ნახევარზე მეტმა.

თავმჯდომარის მოადგილეებისა და კომისიის მდივნის კომისიის შემადგენლობიდან გამოყვანის საკითხი შეუძლია დააყენოს სახელმწიფო საკონსტიტუციო კომისიის თავმჯდომარემ ან კომისიის ოცმა წევრმა, რომელთა შორის ნახევარზე მეტი პარლამენტის წევრი უნდა იყოს. თავმჯდომარის მოადგილე ან კომისიის მდივანი კომისიის შემადგენლობიდან გამოყვანილად ჩაითვლება, თუ ამას მხარი დაუჭირა კომისიის სიითი შემადგენლობის ნახევარზე მეტმა.

მუხლი 6

სახელმწიფო საკონსტიტუციო კომისიის პირველ სხდომას იწვევს კომისიის თავმჯდომარე კომისიის არჩევიდან არა უგვიანეს ორი კვირისა.

თავის პირველ სხდომაზე კომისია ირჩევს თავმჯდომარის მოადგილეებსა და კომისიის მდივანს.

მუხლი 6

სახელმწიფო საკონსტიტუციო კომისიის თავმჯდომარე იწვევს და უძღვება კომისიის სხდომებს, კოორდინაციას უწევს სამუშაო ჯგუფების საქმიანობას, წევრებს შორის დავალებათა განაწილებას. კომისიის თავმჯდომარე წარმოადგენს სახელმწიფო საკონსტიტუციო კომისიას პარლამენტში და სხვა ორგანოებთან ურთიერთობაში.

## მუხლი 7

სახელმწიფო საკონსტიტუციო კომისიის თავმჯდომარის მოადგილეები თავმჯდომარის დავალებით ან თავმჯდომარის მიერ თავისი უფლებამოსილების შესრულების შეუძლებლობის შემთხვევაში ასრულებენ მის მოვალეობებს, მოვალეობათა განაწილების შესაბამისად ხელმძღვანელებენ კომისიის სამუშაო ჯგუფებს და პასუხს აგებენ მათ საქმიანობაზე.

## მუხლი 8

სახელმწიფო საკონსტიტუციო კომისიის მდივანი ამზადებს კომისიისა და სამუშაო ჯგუფების სხდომებს, განაგებს კომისიის საქმისწარმოებას, ხელმძღვანელობს კომისიის აპარატს, უზრუნველყოფს კომისიის კავშირს სახელმწიფო და საზოგადოებრივ დაწესებულებებთან, მოწვეულ სპეციალისტებთან და პარლამენტის აპარატთან.

## მუხლი 9

სახელმწიფო საკონსტიტუციო კომისიის სხდომები იმართება თვეში ერთხელ. საქიროების შემთხვევაში კომისიის თავმჯდომარე იწვევს რიგგარეშე სხდომებს.

## მუხლი 10

სახელმწიფო საკონსტიტუციო კომისია უფლებამოსილია მიიღოს გადაწყვეტილება, თუ სხდომას ესწრება კომისიის სიითი შემადგენლობის ნახევარზე მეტი.

გადაწყვეტილება მიღებულად ჩაითვლება, თუ მას მხარი დაუჭირა კომისიის წევრთა სიითი შემადგენლობის ნახევარზე მეტმა.

## მუხლი 11

სახელმწიფო საკონსტიტუციო კომისია ანგარიშვალდებულია საქართველოს პარლამენტის წინაშე — ყოველთვიურად მოახსენებს მუშაობის მიმდინარეობის შესახებ.



## 66 საქართველოს მოქალაქეობის შესახებ

მოქალაქეობა ნიშნავს პირის პოლიტიკურ-სამართლებრივ კავშირს საქართველოს სახელმწიფოსთან, რაც გამოიხატება ურთიერთსანაცვლო უფლებამოვალეობათა ერთიანობით, ემყარება ადამიანის ღირსების პატივისცემას, მისი უფლებებისა და თავისუფლებების აღიარებას.

ეს კანონი საერთაშორისო სამართლისა და საქართველოს რესპუბლიკის კანონმდებლობის შესაბამისად უზრუნველყოფს საქართველოს მოქალაქის უფლებათა დაცვას როგორც ქვეყანაში, ისე მის ფარგლებს გარეთ.

### თავი I

#### ზოგადი დებულებანი

**მუხლი 1.** საქართველოს მოქალაქეობა

საქართველოს რესპუბლიკაში დადგენილია ერთიანი მოქალაქეობა.

საქართველოს მოქალაქე იმავდროულად არ შეიძლება იყოს სხვა სახელმწიფოს მოქალაქე.

**მუხლი 2.** მოქალაქეობის უფლება

საქართველოს რესპუბლიკაში ამ კანონით დადგენილი წესით ყოველ ადამიანს აქვს საქართველოს მოქალაქეობის უფლება. არავის არ შეიძლება შეეზღუდოს მოქალაქეობის შეცვლის უფლება, გარდა ამ კანონით გათვალისწინებული შემთხვევებისა.

არავის არ შეიძლება ჩამოერთვას საქართველოს მოქალაქეობა.

**მუხლი 3.** საქართველოს მოქალაქე

საქართველოს მოქალაქედ ჩაითვლება:

ა) პირი, რომელიც მუდმივად ცხოვრობდა საქართველოში არანაკლებ ხუთი წლისა და ცხოვრობს ამ კანონის სამოქმედოდ შემო-

ლების დღისათვის, თუ სამი თვის ვადაში წერილობით არ განაცხადებს უარს საქართველოს მოქალაქეობაზე და 4 თვის ვადაში მიიღებს საქართველოს მოქალაქეობის დამადასტურებელ დოკუმენტს;



ბ) პირი, რომელიც საქართველოს მოქალაქეობას შეიძენს ამ კანონის შესაბამისად.

**მუხლი 4.** საქართველოს მოქალაქეთა თანასწორობა

საქართველოს მოქალაქენი კანონის წინაშე თანასწორნი არიან წარმოშობის, სოციალური და ქონებრივი მდგომარეობის, რასობრივი და ეროვნული კუთვნილების, სქესის, განათლების, ენის, რელიგიისა და პოლიტიკური მრწამსის, საქმიანობის, საცხოვრებელი ადგილისა და სხვა გარემოებათა მიუხედავად.

**მუხლი 5.** საქართველოს მოქალაქეთა სამართლებრივი მდგომარეობა

საქართველოს მოქალაქეებს გარანტირებული აქვთ საქართველოს რესპუბლიკის კანონმდებლობით და საერთაშორისო სამართლით აღიარებული პოლიტიკური, სოციალურ-ეკონომიკური, აგრეთვე პირადი უფლებები და თავისუფლებები.

საქართველოს მოქალაქენი მოვალენი არიან დაიცვან საქართველოს ძირითადი კანონი და სხვა კანონები, გაუფრთხილდნენ ქვეყნის ტერიტორიის მთლიანობას, ხელი შეუწყონ მის ძლიერებას, იყვნენ საქართველოს ინტერესების ერთგულნი.

**მუხლი 6.** სახელმწიფოს მიერ მოქალაქეთა უფლებებისა და კანონიერი ინტერესების დაცვა

საქართველოს მოქალაქეთა უფლებებს, თავისუფლებებსა და კანონიერ ინტერესებს თავის ტერიტორიაზე და მის ფარგლებს გარეთ, იცავს საქართველოს რესპუბლიკა.

**მუხლი 7.** საქართველოს მოქალაქეობის შენარჩუნება საზღვარგარეთ მცხოვრები პირისათვის

რესპუბლიკის ფარგლებს გარეთ საქართველოს მოქალაქის ცხოვრება თავისთავად არ იწვევს საქართველოს მოქალაქეობის დაკარგვას.

**მუხლი 8.** სხვა სახელმწიფოს მოქალაქეთა და მოქალაქეობის არქონე პირთა სამართლებრივი მდგომარეობა

საქართველოს ტერიტორიაზე მყოფი სხვა სახელმწიფოს მოქალაქეები და მოქალაქეობის არქონე პირნი მოვალენი არიან პატივი სცეს და დაიცვან საქართველოს კანონები, მათ გარანტირებული აქვთ საერთაშორისო სამართლის ნორმებითა და საქართველოს კანონმდებლობით გათვალისწინებული უფლებები და თავისუფლებები, მათ შორის იმის უფლება, რომ მიმართონ სასამართლოს და სხვა სახელმწიფო ორგანოებს მათი პირადი, ქონებრივი და სხვა უფლებათა დასაცავად.

საქართველოს ტერიტორიაზე მყოფ სხვა სახელმწიფოს მოქალაქეებს უფლება აქვთ დახმარებისა და დაცვისათვის მიმართონ თავისი ქვეყნის დიპლომატიურ და საკონსულო წარმომადგენლობებს.

**მუხლი 9.** სხვა სახელმწიფოსათვის საქართველოს მოქალაქის გადაცემის დაუშვებლობა

საქართველოს მოქალაქე არ შეიძლება გადაეცეს სხვა სახელმწიფოს.

## თავი II

### საქართველოს მოქალაქეობის შეძენა

**მუხლი 10.** საქართველოს მოქალაქეობის შეძენის საფუძვლები საქართველოს მოქალაქეობის შეძენა ხდება:

- ა) დაბადებით;
- ბ) საქართველოს მოქალაქეობის მიღებით (ნატურალიზაციით);
- გ) საქართველოს რესპუბლიკის საერთაშორისო ხელშეკრულებებითა და ამ კანონით გათვალისწინებული სხვა საფუძვლებით.

**მუხლი 11.** ბავშვის მოქალაქეობა, რომლის მშობლებიც საქართველოს მოქალაქეები არიან

ბავშვი, რომლის ორივე მშობელი მისი დაბადების მომენტისათვის საქართველოს მოქალაქეა, საქართველოს მოქალაქედ ითვლება და დაბადების ადგილის მიუხედავად.

**მუხლი 12.** ბავშვის მოქალაქეობა, რომლის ერთ-ერთი მშობელი საქართველოს მოქალაქეა



მშობლების სხვადასხვა მოქალაქეობისას, თუ ბავშვის დაბადების მომენტისათვის ერთ-ერთი მათგანი საქართველოს მოქალაქეა, ბავშვი ითვლება საქართველოს მოქალაქედ, თუ:

- ა) დაიბადა საქართველოს ტერიტორიაზე;
- ბ) დაიბადა საქართველოს ფარგლებს გარეთ, მაგრამ მის ერთ-ერთ მშობელს მუდმივი საცხოვრებელი ადგილი აქვს საქართველოს ტერიტორიაზე;

ვ) ერთ-ერთი მშობელი მისი დაბადების მომენტისათვის (დაბადების ადგილის მიუხედავად) საქართველოს მოქალაქეა, ხოლო მეორე — მოქალაქეობის არმქონე პირი ან უცნობია.

მშობელთა სხვადასხვა მოქალაქეობისას, თუ ბავშვის დაბადების მომენტისათვის ერთ-ერთი მათგანი საქართველოს მოქალაქეა და ორივე ცხოვრობს საქართველოს ფარგლებს გარეთ: საქართველოს ფარგლებს გარეთ დაბადებული ბავშვის მოქალაქეობის საკითხი წყდება მშობელთა შეთანხმებით, მშობლების შეუთანხმებლობის შემთხვევაში — იმ ქვეყნის კანონმდებლობით, სადაც ბავშვი დაიბადა.

იმ ბავშვის მამობის დადგენის შემთხვევაში, რომლის დედა მოქალაქეობის არმქონე პირია, ხოლო მამად მიჩნეულია საქართველოს მოქალაქე, ბავშვი ხდება საქართველოს მოქალაქე დაბადების ადგილის მიუხედავად.

**მუხლი 13.** ბავშვის მოქალაქეობა, რომლის მშობლები მოქალაქეობის არმქონე პირები არიან

საქართველოს ტერიტორიაზე მუდმივად მცხოვრებ მოქალაქეობის არმქონე პირთა ბავშვები საქართველოს მოქალაქეები არიან, თუ ისინი დაიბადნენ საქართველოს ტერიტორიაზე.

**მუხლი 14.** ბავშვის მოქალაქეობა, რომლის მშობლები სხვა სახელმწიფოს მოქალაქეები არიან

საქართველოს ტერიტორიაზე დაბადებული ბავშვის მოქალაქეობის საკითხი, რომლის მშობლები სხვა სახელმწიფოს მოქალაქეები არიან, წყდება შესაბამისი ქვეყნის კანონმდებლობით.

**მუხლი 15.** უცნობ. მშობელთა ბავშვის მოქალაქეობა საქართველოს ტერიტორიაზე ნაპოვნი ბავშვი, რომლის მშობელი უცნობია, ითვლება საქართველოს მოქალაქედ, სანამ სხვა რამ არ დადგინდება.

**მუხლი 16.** ბავშვის მოქალაქეობა მშობლების მოქალაქეობის შეცვლისას  
ორივე მშობლის მოქალაქეობის შეცვლა შესაბამისად იწვევს 14 წელს მიუღწეველი ბავშვის მოქალაქეობის შეცვლას.  
14-დან — 18 წლამდე ბავშვის მოქალაქეობის შეცვლა შეიძლება მხოლოდ მისი თანხმობით.

**მუხლი 17.** ბავშვის მოქალაქეობა ერთ-ერთი მშობლის მოქალაქეობის შეცვლისას  
ერთ-ერთი მშობლის მიერ საქართველოს მოქალაქეობის შეცვლისას ბავშვი ინარჩუნებს საქართველოს მოქალაქეობას, თუ იგი საქართველოს ტერიტორიაზე საცხოვრებლად რჩება.  
თუ საქართველოს მოქალაქეობიდან გადის ერთ-ერთი მშობელი და 14 წელს მიუღწეველ ბავშვთან ერთად მუდმივ საცხოვრებლად მიემგზავრება საქართველოს ფარგლებს გარეთ, ბავშვი კარგავს საქართველოს მოქალაქეობას.

ერთ-ერთი მშობლის მოქალაქეობის დაკარგვა არ იწვევს ბავშვის მოქალაქეობის შეცვლას.

**მუხლი 18.** ბავშვის მოქალაქეობა ერთ-ერთი მშობლის მიერ საქართველოს მოქალაქეობის შექენისას  
თუ ერთ-ერთი მშობელი იძენს საქართველოს მოქალაქეობას, ხოლო მეორე რჩება სხვა სახელმწიფოს მოქალაქედ, მშობელთა ერთობლივი შუამდგომლობით ბავშვი შეიძლება გახდეს საქართველოს მოქალაქე.

თუ ერთ-ერთი მშობელი იძენს საქართველოს მოქალაქეობას, ხოლო მეორე რჩება მოქალაქეობის არმქონე პირად, ბავშვი ხდება საქართველოს მოქალაქე.

**მუხლი 19.** სრულწლოვანი პირის მიერ მოქალაქეობის არჩევის შესაძლებლობა

მშობლების სხვადასხვა მოქალაქეობის შემთხვევაში პირი სრულწლოვანების მიღწევისას სურვილისამებრ ირჩევს ერთ-ერთი მშობლის მოქალაქეობას.



**მუხლი 20.** ბავშვის მიერ საქართველოს მოქალაქეობის შექმნა შეილად აყვანის შემთხვევაში

ბავშვი, რომელიც სხვა სახელმწიფოს მოქალაქე ან მოქალაქეობის არმქონე პირია, თუ მას შეილად აიყვანენ საქართველოს მოქალაქეები, ხდება საქართველოს მოქალაქე.

ბავშვი, რომელიც სხვა სახელმწიფოს მოქალაქეა, საქართველოს მოქალაქე და სხვა სახელმწიფოს მოქალაქე მეუღლეების მიერ შეილად აყვანის შემთხვევაში მშვილებელთა ერთობლივი შუამდგომლობით საქართველოს მოქალაქე ხდება.

**მუხლი 21.** ბავშვის მოქალაქეობის შენარჩუნება შეილად აყვანის დროს

ბავშვი, რომელიც საქართველოს მოქალაქეა, უცხოელი მოქალაქეების ან საქართველოს მოქალაქისა და უცხოელი მოქალაქე მეუღლეების მიერ შეილად აყვანის შემთხვევაში ინარჩუნებს საქართველოს მოქალაქეობას. ასეთ შემთხვევაში მშვილებლების შუამდგომლობით ბავშვს საქართველოს მოქალაქეობიდან გასვლის ნება ეძლევა.

ბავშვი, რომელიც საქართველოს მოქალაქეა, თუ იგი შეილად აიყვანეს მოქალაქეობის არმქონე პირებმა ან საქართველოს მოქალაქე და მოქალაქეობის არმქონე მეუღლეებმა, ინარჩუნებს საქართველოს მოქალაქეობას.

**მუხლი 22.** ბავშვის მოქალაქეობა, რომელსაც დაწესებული აქვს მეურვეობა ან მზრუნველობა

ბავშვი, რომელსაც დაწესებული აქვს მეურვეობა ან მზრუნველობა, თუ მშობლები ან ერთ-ერთი მათგანი ტოვებს საქართველოს მოქალაქეობას, მეურვის ან მზრუნველის შუამდგომლობით ინარჩუნებს საქართველოს მოქალაქეობას.

**მუხლი 23.** არაქმედუნარიან პირთა მოქალაქეობა

არაქმედუნარიან პირთა მოქალაქეობა განისაზღვრება მეურვის მოქალაქეობის შესაბამისად.

**მუხლი 24.** დავა ბავშვების, არაქმედუნარიან ან შეზღუდული  
ქმედუნარიანობის მქონე პირთა მოქალაქეობის  
თაობაზე

დავა მშობლებს, მეურვეებს ან მზრუნველებს შორის ბავშ-  
ვის, არაქმედუნარიან ან შეზღუდული ქმედუნარიანობის მქონე პირ-  
თა მოქალაქეობის თაობაზე განიხილება სასამართლოს წესით ბავშ-  
ვის, არაქმედუნარიან ან შეზღუდული ქმედუნარიანობის მქონე  
პირთა ინტერესებიდან გამომდინარე.

**მუხლი 25.** საქართველოს მოქალაქეობა ქორწინების ან გან-  
ქორწინებისას

საქართველოს მოქალაქის ქორწინება ან განქორწინება უცხოელ  
მოქალაქესთან ან მოქალაქეობის არმქონე პირთან თავისთავად არ  
იწვევს მეუღლეთა მოქალაქეობის შეცვლას.

ერთ-ერთი მეუღლის მიერ მოქალაქეობის შეცვლა თავისთა-  
ვად არ იწვევს მეორე მეუღლის მოქალაქეობის შეცვლას.

მეუღლეთა განქორწინება არ იწვევს მათი შვილების მოქალა-  
ქეობის შეცვლას.

**მუხლი 26.** საქართველოს მოქალაქედ მიღების პირობები

საქართველოს მოქალაქედ ამ კანონის შესაბამისად მიიღება  
სრულწლოვანი უცხოელი მოქალაქე ან მოქალაქეობის არმქონე  
პირი, რომელიც აკმაყოფილებს შემდეგ მოთხოვნებს:

ა) მუდმივად ცხოვრობს საქართველოს ტერიტორიაზე უკა-  
ნასკნელი 10 წლის განმავლობაში;

ბ) დადგენილ ფარგლებში იცის ქართული ან აფხაზური ენა;

გ) დადგენილ ფარგლებში იცის საქართველოს ისტორია და  
კანონმდებლობა;

დ) საქართველოს რესპუბლიკაში აქვს სამუშაო ადგილი ან  
რაიმე უძრავი ქონება.

საქართველოს მოქალაქედ არ მიიღება ისეთი განზრახ დანა-  
შაულისათვის ნასამართლევ პირი, რომელიც ითვალისწინებს თა-  
ვისუფლების აღკვეთას სამ წელზე მეტი ვადით, თუ ნასამართლო-  
ბა არა აქვს მოხსნილი ან გაქარწყლებული.

საქართველოს მოქალაქედ მიღების მსურველმა პირმა ხელი  
უნდა მოაწეროს საქართველოს მოქალაქის დეკლარაციას.

**მუხლი 27.** საქართველოს მოქალაქედ მიღების განსაკუთრებული პირობები



საქართველოს სახელმწიფოს მეთაურს, გამონაკლისის სახით, უფლება აქვს ამ კანონის 26-ე მუხლის „ა“, „ბ“, „გ“ და „დ“ პუნქტებით ვათვალისწინებული პირობების შეუსრულებლად მიიღოს საქართველოს მოქალაქედ პირი, თუ:

- ა) კაცობრიობის და საქართველოს წინაშე აქვს განსაკუთრებული დამსახურება თავისი სამეცნიერო-საზოგადოებრივი საქმიანობით, ან აქვს პროფესია და კვალიფიკაცია, რომელიც წარმოადგენს ინტერესს საქართველოს რესპუბლიკისათვის;
- ბ) მისი მიღება გამომდინარეობს სახელმწიფო ინტერესებიდან.

**მუხლი 28.** საქართველოს მოქალაქეზე დაქორწინებული პირის მიღება საქართველოს მოქალაქედ

პირი, რომელიც დაქორწინდება საქართველოს მოქალაქეზე და მასთან ცხოვრობს საქართველოს ტერიტორიაზე უკანასკნელი 3 წლის განმავლობაში, შეიძლება მიღებულ იქნეს საქართველოს მოქალაქედ ამ კანონის 26-ე მუხლის „ბ“ და „გ“ პუნქტებისა და ამავე მუხლის მეორე ნაწილის შესაბამისად.

**მუხლი 29.** საქართველოს მოქალაქეობის აღდგენა

საქართველოს მოქალაქეობა პირს შეიძლება აღუდგეს ამ კანონის შესაბამისად, თუ მოქალაქეობა მას შეუწყდა:

- ა) მოქალაქეობის არამართლზომიერი დაკარგვის შედეგად;
- ბ) მოქალაქეობიდან გასვლის, მშობლების არჩევანის შედეგად, თუ დაინტერესებული პირი განცხადების შეტანის დროისათვის მუდმივად ცხოვრობს საქართველოს რესპუბლიკაში და აკმაყოფილებს ამ კანონის 26-ე მუხლის „ბ“ და „გ“ პუნქტებისა და ამავე მუხლის მეორე ნაწილის მოთხოვნებს.

**თავი III**

**საქართველოს მოქალაქეობის შეწყვეტა**

**მუხლი 30.** საქართველოს მოქალაქეობის შეწყვეტის საფუძვლებია:

- ა) საქართველოს მოქალაქეობიდან გასვლა;





ბ) საქართველოს მოქალაქეობის დაკარგვა;  
 გ) საქართველოს რესპუბლიკის საერთაშორისო სტრატეგიული  
 ლეგებით და ამ კანონით გათვალისწინებული სხვა შემთხვევები.

**მუხლი 31.** საქართველოს მოქალაქეობიდან გასვლა

საქართველოს მოქალაქეს აქვს საქართველოს მოქალაქეობიდან გასვლის უფლება. საქართველოს მოქალაქეობიდან გასვლის საკითხი წყდება ამ კანონის შესაბამისად.

საქართველოს მოქალაქეს შეიძლება უარი ეთქვას საქართველოს მოქალაქეობიდან გასვლაზე სახელმწიფოს წინაშე შეუსრულებელი მოვალეობის, სამხედრო ვალდებულების მოუხდელობის ან ქონებრივ ვალდებულებათა არსებობისას, რომლებიც დაკავშირებულია მოქალაქეთა, სახელმწიფო და საზოგადოებრივი ორგანიზაციების არსებით ინტერესებთან.

არ შეიძლება საქართველოს მოქალაქეობიდან გასვლა, თუ პირი მიცემულია სისხლის სამართლის პასუხისგებაში ან მის მიმართ არსებობს კანონიერ ძალაში შესული სასამართლო განაჩენი, რომელიც აღსრულებას ექვემდებარება.

**მუხლი 32.** საქართველოს მოქალაქეობის დაკარგვა

ამ კანონის შესაბამისად პირი დაკარგავს საქართველოს მოქალაქეობას, თუ:

ა) საქართველოს რესპუბლიკის კომპეტენტური ორგანოების უნებართვოდ შეეცხო სახელმწიფოს სამხედრო სამსახურში, პოლიციაში, იუსტიციის ორგანოებში და მმართველობის სხვა ორგანოებში ან სახელმწიფო ხელისუფლების ორგანოებში;

ბ) მუდმივად ცხოვრობს სხვა სახელმწიფოში და არასაპატიო მიზეზით არ დადგა საკონსულო აღრიცხვაზე 2 წლის განმავლობაში;

გ) საქართველოს მოქალაქეობას შეიძენს ყალბი დოკუმენტების წარდგენის გზით;

დ) მიიღებს სხვა სახელმწიფოს მოქალაქეობას.

საქართველოს მოქალაქეობის საკითხთა განხილვისა და  
 გადაწყვეტის წესი

**მუხლი 33.** საქართველოს სახელმწიფოს მეთაურის უფლება-  
 მოსილებანი მოქალაქეობის საკითხთა გადაწყვე-  
 ტისას

საქართველოს სახელმწიფოს მეთაური უფლებამოსილია მიიღოს  
 გადაწყვეტილება:

ა) უცხოელ მოქალაქეთა და მოქალაქეობის არმქონე პირთა  
 საქართველოს მოქალაქედ მიღების თაობაზე;

ბ) საქართველოს მოქალაქეობის აღდგენის თაობაზე;

გ) საქართველოს მოქალაქეობიდან გასვლის თაობაზე;

დ) საქართველოს მოქალაქეობის დაკარგვის თაობაზე.

**მუხლი 34.** საქართველოს მოქალაქეობის საკითხებზე განცხა-  
 დების შეტანა

საქართველოს მოქალაქეობის შექმნის, მოქალაქეობიდან გასვ-  
 ლისა და მოქალაქეობის აღდგენის შესახებ განცხადებები დაინტე-  
 რესებულ პირებს შეაქვთ საქართველოს რესპუბლიკის იუსტიციის  
 სამინისტროში; საქართველოს ფარგლებს გარეთ მცხოვრები პი-  
 რები განცხადებას საქართველოს რესპუბლიკის დიპლომატიური  
 წარმომადგენლობების, საკონსულო დაწესებულებების მეშვეობით  
 ან პირდაპირ უგზავნიან საქართველოს სახელმწიფოს მეთაურს.

14 წლამდე ასაკის პირთა შუამდგომლობები საქართველოს  
 მოქალაქეობის საკითხებზე შეაქვთ მათ კანონიერ წარმომადგენლებს.

**მუხლი 35.** წარდგინება საქართველოს მოქალაქეობის დაკარგ-  
 ვის თაობაზე

წარდგინება საქართველოს მოქალაქეობის დაკარგვის თაობაზე  
 საქართველოს რესპუბლიკის იუსტიციის სამინისტროში შეაქვთ სა-  
 სამართლოს, პროკურატურას, შინაგან საქმეთა სამინისტროს და  
 საგარეო საქმეთა სამინისტროს. სხვა სახელმწიფოში მცხოვრებ  
 საქართველოს მოქალაქეთა მიმართ — შესაბამის დიპლომატიურ  
 წარმომადგენლობას ან საკონსულოს.

მუხლი 36. საქართველოს მოქალაქეობის საკითხთა წინასწარი განხილვა



საქართველოს მოქალაქეობის საკითხებზე განცხადებას და წარდგინებას წინასწარ განხილავს და მასალებს ამზადებს საქართველოს რესპუბლიკის იუსტიციის სამინისტრო. დასკვნა მოქალაქეობის საკითხთა წინასწარი განხილვის თაობაზე მტკიცდება იუსტიციის სამინისტროს კოლეგიაზე.

მუხლი 37. საქართველოს მოქალაქეობის საკითხებზე გადაწყვეტილების მიღება

საქართველოს მოქალაქეობის შეძენის, მოქალაქეობის შეწყვეტისა და მოქალაქეობის აღდგენის შესახებ განცხადების და წარდგინების დაკმაყოფილების შემთხვევაში საქართველოს სახელმწიფოს მეთაური გამოსცემს ბრძანებულებას, ხოლო უარყოფითი გადაწყვეტილების მიღების შემთხვევაში — განკარგულებას.

მუხლი 38. მოქალაქეობის საკითხთა განხილვისა და გადაწყვეტის ვადები

მოქალაქეობის საკითხებზე განცხადების და წარდგინების განხილვა-გადაწყვეტის ვადა არ უნდა აღემატებოდეს ერთ წელს.

მუხლი 39. საქართველოს მოქალაქეობის საკითხებზე განცხადებისა და წარდგინების განმეორებითი განხილვა

საქართველოს მოქალაქეობის შეძენის, მოქალაქეობის შეწყვეტისა და მოქალაქეობის აღდგენის შესახებ განცხადების და წარდგინების განმეორებითი განხილვა შეიძლება წინა გადაწყვეტილების მიღებიდან ერთი წლის შემდეგ.

მუხლი 40. სახელმწიფო ბაჟი

მოქალაქეობის საკითხებზე განცხადების შეტანისას განმცხადებელი იხდის სახელმწიფო ბაჟს საქართველოს რესპუბლიკის მინისტრთა კაბინეტის მიერ დადგენილი ოდენობითა და წესით.

მუხლი 41. დებულება მოქალაქეობის საკითხებზე განცხადების და წარდგინების განხილვის წესის შესახებ

დებულება საქართველოს მოქალაქეობის საკითხებზე განცხადების და წარდგინების განხილვის წესის თაობაზე მტკიცდება საქართველოს სახელმწიფოს მეთაურის ბრძანებულებით.

**მუხლი 42.** საქართველოს მოქალაქეობის საკითხებზე გადაწყვეტილების გასაჩივრება

საქართველოს მოქალაქეობის საკითხებზე საქართველოს სახელმწიფოს მეთაურის გადაწყვეტილება შეიძლება გასაჩივრდეს საქართველოს რესპუბლიკის უზენაეს სასამართლოში.

მოქალაქეობის საკითხებთან დაკავშირებით განცხადების განხილვაზე დაუსაბუთებელი უარის, შუამდგომლობათა განხილვის ვადების დარღვევისა და სხვა არასამართლზომიერი მოქმედებებისათვის შესაბამისი თანამდებობის პირები პასუხს აგებენ მოქმედი კანონმდებლობით.

## თავი IV

### დასკვნითი დებულებები

**მუხლი 43.** საქართველოს მოქალაქეობის დამადასტურებელი დოკუმენტები

საქართველოს მოქალაქეობა დასტურდება საქართველოს მოქალაქის პირადობის მოწმობით ან საქართველოს მოქალაქის პასპორტით.

16 წლამდე ბავშვის მოქალაქეობა დასტურდება დაბადების მოწმობით და მშობლების პასპორტით ან მოქალაქის პირადობის მოწმობით.

16 წლამდე ბავშვის მოქალაქეობა, რომლის მშობლებიც უცნობი არიან, დასტურდება დაბადების მოწმობით.

**მუხლი 44.** საქართველოს მოქალაქეობის დამადასტურებელი დოკუმენტების გაცემა

საქართველოს მოქალაქის პირადობის მოწმობას გაცემენ შინაგან საქმეთა სამინისტროს ორგანოები.

სხვა სახელმწიფოში მცხოვრებ საქართველოს მოქალაქეს პასპორტს აძლევს საქართველოს რესპუბლიკის დიპლომატიური წარმომადგენლობა ან საკონსულო დაწესებულება.

საქართველოს მოქალაქეობის დამადასტურებელი დოკუმენტების გაფორმებისა და გაცემის წესსა და პირობებს ადგენს საქართველოს რესპუბლიკის მინისტრთა კაბინეტი.

**მუხლი 45.** საპატიო მიზეზით გადაცილებული ვადის აღდგენა  
თუ პირმა ამ კანონის მე-3 მუხლით დადგინდ ვადადგენის  
მიზეზით ვერ განაცხადა უარი საქართველოს მოქალაქეობაზე ან  
ვერ მიიღო მოქალაქეობის დამადასტურებელი დოკუმენტები, მას  
გადაცილებული ვადა აღუდგება კანონმდებლობით დადგენილი  
წესით.

**მუხლი 46.** საერთაშორისო ხელშეკრულებების გამოყენება  
საქართველოს მოქალაქეობის საკითხთა გადაწყვეტისას ამ კანონთან ერთად გამოიყენება საქართველოს რესპუბლიკის საერთაშორისო ხელშეკრულებები.

თუ საერთაშორისო ხელშეკრულებით, რომელშიც საქართველოს რესპუბლიკა მონაწილეობს, ამ კანონისაგან განსხვავებული წესებია დადგენილი, გამოიყენება საერთაშორისო ხელშეკრულების ნორმები.

საქართველოს პარლამენტის თავმჯდომარე —  
სახელმწიფოს მეთაური

ედუარდ შევარდნაძე.

საქართველოს პარლამენტის სპიკერი

ვახტანგ გოგუაძე.

თბილისი, 1993 წლის 25 მარტი.

## 67 საქართველოს მოქალაქის დეკლარაციის ტექსტის შესახებ

საქართველოს მოქალაქეობის შესახებ კანონის მიღებასთან დაკავშირებით საქართველოს პარლამენტი ადგენს:

დამტკიცდეს საქართველოს მოქალაქის დეკლარაციის ტექსტი: მე \_\_\_\_\_ ვხდები რა საქართველოს რესპუბლიკის მოქალაქე, ვაღიარებ და დავიცავ მის კონსტიტუციასა და კანონებს, ქვეყნის მთლიანობას, სახელმწიფო სუვერენიტეტსა და ავტორიტეტს, ვაღიარებ ქართულ ენას სახელმწიფო ენად, პატივს ვცემ ქართულ კულტურასა და ტრადიციებს.

საქართველოს პარლამენტის სპიკერი **პახტანა გოგუაძე**.

თბილისი, 1993 წლის 25 მარტი.

## საქართველოს პარლამენტის დადგენილება

## 68 საქართველოს მოქალაქეობის შესახებ კანონის სა- მოკვეყნოდ შემოღების თაობაზე

საქართველოს პარლამენტი ადგენს:

1. საქართველოს მოქალაქეობის შესახებ კანონი ძალაშია გამოკვეყნებისთანავე.

2. დაევალოს საქართველოს რესპუბლიკის მინისტრთა კაბინეტს 1993 წლის 10 აპრილამდე შეიმუშაოს და დაამტკიცოს:

ა) დებულება „მმართველობის ადგილობრივ ორგანოებთან არსებული საქართველოს მოქალაქეობის დამდგენი დროებითი კომისიების შესახებ“.

ბ) დებულება „საქართველოს მოსახლეობის რეგისტრაციისა და პირადობის დადასტურების წესის შესახებ“.

გ) დებულება „საქართველოს მოქალაქის პასპორტის, სამსახურებრივი და დიპლომატიური პასპორტის შესახებ“.

საქართველოს პარლამენტის სპიკერი **პახტანა გოგუაძე**.

თბილისი, 1993 წლის 25 მარტი.



**69** „საქართველოს რესპუბლიკისა და თურქეთის რესპუბლიკის მეგობრობის, თანამშრომლობისა და კეთილშეგობლური ურთიერთობების ხელშეკრულების“ რატიფიკაციის შესახებ

საქართველოს პარლამენტი ადგენს:

რატიფიცირებულ იქნეს „საქართველოს რესპუბლიკისა და თურქეთის რესპუბლიკის მეგობრობის, თანამშრომლობისა და კეთილშეგობლური ურთიერთობების ხელშეკრულება“.

საქართველოს პარლამენტის სპიკერი ვახტანგ გოგუაძე.

თბილისი, 1993 წლის 25 მარტი.

**70** საქართველოს რესპუბლიკისა და თურქეთის რესპუბლიკის მეგობრობის, თანამშრომლობისა და კეთილშეგობლური ურთიერთობების

**ხ ე ლ შ ე კ რ უ ლ ე ბ ა**

საქართველოს რესპუბლიკა და თურქეთის რესპუბლიკა, შემდგომში „მხარეებად“ წოდებულნი, რომლებიც

პატივს მიაგებენ ერთმანეთის სუვერენულ სტატუსს და ეყრდნობიან დამოუკიდებლობის, ტერიტორიული მთლიანობის, საზღვრების ურღვევობის, ერთმანეთის საშინაო საქმეებში ჩაურევლობის პრინციპებს და სურთ გააღრმავონ თანამშრომლობა,

ადასტურებენ გაერთიანებული ერების ორგანიზაციის წესდების, მისი მიზნების, ჰელსინკის საბოლოო აქტისა და ახალი ევროპისათვის პარიზის ქარტიის, ევროპაში უსაფრთხოებისა და თანამშრომლობის თათბირის სწვა დოკუმენტების ერთგულებას,

გამოთქვამენ რწმენას, რომ ორ ხალხს შორის არსებული ისტორიული და კულტურული ტრადიციების სიახლოვე და მეგობრულ ურთიერთობა ხელს შეუწყობს მრავალმხრივი კეთილმეზობლური კავშირის განვითარებას,

აცაადებენ, რომ დაიცავენ მათ შორის დადებულ ხელშეკრულებებს და შეთანხმებებს დაწყებული ყარსის 1921 წლის 13 ოქტომბრის შეთანხმებით.

ხელმძღვანელობენ იმით, რომ ამ შეთანხმებით საბოლოოდ დადგინდა საზღვარი ორ სახელმწიფოს შორის,

აღნიშნული შეთანხმების დებულებებს დაიცავენ თავიანთი კანონმდებლობის, არსებული პრაქტიკის და მათი საერთაშორისო ვალდებულებების გათვალისწინებით,

შეთანხმდნენ შემდეგზე:

**მუხლი 1.**

მხარეები იზიარებენ იმ აზრს, რომ ორი ქვეყნის ურთიერთობას განავითარებენ საერთაშორისო ურთიერთობათა ახალი პრინციპების საფუძველზე, და შეთანხმდნენ ურთიერთნდობისა და თანამშრომლობის საფუძველზე განავითარონ და გააფართოონ ურთიერთობა პოლიტიკურ, ეკონომიკურ, სავაჭრო, სამეცნიერო-ტექნიკურ, სოფლის მეურნეობის, მეცნიერების, ტრანსპორტის, კულტურის, ინფორმაციის, ტურიზმის, სპორტისა და სხვა დარგებში.

**მუხლი 2.**

მხარეები დიდ მნიშვნელობას ანიჭებენ შავი ზღვის აუზის ქვეყნებს თანამშრომლობას, რომლის ძირითადი პრინციპები აისახა 1992 წლის 25 ივნისს ქ. სტამბულში უმაღლეს დონეზე ხელმოწერილ დეკლარაციაში.

მხარეები ერთობლივი ძალისხმევით ეცდებიან განავითარონ აღნიშნული თანამშრომლობა, ყოველმხრივ აამაღლონ მისი სტატუსი და ეფექტიანობა; დიდ მნიშვნელობას მიანიჭებენ უთანხმოებათა პოლიტიკური საშუალებებით გადაჭრას, რეგიონული უსაფრთხოების და ნდობის სისტემის იდეის განხორციელების საქმეს.

მხარეები მჭიდროდ ითანამშრომლებენ სხვა საერთაშორისო ორგანიზაციებშიც,



აგრეთვე მრავალმხრივ კონფერენციებსა და ფორუმებში კავ-  
კასიასა და მსოფლიოში მიმდინარე პოზიტიური ცვლილებების  
ხელშეწყობისა და დაცვის მიზნით.

### **მუხლი 3.**

ურთიერთობათა შეთანხმებული წარმართვის უზრუნველსა-  
ყოფად მხარეები პერიოდულად მოაწყობენ კონსულტაციებს ორივე  
მხარისათვის საინტერესო რეგიონულ და საერთაშორისო საკითხებ-  
ზე.

მხარეები საგარეო საქმეთა სამინისტროების მეშვეობით შეა-  
თანხმებენ აღნიშნული კონსულტაციების დღის წესრიგს, ადგილსა  
და ვადებს.

### **მუხლი 4.**

1. მხარეები, ხელმძღვანელობენ რა იმ მოსახრებით, რომ სავაჭ-  
რო-ეკონომიკური თანამშრომლობა ორმხრივი ურთიერთობის გან-  
მსაზღვრელი ძირითადი ელემენტია, ეცდებიან სავაჭრო-ეკონომი-  
კური ურთიერთობის მოცულობა გაზარდონ მისი პოტენციური  
შესაძლებლობების დონემდე, შეიმუშაონ და განახორციელონ ერ-  
თობლივ კაპიტალდაბანადებათა პროექტები.

2. მხარეები ხელს შეუწყობენ და უპირატესობას მიანიჭებენ  
ერთმანეთს შორის ეკონომიკური და ფინანსური ურთიერთობის  
განვითარებას.

3. მხარეები მკიდრო თანამშრომლობას განავითარებენ იმ დარ-  
გებში, რომლებსაც განსაკუთრებული მნიშვნელობა აქვს მათი  
მომავლისათვის, როგორცაა:

- მრეწველობა,
- ენერჯეტიკა,
- სოფლის მეურნეობა და კვების მრეწველობა,
- ტრანსპორტი და ინფრასტრუქტურა,
- ჯანდაცვა,
- კომუნიკაციები.

### **მუხლი 5.**

მხარეები ხელს შეუწყობენ ეკონომიკის, მეცნიერებისა და  
ტექნიკის სფეროებში გამოცდილების გაზიარებას და ურთიერთობის  
განვითარებას აღნიშნულ დარგებში არსებულ შესაძლებლობათა  
უკეთ გამოყენებისა და გაცნობის მიზნით.

### მუხლი 6.

მხარეები ხელს შეუწყობენ კონტაქტების და ურთიერთობის დამყარებას სხვადასხვა საზოგადოებრივ, პროფესიულ და ტექნიკურ ორგანიზაციებს, პოლიტიკურ პარტიებსა და საქმიან წრეებს შორის, აგრეთვე გაცვლითი ვიზიტების წახალისებას აღნიშნული საზოგადოებების წარმომადგენელთა შორის და ორივე ქვეყნის ქალაქების დამძობილებას.

### მუხლი 7.

ორივე ქვეყანაში დამკვიდრებული ცხოვრების წესის უფრო სრულყოფილად გაცნობის მიზნით მხარეები ხელს შეუწყობენ მათ მოქალაქეთა პირად კონტაქტებს, განავითარებენ უშუალო თანამშრომლობას კულტურისა და ხელოვნების დარგებში.

### მუხლი 8.

მხარეები ხელსაყრელ პირობებს შეუქმნიან ორ ქვეყანას შორის მათი მოქალაქეების თავისუფალ მიმოსვლას, საკონსულო ურთიერთობათა განვითარების მიზნით ხელს შეუწყობენ შესაბამისი ხელშეკრულების ხელმოწერას.

### მუხლი 9.

მხარეები განსაკუთრებულ მნიშვნელობას ანიჭებენ თანამშრომლობის განვითარებას ტრანსპორტისა და ინფორმაციის გაცვლის სფეროში და ამ მიზნით ხელს შეუწყობენ პრესის, რადიოსა და ტელევიზიის ურთიერთკავშირის გაფართოებას.

### მუხლი 10.

მხარეები, დიდ მნიშვნელობას ანიჭებენ რა გარემოს დაცვას, მჭიდროდ ითანამშრომლებენ გაჭუჭყიანებისაგან შავი ზღვის დაცვის საკითხში.

### მუხლი 11.

ამ ხელშეკრულებით განსაზღვრული საკითხების განხორციელების მიზნით მხარეები ხელს შეუწყობენ ორი ქვეყნის პარლამენტთა თანამშრომლობას, ორი ქვეყნის სამთავრობო და არასამთავრობო ორგანოების პირდაპირი კონტაქტების დამყარებასა და თანამშრომლობას.



**მუხლი 12.**

მხარეები აცხადებენ, რომ აღნიშნული ხელშეკრულებების დადგენის მიზანია არ არის მიმართული სხვა სახელმწიფოს წინააღმდეგ და არ არღვევს ორმხრივი თუ მრავალმხრივი ხელშეკრულებებით ნაკისრ ვალდებულებებს მესამე ქვეყნის მიმართ.

**მუხლი 13.**

მხარეები კისრულობენ ვალდებულებას საკუთარ ტერიტორიაზე არ დაუშვან ისეთ ორგანიზაციათა, დაჯგუფებათა თუ პიროვნებათა მოქმედება, რომლებიც მიზნად ისახავენ მეორე მხარის ტერიტორიული მთლიანობის ხელყოფას, კონსტიტუციური წყობის ძალადობით შეცვლას.

**მუხლი 14.**

ეს ხელშეკრულება დადებულია ათი წლით. იგი ავტომატურად გაგრძელდება შემდგომი ხუთი წლით, თუ რომელიმე მხარე აღნიშნული ვადის გასვლამდე სამი თვით ადრე წინასწარ წერილობით არ ამცნობს მეორე მხარეს, რომ გადაწყვიტა შეწყვიტოს ხელშეკრულების მოქმედება.

შემდეგ ხელშეკრულებებშიც, მათი მოქმედების გაუქმებასთან დაკავშირებით, კვლავაც ძალაში რჩება სამი თვით ადრე წერილობითი შეტყობინების პრინციპი; თუ ამგვარი შეტყობინება არ გაკეთდა, ხელშეკრულება კვლავაც გაგრძელდებულად ჩაითვლება მომდევნო ხუთი წლით.

**მუხლი 15.**

აღნიშნული ხელშეკრულება ძალაში შედის მხარეთა კანონმდებლობის შესაბამისად დამტკიცების შემდეგ.

შესრულებულია და დამტკიცებულია ქ. თბილისში, 1992 წლის 30 ივლისს, ორ ეგზემპლარად, თითოეული ქართულ და თურქულ ენაზე, ამასთან ორივე ტექსტს თანაბარი ძალა აქვს.

საქართველოს რესპუბლიკის  
სახელით  
ედუარდ შევარდნაძე.

თურქეთის რესპუბლიკის  
სახელით  
სულეიმან დემირალი.

**71** საქართველოს რესპუბლიკის ტერიტორიაზე მიმოქცევა-  
ვაში საქართველოს რესპუბლიკის კუპონების უფმო-  
დების შესახებ

საქართველოს პარლამენტი ადგენს:

1. მიღებულ იქნეს ცნობად საქართველოს რესპუბლიკის მინისტრთა კაბინეტის ინფორმაცია საქართველოს რესპუბლიკის ტერიტორიაზე მიმოქცევაში საქართველოს რესპუბლიკის კუპონების შემოღების შესახებ.

2. დავებულ საქართველოს რესპუბლიკის მინისტრთა კაბინეტს შესაბამისი დადგენილების მომზადებისას გაითვალისწინოს საქართველოს პარლამენტის 1993 წლის 26 მარტის დახურულ სხდომაზე გამოთქმული წინადადებები და მოსაზრებები.

საქართველოს პარლამენტის სპიკერი ვახტანგ გომეზაძე.

თბილისი, 1993 წლის 26 მარტი.

საქართველოს პარლამენტის დადგენილება

**72** „საბიუჯეტო სისტემისა და უფლებების შესახებ“ სა-  
ქართველოს რესპუბლიკის კანონის კრომეტიზაციის  
გამარტივებული პროცედურით კანონის ტარობაზე

საქართველოს პარლამენტი ადგენს:

„საბიუჯეტო სისტემისა და უფლებების შესახებ“ საქართველოს რესპუბლიკის კანონის პროექტს კენჭი ეყაროს გამარტივებული პროცედურით.

საქართველოს პარლამენტის სპიკერი ვახტანგ გომეზაძე.

თბილისი, 1993 წლის 30 მარტი.

## 73 სსიუჯებო სისტემისა და უფლებების შესახებ

### კარი პირველი

#### ზოგადი დებულებანი

**მუხლი 1.** საქართველოს რესპუბლიკის კანონი საბიუჯეტო სისტემისა და უფლებების შესახებ განსაზღვრავს საქართველოს რესპუბლიკის რესპუბლიკური, ავტონომიური რესპუბლიკების რესპუბლიკური და ადმინისტრაციულ-ტერიტორიული ერთეულების ბიუჯეტების (შემდგომში საქართველოს რესპუბლიკის ბიუჯეტები) შედგენის, განხილვის, დამტკიცებისა და ხარჯების გამოყენების ძირითად პრინციპებს და საქართველოს რესპუბლიკის რესპუბლიკური, ავტონომიური რესპუბლიკების და ავგილობრივი ხელისუფლებისა და მმართველობის ორგანოების საფინანსო-საბიუჯეტო უფლებამოსილებებს.

**მუხლი 2.** საქართველოს რესპუბლიკის ნაერთი ბიუჯეტი საქართველოს რესპუბლიკის ფულადი სახსრების მობილიზაციისა და მისი გამოყენების ძირითადი ფინანსური გეგმაა.

საქართველოს რესპუბლიკის ბიუჯეტში თავმოყრილია ეროვნული პროდუქტისა და ეროვნული სიმდიდრის ნაწილი ფულადი სახსრების საერთო-სახელმწიფოებრივი ცენტრალიზებული ფონდების სახით, რომელიც იქმნება უპირატესად საწარმოებისა და სამეურნეო ორგანიზაციების, აგრეთვე საქართველოს რესპუბლიკის ტერიტორიაზე მცხოვრები მოქალაქეების, უცხოელი მოქალაქეებისა და მოქალაქეობის არმქონე პირების შემოსავლებიდან, საქართველოს რესპუბლიკის საკანონმდებლო აქტებით დადგენილი გადასახადების გადახდისა და სახსრების ნებაყოფლობითი შეტანის გზით და გამოიყენება სახელმწიფოს ეკონომიკური, სოციალური განვითარების, ქვეყნის თავდაცვისა და სხვა ღონისძიებათა დასაფინანსებლად.

**მუხლი 3.** საქართველოს რესპუბლიკის ერთიანი საბიუჯეტო სისტემა განისაზღვრება საქართველოს რესპუბლიკის სახელმწიფო და ადმინისტრაციულ-ტერიტორიული წყობის საფუძველზე და მოიცავს საქართველოს რესპუბლიკისა და ავტონომიური რესპუბლიკების რესპუბლიკურ ბიუჯეტებსა და ადმინისტრაციულ-ტერიტორიული ერთეულების ბიუჯეტებს, რომლებიც ერთმანეთისაგან დამოუკიდებელი არიან.

საქართველოს რესპუბლიკის ბიუჯეტების დამოუკიდებლობას განაპირობებს ბიუჯეტის ყველა რგოლის უზრუნველყოფა საკუთარი შემოსავლითა და დადგენილი წესით დამტკიცებული ეკონომიკური ნორმატივებით განსაზღვრული შემოსავლით, რომელთა გამოყენების მიმართულებებს უშუალოდ განსაზღვრავენ საქართველოს რესპუბლიკის, ავტონომიური რესპუბლიკებისა და ადგილობრივი ხელისუფლებისა და მმართველობის ორგანოები.

სახელმწიფო ხელისუფლებისა და მმართველობის ზემდგომ ორგანოებს არა აქვთ უფლება ადმინისტრაციული წესით ჩაერიონ სახელმწიფო იერარქიის ქვემდგომი საფეხურების საბიუჯეტო უფლებებში.

ავტონომიური რესპუბლიკების და ადგილობრივი ხელისუფლებისა და მმართველობის ორგანოებს ეკისრებათ პასუხისმგებლობა რესპუბლიკის საბიუჯეტო პოლიტიკის გატარებისათვის, როგორც ავტონომიური რესპუბლიკებისა და ადმინისტრაციულ-ტერიტორიული ერთეულების ბიუჯეტების, ისე საქართველოს რესპუბლიკის რესპუბლიკური ბიუჯეტის შემოსავლის შესრულებისათვის. ამასთანავე ისინი დადგენილი წესით პასუხს აგებენ საქართველოს რესპუბლიკის რესპუბლიკური ბიუჯეტის კუთვნილი შემოსავლის შეჩერების ან სხვა დანიშნულებით მიმართვისათვის.

**მუხლი 4.** ავტონომიური რესპუბლიკებისა და ადმინისტრაციულ-ტერიტორიული ერთეულების ბიუჯეტების ფორმირებისათვის გადასახადებიდან ანარიცხების ეკონომიკურ ნორმატივებს ამტკიცებს საქართველოს პარლამენტი 3-5 წლის ვადით.

**მუხლი 5.** საქართველოს რესპუბლიკის საბიუჯეტო-საფინანსო ზეგანიზმის ფუნქციონირების უმთავრესი პირობაა ბიუჯეტის დაბალანსება.

**მუხლი 6.** საქართველოს რესპუბლიკის რესპუბლიკური ბიუჯეტის პროექტს შეიმუშავენ საქართველოს რესპუბლიკის მინისტრთა კაბინეტი, ხოლო განიხილავს და ამტკიცებს საქართველოს პარლამენტი. ავტონომიური რესპუბლიკების რესპუბლიკური და ადმინისტრაციულ-ტერიტორიული ერთეულების ბიუჯეტების პროექტებს შეიმუშავენ ავტონომიური რესპუბლიკებისა და ადმინისტრაციულ-ტერიტორიული ერთეულების მმართველობის შესაბამისი ორგანოები საკუთარი შემოსავლისა და დადგენილი წესით დამტკიცებული ეკონომიკური ნორმატივებით გადასახადებიდან განსაზღვრული შემოსავლის ფარგლებში და ამტკიცებენ ხელისუფლების შესაბამისი ორგანოები.

საქართველოს რესპუბლიკის ბიუჯეტების შედგენას, განხილვას და შესრულებას ორგანიზაციას უწევენ შესაბამისად საქართველოს რესპუბლიკის მინისტრთა კაბინეტი, ავტონომიური რესპუბლიკების მინისტრთა საბჭოები და მმართველობის ადგილობრივი ორგანოები.

საქართველოს რესპუბლიკის ბიუჯეტები მტკიცდება ახალი საბიუჯეტო წლის დაწყებამდე.

**მუხლი 7.** საქართველოს რესპუბლიკის მინისტრთა კაბინეტი საქართველოს პარლამენტს წარუდგენს:

ა) საქართველოს რესპუბლიკის ბიუჯეტების ფორმირებისათვის გადასახადებიდან ანარიცხების ეკონომიკურ ნორმატივებს (პროცენტობით) მე-4 მუხლის მოთხოვნათა შესაბამისად და საჭიროების შემთხვევაში ბანკის სესხების გამოყენების ლიმიტების პროექტებს;

ბ) საქართველოს რესპუბლიკის რესპუბლიკური ბიუჯეტის პროექტს, რომელიც შეიცავს შემოსავლის საერთო თანხას ძირითადი წყაროების გამოყოფით და გასავლის საერთო თანხას საბიუჯეტო ასიგნებების ძირითადი მიმართულებების მიხედვით.

**მუხლი 8.** საქართველოს პარლამენტი საქართველოს რესპუბლიკის ბიუჯეტის ფორმირებისათვის იღებს კანონებს გადასახადებიდან ანარიცხების ეკონომიკური ნორმატივებისა და საქართველოს რესპუბლიკის რესპუბლიკური ბიუჯეტის შესახებ, აგრეთვე, საჭიროების შემთხვევაში, ადგენს მმართველობის ადგილობრივი ორგანოებისათვის ბანკის გრძელვადიანი სესხის ოდენობას.

საქართველოს რესპუბლიკის კანონი საქართველოს რესპუბლიკის რესპუბლიკური ბიუჯეტის შესახებ შეიცავს შემოსავლის საერთო თანხას ძირითადი წყაროების მიხედვით და გასავლის საერთო თანხას მისი ძირითადი მიმართულებების მიხედვით.

**მუხლი 9.** საქართველოს რესპუბლიკის რესპუბლიკურ ბიუჯეტთან ერთად განიხილება და მტკიცდება მოსახლეობის სოციალური დაცვისა და სხვა მიზნობრივი სახელმწიფო ფონდები მათი შემოსავლისა და გასავლის სახეობათა მიხედვით.

**მუხლი 10.** წლის განმავლობაში შემოსავლისა და ხარჯების დაწესებული დონიდან გადახრების შემთხვევას (გარდა ამ კანონის მე-16 მუხლით გათვალისწინებული ცვლილებებისა), რომელიც მოითხოვს დამატებით ფინანსურ რესურსებს, განიხილავს საქართველოს რესპუბლიკის პარლამენტი.

საქართველოს რესპუბლიკის ისეთი საკანონმდებლო აქტების მიღების შემთხვევაში, რომლებიც ზრდის ავტონომიური რესპუბლიკებისა და ადმინისტრაციულ-ტერიტორიული ერთეულების ბიუჯეტების ხარჯებს ან ამცირებს მათ შემოსავალს, ამ ბიუჯეტებს სათანადო სახსრები უნაზღაურდებათ საქართველოს რესპუბლიკის რესპუბლიკური ბიუჯეტიდან, ამ ბიუჯეტების ხარჯების შემცირების ან შემოსავლების გაზრდის შემთხვევაში კი შესაბამისი სახსრები გადაეცემა საქართველოს რესპუბლიკის რესპუბლიკურ ბიუჯეტს.

**მუხლი 11.** საქართველოს რესპუბლიკის ბიუჯეტების შესრულების ანგარიშებს ამტკიცებენ ხელისუფლების შესაბამისი ორგანოები.

**მუხლი 12.** საქართველოს რესპუბლიკის ბიუჯეტების შესრულებაში ხელისუფლებისა და მმართველობის შესაბამის ორგანოებს უსასყიდლოდ ემსახურებიან საქართველოს რესპუბლიკის ეროვნული ბანკი და მისი დავალებით სხვა ბანკები.

**მუხლი 13.** საქართველოს რესპუბლიკაში საფინანსო (საბიუჯეტო) წელი წესდება 12 თვით (კალენდარული წლის 1 იანვრიდან 31 დეკემბრის ჩათვლით). საანგარიშო წელი მოიცავს საფინანსო წელს პლუს თხუთმეტდღიანი საშელავათო პერიოდი. ამ ხნის განმავლობაში წარმოებს დასკვნითი ოპერაციები ბიუჯეტის შესრულების პროცესში ნაკისრი ვალდებულებებისათვის საბოლოო ანგარიშსწორების განსახორციელებლად.



**მუხლი 14.** საქართველოს რესპუბლიკის რესპუბლიკური ბიუჯეტში გათვალისწინება ასევე განიხილეს სახელმწიფო ვალის დასაფარავად და მისი სარგებლობისათვის პროცენტების გადასახდელად.

**მუხლი 15.** საქართველოს რესპუბლიკის კანონი საქართველოს რესპუბლიკური ბიუჯეტის შესახებ, აგრეთვე საქართველოს პარლამენტის დადგენილება საქართველოს რესპუბლიკის რესპუბლიკური ბიუჯეტის შესრულების შესახებ ანგარიშის დამტკიცების თაობაზე ქვეყნდება საყოველთაო გაცნობისათვის. ანალოგიურად ქვეყნდება ავტონომიური რესპუბლიკების კანონები და ხელისუფლების ადგილობრივი ორგანოების გადაწყვეტილებები შესაბამისი ბიუჯეტისა და მისი შესრულების შესახებ ანგარიშის დამტკიცების თაობაზე.

**მუხლი 16.** საქართველოს რესპუბლიკის ბიუჯეტების შესრულებისას დამატებით მიღებული შემოსავალი, აგრეთვე გასავალზე შემოსავლის გადამეტებული თანხა, რომელიც წლის ბოლოსათვის წარმოიშვა შემოსავლის გადაჭარბების ან გასავლის დაზოგვის შედეგად, რჩება შესაბამისად საქართველოს რესპუბლიკის მინისტრთა კაბინეტის, ავტონომიური რესპუბლიკების მინისტრთა საბჭოებისა და მმართველობის ადგილობრივი ორგანოების განკარგულებაში.

**მუხლი 17.** საქართველოს რესპუბლიკის ბიუჯეტში გათვალისწინებული ხარჯების გარდა იქმნება გარდამავალი საბრუნავი სახსრები, რომელთა ოდენობა განისაზღვრება ბიუჯეტების დამტკიცებისას.

**მუხლი 18.** ბიუჯეტის გასავლის შემოსავალზე გადამეტების (დეფიციტის) შემთხვევაში საქართველოს პარლამენტი, ავტონომიური რესპუბლიკების სახელმწიფო ხელისუფლების უმაღლესი ორგანოები და ადმინისტრაციულ-ტერიტორიული ერთეულების ხელისუფლების ადგილობრივი ორგანოები იყენებენ ხარჯების სექვესტრის მექანიზმს, ამ ღონისძიებების შემდეგ ბიუჯეტის დარჩენილი დეფიციტი დაიფარება აგრეთვე სახელმწიფო შინაგანი მომგებიანი სესხის ოპერაციების გამოშვებითა და ბანკის სესხებით, რომლებიც ძირითადად სახელმწიფო ინვესტიციების დასაფინანსებლად გამოიყენება.

**მუხლი 19.** საგადასახადო სისტემა რეგულირდება საქართველოს რესპუბლიკის საკანონმდებლო და კანონქვემდებარე ნორმატიული აქტებით.



**მუხლი 20.** საქართველოს რესპუბლიკის ბიუჯეტის შესრულების კონტროლი ხორციელდება საქართველოს რესპუბლიკის კანონმდებლობის შესაბამისად.

**მუხლი 21.** საქართველოს რესპუბლიკაში, ან მის ცალკეულ რეგიონებში საგანგებო მდგომარეობის შემოღების შემთხვევაში საქართველოს პარლამენტი საქართველოს რესპუბლიკის მინისტრთა კაბინეტის წარდგენით შეუძლია მიიღოს ვადაწყვეტილება საგანგებო ბიუჯეტის შესახებ იმ ღონისძიებათა მიზნობრივი დაფინანსებისათვის, რომლებიც დაკავშირებულია საგანგებო მდგომარეობასთან.

საგანგებო ხარჯების დასაფინანსებლად დამატებით გადასახადებს, მოსაკრებლებსა და შენატანებს აწესებს საქართველოს პარლამენტი საქართველოს რესპუბლიკის მინისტრთა კაბინეტის წარდგენით.

### კარი მეორე

#### საქართველოს რესპუბლიკის რესპუბლიკური ბიუჯეტი

**მუხლი 22.** საქართველოს რესპუბლიკის რესპუბლიკურ ბიუჯეტში თავს იყრის ფულადი სახსრები, რომლებიც ხმარდება საერთო-რესპუბლიკური მნიშვნელობის ეკონომიკური, სოციალური, საგარეო-ეკონომიკური, ქვეყნის თავდაცვისა და სხვა ღონისძიებების, აგრეთვე სახელმწიფო მნიშვნელობის პროგრამების დაფინანსებას.

ეკონომიკის უთანაბრო განვითარების გამო და ერთიანი სოციალური პროგრამის განხორციელების მიზნით რესპუბლიკური ბიუჯეტის მეშვეობით ხორციელდება შემოსავლის გადანაწილება ადმინისტრაციულ-ტერიტორიული ერთეულების ბიუჯეტებს შორის.

**მუხლი 23.** საქართველოს რესპუბლიკის რესპუბლიკური ბიუჯეტის პროექტს ადგენს საქართველოს რესპუბლიკის ფინანსთა სამინისტრო და შესაბამისი საფინანსო წლის დაწყებამდე სამ-ნახევარი თვით ადრე წარადგენს საქართველოს რესპუბლიკის მინისტრთა კაბინეტში.

**მუხლი 24.** საქართველოს რესპუბლიკის მინისტრთა კაბინეტს საქართველოს რესპუბლიკის რესპუბლიკური ბიუჯეტის პროექტი შესაბამისი საფინანსო წლის დაწყებამდე ორ-ნახევარი თვით ადრე შეაქვს განსახილველად საქართველოს პარლამენტში.

**მუხლი 25.** საქართველოს რესპუბლიკის კანონის პროექტი საქართველოს რესპუბლიკის რესპუბლიკური ბიუჯეტის შესახებ საქართველოს პარლამენტის კომისიებში განხილვა 20 დღის განმავლობაში.

საქართველოს პარლამენტში ბიუჯეტის პროექტის განხილვის ორგანიზება ევალება საფინანსო-საბიუჯეტო კომისიას.

**მუხლი 26.** საქართველოს პარლამენტი არა უგვიანეს 20 დღის ვადაში საქართველოს რესპუბლიკის მინისტრთა კაბინეტისა და საფინანსო-საბიუჯეტო კომისიის მოხსენებების მოსმენისა და განხილვის შემდეგ ამტკიცებს საქართველოს რესპუბლიკის რესპუბლიკური ბიუჯეტს ამ კანონის მე-8 მუხლით განსაზღვრული წესით.

**მუხლი 27.** თუ საქართველოს პარლამენტი არ მიიღებს კანონს რესპუბლიკური ბიუჯეტის შესახებ, საქართველოს რესპუბლიკის მინისტრთა კაბინეტი ვალდებულია ორი კვირის ვადაში წარუდგინოს მას ამ კანონპროექტის ახალი ვარიანტი.

პარლამენტისათვის ხელმეორედ წარდგენილი ბიუჯეტის პროექტის დამტკიცებლობის შემთხვევაში მინისტრთა კაბინეტს უფლება აქვს შოითხოვოს ერთი კვირა ბიუჯეტის პროექტის კორექტირებისათვის.

თუ პარლამენტმა არ მიიღო ბიუჯეტი ასეთი კორექტირების შემდეგაც, დღის წესრიგში დგება მინისტრთა კაბინეტის ნდობის საკითხი. ნდობის გამოცხადების შემთხვევაში ბიუჯეტის პროექტი მიიჩნევა დამტკიცებულად.

თუ ბიუჯეტის დამტკიცება ახალი საბიუჯეტო წლის დაწყებამდე ვერ მოხერხდა, კანონის მიღებამდე ბიუჯეტის აღსრულების საფუძველია საქართველოს რესპუბლიკის მინისტრთა კაბინეტის შესაბამისი დადგენილება.

**მუხლი 28.** სავალუტო ოპერაციების უზრუნველსაყოფად საქართველოს რესპუბლიკის მინისტრთა კაბინეტთან იქმნება საქართველოს რესპუბლიკის სახელმწიფო სავალუტო ფონდი, რომლის შემოსავალში მოქმედი საგადასახადო კანონმდებლობის შესაბამისად, ჩაირიცხება უცხოური ვალუტით მიღებული შემოსავალი, სესხები, საქართველოს რესპუბლიკის რესპუბლიკური ბიუჯეტის სახსრების ხარჯზე შექმნილი უცხოური ვალუტა და სხვა შემოსავალი.

აღნიშნული ფონდი რესპუბლიკური ბიუჯეტის შემადგენელი ნაწილია და მისი სახსრები გამოიყენება სახელმწიფო საგარეო ვალის დაფარვისა და მომსახურებისათვის, რესპუბლიკური ბიუჯეტით გათვალისწინებული მიზნობრივი და სხვა ღონისძიებების დასაფინანსებლად.

**მუხლი 29.** რესპუბლიკური ბიუჯეტის შემოსავალში მთლიანად ჩაირიცხება:

- აქციზის გადასახადი;
- სატრანზიტო გადასახადი;
- ექსპორტ-იმპორტის გადასახადი;
- სახელმწიფო შინაგანი სესხის ობლიგაციების რეალიზაციით მიღებული შემოსავალი;
- ფულისა და ნივთების სახელმწიფო ლატარიის ბილეთების რეალიზაციით მიღებული შემოსავალი;
- სახელმწიფო მატერიალური რეზერვების რეალიზაციით და ეროვნულ ფასეულობათა ფონდის მარაგის რეალიზაციით მიღებული შემოსავალი;
- საქართველოს რესპუბლიკის სახელმწიფო სავალუტო ფონდიდან ვალუტის რეალიზაციით მიღებული შემოსავალი;
- სახელმწიფო ბანკიდან მიღებული სესხები და გაცემული სესხების დაბრუნებით მიღებული შემოსავალი;
- სხვა გადასახადები და შემოსავალი, რომლებიც საქართველოს რესპუბლიკის საკანონმდებლო და კანონქვემდებარე აქტების შესაბამისად რესპუბლიკურ ბიუჯეტში ჩაირიცხვას ექვემდებარება; გარდა ამისა, რესპუბლიკურ ბიუჯეტში ჩაირიცხება საქართველოს პარლამენტის მიერ დამტკიცებული ეკონომიკური ნორმატივებით გათვალისწინებული:

დამატებული ღირებულების გადასახადი,  
მიწის გადასახადი,  
საბაჟო გადასახადი.



**მუხლი 30.** საქართველოს რესპუბლიკის რესპუბლიკურ ბიუჯეტში იქმნება ადმინისტრაციულ-ტერიტორიული ერთეულების შემოსავლის გადანაწილების ფონდი, რომელშიც თავს იყრის მოგებიდან და საქართველოს მოქალაქეთა, უცხოელ მოქალაქეთა და მოქალაქეობის არქონე პირთა საშემოსავლო გადასახადებიდან ანარიცხები საქართველოს პარლამენტის მიერ დამტკიცებული ეკონომიკური ნორმატივების შესაბამისად; აღნიშნული ფონდიდან სახსრების განაწილებას ამტკიცებს საქართველოს პარლამენტი.

**მუხლი 31.** რესპუბლიკური ბიუჯეტის შემოსავალი გამოიყენება ისეთი ღონისძიებების დასაფინანსებლად, როგორცაა:

ინვესტიციები და სუბსიდიები, მეცნიერება, განათლება, კულტურა, ჯანმრთელობის დაცვა, სპორტი, ტელევიზია და რადიომაუწყებლობა, გეოლოგიურ-სადაზვერვო და გეოლოგიურ-საძიებო სამუშაოები, ტყეების მოვლა-დაცვა და გაშენება, გარემოს დაცვა, პიდრომელიორაციული სამუშაოები, რესპუბლიკური მნიშვნელობის გზების მშენებლობა და ექსპლუატაცია, რესპუბლიკური მნიშვნელობის სხვა პროგრამები.

— სახელმწიფოთაშორისო ერთობლივი და მიზნობრივი სახელმწიფო პროგრამები;

— საგარეო-ეკონომიკური ურთიერთობების განვითარების რესპუბლიკური ღონისძიებები;

— სახელმწიფო ხელისუფლებისა და მმართველობის რესპუბლიკური ორგანოების შენახვა;

— რესპუბლიკური დაქვემდებარების სამართალდამცავი ორგანოების შენახვა;

— ქვეყნის თავდაცვა;

— სახელმწიფო რეზერვებისა და ეროვნულ ფასეულობათა ფონდის შევსება;

— აღებული კრედიტებისა და სახელმწიფო ვალის დაფარვა და მომსახურება;

— სხვა ღონისძიებები, რომლებიც საქართველოს რესპუბლიკის კანონმდებლობის შესაბამისად ექვემდებარება რესპუბლიკური ბიუჯეტიდან დაფინანსებას.

**მუხლი 32.** რესპუბლიკური ბიუჯეტის შემადგენლობაში იქმნება საქართველოს რესპუბლიკის მინისტრთა კაბინეტის სარეზერვო და სხვა მიზნობრივი ფონდები.

**მუხლი 33.** საქართველოს რესპუბლიკის რესპუბლიკური ბიუჯეტი სრულდება საქართველოს რესპუბლიკის ფინანსთა სამინისტროს მიერ შედგენილი განწერის მიხედვით.

**მუხლი 34.** საქართველოს რესპუბლიკის მინისტრთა კაბინეტის მიერ დადგენილ ვადებში ავტონომიური რესპუბლიკების მინისტრთა საბჭოები და მმართველობის ადგილობრივი ორგანოები შესაბამისი რეგიონების დამტკიცებულ ბიუჯეტებს და ამ ბიუჯეტების შესრულების ანგარიშებს წარუდგენენ საქართველოს რესპუბლიკის ფინანსთა სამინისტროს.

საქართველოს რესპუბლიკის ფინანსთა სამინისტრო მიღებული მასალების საფუძველზე ადგენს საქართველოს რესპუბლიკის ბიუჯეტისა და მისი შესრულების ანგარიშების ნაერთებს და წარუდგენს საქართველოს რესპუბლიკის მინისტრთა კაბინეტსა და საქართველოს პარლამენტს.

### კარი მესამე

#### ავტონომიური რესპუბლიკების რესპუბლიკური ბიუჯეტები

**მუხლი 35.** ავტონომიური რესპუბლიკების რესპუბლიკურ ბიუჯეტებში თავს იყრის ის ფულადი სახსრები, რომლებიც ზმარდება ავტონომიური რესპუბლიკის საერთო-რესპუბლიკური მნიშვნელობის ეკონომიკური და სოციალური ღონისძიებების, მმართველობისა და საშარტალდამცავი ორგანოების შენახვის ხარჯების, აგრეთვე რესპუბლიკური მნიშვნელობის სხვა პროგრამებისა და ღონისძიებების დაფინანსებას.

ეკონომიკის არათანაბარი განვითარების გამო და ერთიანი/სოციალური პროგრამების განხორციელების მიზნით ავტონომიური რესპუბლიკების რესპუბლიკური ბიუჯეტების მეშვეობით ხორციელდება შემოსავლის გადანაწილება ადმინისტრაციულ-ტერიტორიული ერთეულების ბიუჯეტებს შორის.

**მუხლი 36.** ავტონომიური რესპუბლიკების რესპუბლიკური ბიუჯეტების პროექტებს ადგენენ ავტონომიური რესპუბლიკების ფინანსთა სამინისტროები და შესაბამისი საფინანსო წლის დაწყებამდე ორ-ნახევარი თვით ადრე წარადგენენ ავტონომიური რესპუბლიკების მინისტრთა საბჭოებში.

**მუხლი 37.** ავტონომიური რესპუბლიკების მინისტრთა საბჭოებს ავტონომიური რესპუბლიკების რესპუბლიკური ბიუჯეტის პროექტები შესაბამისი საბიუჯეტო წლის დაწყებამდე ერთ-ნახევარი თვით ადრე განსახილველად შეაქვთ ავტონომიური რესპუბლიკების უზენაეს საბჭოებში.

**მუხლი 38.** ავტონომიური რესპუბლიკების რესპუბლიკური ბიუჯეტების შესახებ ავტონომიური რესპუბლიკის კანონის პროექტები ავტონომიური რესპუბლიკების უზენაესი საბჭოების კომისიებში განიხილება 15 დღის განმავლობაში.

**მუხლი 39.** ავტონომიური რესპუბლიკების უზენაესი საბჭოები ავტონომიური რესპუბლიკების მინისტრთა საბჭოებისა და საფინანსო-საბიუჯეტო კომისიათა მოხსენებების მოსმენისა და განხილვის შემდეგ ამტკიცებენ ავტონომიური რესპუბლიკების რესპუბლიკურ ბიუჯეტებს ამ კანონის მე-8 მუხლით განსაზღვრული წესით.

**მუხლი 40.** ავტონომიური რესპუბლიკის მიერ ისეთი საკანონმდებლო აქტების მიღების შემთხვევაში, რომლებიც ზრდის მოცემული ადმინისტრაციულ-ტერიტორიული ერთეულების ბიუჯეტების ხარჯებს ან ამცირებს მათ შემოსავალს, ამ ბიუჯეტებს სათანადო სახსრები უნაზღაურდებათ ავტონომიური რესპუბლიკის ბიუჯეტიდან, ამ ბიუჯეტების ხარჯების შემცირების ან შემოსავლის გაზრდის შემთხვევაში კი შესაბამისი სახსრები გადაეცემა ავტონომიური რესპუბლიკის ბიუჯეტს.

**მუხლი 41.** ავტონომიური რესპუბლიკების საბიუჯეტო სისტემა განისაზღვრება ავტონომიური რესპუბლიკების ადმინისტრაციულ-ტერიტორიული წყობის საფუძველზე. ამის შესაბამისად ავტონომიური რესპუბლიკების საბიუჯეტო სისტემა მოიცავს ავტონომიური რესპუბლიკის რესპუბლიკურ და მასში შემავალი ადმინისტრაციულ-ტერიტორიული ერთეულების ბიუჯეტებს, რომლებიც ერთმანეთისაგან დამოუკიდებელი არიან.

**მუხლი 42.** სავალუტო ოპერაციების უზრუნველყოფისათვის ავტონომიური რესპუბლიკების მინისტრთა საბჭოებთან იქმნება ავტონომიური რესპუბლიკების სახელმწიფო სავალუტო ფონდები, რომელთა შემოსავალში მოქმედი საგადასახადო კანონმდებლობის შესაბამისად ჩაირიცხება უცხოური ვალუტით მიღებული შემოსავალი და ავტონომიური რესპუბლიკის რესპუბლიკური ბიუჯეტების ხარჯზე შექმნილი უცხოური ვალუტა.

აღნიშნული ფონდების სახსრები გამოიყენება ავტონომიური რესპუბლიკის რესპუბლიკური ბიუჯეტით გათვალისწინებული მიზნობრივი და სხვა ღონისძიებების დასაფინანსებლად.

**მუხლი 43.** ავტონომიური რესპუბლიკების რესპუბლიკური ბიუჯეტების შემოსავალში ჩაირიცხება:

— საქართველოს პარლამენტის მიერ ავტონომიური რესპუბლიკებისათვის დამტკიცებული ეკონომიკური ნორმატივებიდან გამომდინარე, ავტონომიური რესპუბლიკების უზენაესი საბჭოების მიერ დამტკიცებული ავტონომიური რესპუბლიკის რესპუბლიკურ ბიუჯეტში გადასახადებიდან და შემოსავლებიდან ანარიცხების ეკონომიკური ნორმატივებით განსაზღვრული შემოსავალი:

- ა) დამატებული ღირებულების გადასახადი;
- ბ) მიწის გადასახადი;
- გ) საბაჟო გადასახადი;
- დ) მოგებდან გადასახადი;
- ე) საქართველოს მოქალაქეთა, უცხოელ მოქალაქეთა და მოქალაქეობის არმქონე პირთა საშემოსავლო გადასახადი.

— მიღებული სესხები, აგრეთვე გაცემული სესხის დაბრუნებით მიღებული შემოსავალი;



— სხვა გადასახადები, მოსაკრებლები და სხვადასხვა დასახადო შემოსავალი საქართველოს რესპუბლიკისა და ავტონომიური რესპუბლიკების კანონმდებლობათა შესაბამისად.

**მუხლი 44.** ავტონომიური რესპუბლიკების რესპუბლიკურ ბიუჯეტებში იქმნება ადმინისტრაციულ-ტერიტორიული ერთეულების შემოსავლის გადანაწილების ფონდი, რომელშიც თავს იყრის მოგებიდან და საქართველოს მოქალაქეთა, უცხოელ მოქალაქეთა და მოქალაქეობის არმქონე პირთა საწემოსავლო გადასახადებიდან ანარიცხები ავტონომიური რესპუბლიკების უზენაესი საბჭოების მიერ დამტკიცებული ეკონომიკური ნორმატივების შესაბამისად; აღნიშნული ფონდიდან სახსრების განაწილებას ამტკიცებენ ავტონომიური რესპუბლიკების უზენაესი საბჭოები.

**მუხლი 45.** ავტონომიური რესპუბლიკების რესპუბლიკური ბიუჯეტების შემოსავალი გამოიყენება:

1. ავტონომიური რესპუბლიკების რესპუბლიკური დაქვემდებარების განათლების, მეცნიერების, კულტურის, ჯანმრთელობის დაცვის, სპორტის, სოციალური უზრუნველყოფის, აგრეთვე საბინაო-კომუნალური მეურნეობისა და მომსახურების სხვა სფეროს დაწესებულებებისა და ორგანიზაციების მიერ განხორციელებული პროგრამების, ღონისძიებების, მიზნობრივი ინვესტიციების, სუბსიდიების, აგრეთვე გარემოს დაცვისა და სხვა ხარჯების დასაფინანსებლად;

2. ავტონომიური რესპუბლიკების ზელისუფლების, მმართველობისა და სამართალდამცავი ორგანოების შესანახად;

3. საბიუჯეტო სესხის გამოსაყოფად;

4. აღებული სესხების დასაფარავად და მათი მომსახურებისათვის;

5. იმ სხვა ღონისძიებათა დასაფინანსებლად, რომლებიც მოქმედი კანონმდებლობის შესაბამისად ექვემდებარება ავტონომიური რესპუბლიკების ბიუჯეტებიდან დაფინანსებას.

**მუხლი 46.** ავტონომიური რესპუბლიკების ბიუჯეტების შემადგენლობაში იქმნება ავტონომიური რესპუბლიკების მინისტრთა საბჭოების სარეზერვო ფონდი.



**მუხლი 47.** ავტონომიური რესპუბლიკებისა და ადმინისტრაციულ-ტერიტორიული ერთეულების ბიუჯეტების შემოსავლისა და ხარჯების გასავლის გამოწვევას ავტონომიური რესპუბლიკების რესპუბლიკურ, საქალაქო, ქალაქის რაიონის, რაიონულ და სხვა ბიუჯეტებს შორის განსაზღვრავენ ავტონომიური რესპუბლიკების სახელმწიფო მმართველობის შესაბამისი ორგანოები მათთვის დამტკიცებული ეკონომიკური ნორმატივების ფარგლებში.

**მუხლი 48.** ავტონომიური რესპუბლიკების ბიუჯეტები სრულდება ავტონომიური რესპუბლიკების ფინანსთა სამინისტროების მიერ ავტონომიური რესპუბლიკების სახელმწიფო ხელისუფლების უმაღლესი ორგანოების მიერ დამტკიცებული ბიუჯეტების შესაბამისად შედგენილი განწყობის მიხედვით.

**მუხლი 49.** ავტონომიური რესპუბლიკების ტერიტორიაზე განლაგებული მმართველობის ადგილობრივი ორგანოები შესაბამისი რეგიონების დამტკიცებულ ბიუჯეტებს და ამ ბიუჯეტების შესრულების ანგარიშებს ავტონომიური რესპუბლიკების მინისტრთა საბჭოების მიერ დადგენილ ვადებში წარუდგენენ ავტონომიური რესპუბლიკის ფინანსთა სამინისტროს.

**კარი მეოთხე**

**ადმინისტრაციულ-ტერიტორიული ერთეულების ბიუჯეტები**

**მუხლი 50.** ადმინისტრაციულ-ტერიტორიული ერთეულების ბიუჯეტები უზრუნველყოფენ ეკონომიკური და სოციალურ-კულტურული ღონისძიებების, მმართველობის და ადგილობრივი დაქვემდებარების სამართალდამცავი ორგანოების შენახვის ხარჯებისა და სხვა ღონისძიებების დაფინანსებას, რომლებსაც ახორციელებენ ადმინისტრაციულ-ტერიტორიული ერთეულების ხელისუფლებისა და მმართველობის ორგანოები.

**მუხლი 51.** ადმინისტრაციულ-ტერიტორიული ერთეულების მმართველობის ორგანოებთან სავალუტო ოპერაციების უზრუნველსაყოფად იქმნება სავალუტო ფონდები, რომელთა შემოსავალში მოქმედი სავადასახადო კანონმდებლობის შესაბამისად ჩაირიცხება უცხოური ვალუტით მიღებული შემოსავალი და შესაბამისი ბიუჯეტის ხარჯზე შექმნილი უცხოური ვალუტა.

აღნიშნული ფონდების სახსრები გამოიყენება შესაბამისი ბიუჯეტებით გათვალისწინებულ მიზნობრივ და სხვა ღონისძიებათა დასაფინანსებლად.

საქართველო  
საგარეო ურთიერთობების  
სამსახური

**მუხლი 52.** ადმინისტრაციულ-ტერიტორიული ერთეულების ბიუჯეტების შემოსავალში ჩაირიცხება:

- ბუნებრივი რესურსების გადასახადი;
- აქციების, ობლიგაციებისა და სხვა ფასიანი ქაღალდების რეალიზაციიდან მიღებული შემოსავლის გადასახადი;
- სახელმწიფო ბაჟი;
- საკურორტო გადასახადი;
- ტყის გადასახადი;
- სატრანსპორტო საშუალებების მფლობელთა გადასახადი;
- ადმინისტრაციულ-ტერიტორიული ერთეულების მმართველობის ორგანოების მიერ ორგანიზებული და გამოშვებული ფულისა და ნივთების ლატარიის ბილეთების რეალიზაციით მიღებული შემოსავალი;

- წყლის გადასახადი;
  - სხვა გადასახადები, მოსაკრებლები და სხვადასხვა არასაგადასახადო შემოსავალი საქართველოს რესპუბლიკის კანონმდებლობის შესაბამისად;
  - საქართველოს რესპუბლიკის რესპუბლიკურ ბიუჯეტში გათვალისწინებული გადანაწილების ფონდიდან მიღებული სახსრები;
- საქართველოს პარლამენტის მიერ დამტკიცებული ეკონომიკური ნორმატივებით:

- ა) დამატებული ღირებულების გადასახადი;
- ბ) შესაბამის ტერიტორიაზე განლაგებული საწარმოებისა და ორგანიზაციების, — საკუთრების ფორმის მიუხედავად — მოგებიდან გადასახადი;
- გ) შესაბამის ტერიტორიაზე მომუშავე საქართველოს მოქალაქეთა, უცხოელ მოქალაქეთა და მოქალაქეობის არმქონე პირთა საშემოსავლო გადასახადი;

დ) მიწის გადასახადი.

**მუხლი 53.** ადმინისტრაციულ-ტერიტორიული ერთეულების ბიუჯეტების შემოსავალი გამოიყენება:



— ადმინისტრაციულ-ტერიტორიული ერთეულების დაქვემდებარების განათლების, მეცნიერების, კულტურის, ჯანმრთელობის დაცვის, სპორტის, სოციალური უზრუნველყოფის, აგრეთვე საბიუჯეტო-კომუნალური მეურნეობისა და მომსახურების სხვა სფეროს დაწესებულებებისა და ორგანიზაციების მიერ განხორციელებული პროგრამების, ღონისძიებების, მიზნობრივი ინვესტიციების, სუბსიდიების, აგრეთვე გარემოს დაცვის და სხვა ხარჯების დასაფინანსებლად;

— ადმინისტრაციულ-ტერიტორიული ერთეულების მმართველობისა და სამართალდამცავი ორგანოების შესანახად;

— საბიუჯეტო სესხის გამოსაყოფად;

— აღებული სესხების დასაფარავად და მათი მომსახურებისათვის;

— იმ სხვა ღონისძიებათა დასაფინანსებლად, რომლებიც მოქმედი კანონმდებლობის შესაბამისად ექვემდებარება ადმინისტრაციულ-ტერიტორიული ერთეულების ბიუჯეტებიდან დაფინანსებას.

**მუხლი 54.** ადმინისტრაციულ-ტერიტორიული ერთეულების ბიუჯეტების შემადგენლობაში იქმნება გაუთვალისწინებელი ხარჯების ფონდი.

**მუხლი 55.** ადმინისტრაციულ-ტერიტორიული ერთეულების ბიუჯეტების შემოსავლისა და გასავლის გამიჯვნას საქალაქო, ქალაქის რაიონის, რაიონულ და სხვა ბიუჯეტებს შორის განსაზღვრავენ ადმინისტრაციულ-ტერიტორიული ერთეულების მმართველობის შესაბამისი ორგანოები მათთვის დამტკიცებული ეკონომიკური ნორმატივების ფარგლებში.

**მუხლი 56.** ადმინისტრაციულ-ტერიტორიული ერთეულების ბიუჯეტების შესრულება ხდება შესაბამისი საფინანსო ორგანოების მიერ ადმინისტრაციულ-ტერიტორიული ერთეულებისათვის დამტკიცებული ბიუჯეტების შესაბამისად შედგენილი განწერების მიხედვით.

საქართველოს პარლამენტის თავმჯდომარე —

სახელმწიფოს მეთაური

ელეზარ შვეპარდნაძე.

საქართველოს პარლამენტის სპიკერი

მანბანზ გომეზაძე.

თბილისი, 1993 წლის 30 მარტი.



**74 საბიუჯეტო სისტემისა და უფლებების შესახებ**  
**ქართველოს რესპუბლიკის კანონის სამოქმედო შე-**  
**მოღავის თაობაზე**

საქართველოს პარლამენტი ადგენს:

1. საქართველოს რესპუბლიკის კანონი „საბიუჯეტო სისტემისა და უფლებების შესახებ“ ძალაშია გამოქვეყნებისთანავე.

საქართველოს პარლამენტის იურიდიულმა და საფინანსო-საბიუჯეტო კომისიებმა ორი კვირის ვადაში წარმოადგინონ წინადადებები აღნიშნულ კანონთან დაკავშირებით რესპუბლიკის კანონებში ცვლილებათა შეტანის შესახებ.

2. საქართველოს რესპუბლიკის 1993 წლის მეორე და შემდგომი კვარტალებისა და 1994-1995 წლების ბიუჯეტების პროექტები შედგეს „საბიუჯეტო სისტემისა და უფლებების შესახებ“ საქართველოს რესპუბლიკის კანონის შესაბამისად.

3. დაევალოს საქართველოს რესპუბლიკის მინისტრთა კაბინეტს 1993 წლის აპრილის ბოლომდე საქართველოს პარლამენტს ქდასამტკიცებლად წარმოუდგინოს საქართველოს რესპუბლიკის რესპუბლიკური, ავტონომიური რესპუბლიკების რესპუბლიკური და აღმინისტრაციულ-ტერიტორიული ერთეულების 1993 წლის მეორე და შემდგომი კვარტალებისა და 1994-1995 წლების ბიუჯეტების შესადგენად ეკონომიკური ნორმატივების, აგრეთვე აუცილებლობის შემთხვევაში მმართველობის ადგილობრივი ორგანოებისათვის ბანკის გრძელვადიანი სესხების ოდენობისა და საქართველოს რესპუბლიკის 1993 წლის მეორე და შემდგომი კვარტალების რესპუბლიკური ბიუჯეტის პროექტები.

4. ეკონომიკის, სოციალური სფეროსა და სხვა დონისძიებების დაფინანსება 1993 წლის მეორე და შემდგომი კვარტალების ბიუჯეტების დამტკიცებამდე მოხდეს 1993 წლის პირველი კვარტალის მაჩვენებლებიდან გამოვლინარე.

საქართველოს პარლამენტის სპიკერი ვახტანგ გომეზაძე.

თბილისი, 1993 წლის 30 მარტი.

**75** „სამოზილიზაციო მზადყოფნის ღონისძიებათა შე-  
სახეზ“ საქართველოს რესპუბლიკის მინისტრთა კა-  
ბინეტის ინფორმაციის თაობაზე

საქართველოს პარლამენტი ადგენს:

მიღებულ იქნეს ცნობად „სამოზილიზაციო მზადყოფნის ღო-  
ნისძიებათა შესახებ“ საქართველოს რესპუბლიკის მინისტრთა კა-  
ბინეტის ინფორმაცია.

საქართველოს პარლამენტის სპიკერი ვახტანგ გომეზაძე.

თბილისი, 1993 წლის 30 მარტი.

საქართველოს პარლამენტის დადგენილება

**76** აფხაზეთის საკითხთა დროებითი კომისიის შემად-  
გენლობაში ცვლილების შესახებ

საქართველოს პარლამენტი ადგენს:

პარლამენტის წევრები ელდარ შენგელაია და ყორა სნხჩიანი  
შეყვანილ იქნენ აფხაზეთის საკითხთა დროებითი კომისიის შემად-  
გენლობაში.

საქართველოს პარლამენტის სპიკერი ვახტანგ გომეზაძე.

თბილისი, 1993 წლის 30 მარტი.

**77** საქართველოს რესპუბლიკაში პარლამენტის წარმომადგენლობის დეპუტატების შესახებ

„საქართველოს პარლამენტის წევრის სტატუსის შესახებ“ საქართველოს რესპუბლიკის კანონის მე-6 მუხლის თანახმად დამტკიცდეს საქართველოს რესპუბლიკაში პარლამენტის წარმომადგენლობის დებულება.

საქართველოს პარლამენტის სპიკერი ვახტანგ გომეზაძე.

თბილისი, 1993 წლის 2 მარტი.

**78** საქართველოს რესპუბლიკაში პარლამენტის წარმომადგენლობის

დ ე ბ უ ლ ე ბ ა

**მუხლი 1.** პარლამენტის წარმომადგენლობა არის სახელმწიფო ხელისუფლების უმაღლესი ორგანოს წარმომადგენლობა, რომელიც თავის საქმიანობას ახორციელებს შესაბამისი საარჩევნო ოლქის მთელ ტერიტორიაზე.

**მუხლი 2.** პარლამენტის წარმომადგენლობის მუშაობას (წამყვანი სპეციალისტი, სპეციალისტი, ტექნიკური მუშაკი) ნიშნავს საქართველოს პარლამენტის აპარატის უფროსი ამ ოლქში მაჟორიტარული წესით არჩეული დეპუტატის წარდგინებით. წარმომადგენლობა ფინანსდება ადგილობრივი ბიუჯეტიდან მისი შესაძლებლობის ფარგლებში.

**მუხლი 3.** პარლამენტის წარმომადგენლობის ამოცანაა უზრუნველყოს საარჩევნო ოლქში პარლამენტის წევრთა ნორმალური საქმიანობა, დაეხმაროს მათ საერთო-სახელმწიფო პოლიტიკის განხორციელების, მოქალაქეთა უფლებების დაცვის, რეგიონალური პრობლემების დამუშავების საქმეში.

**მუხლი 4.** პარლამენტის წარმომადგენლობა ორგანიზაციას უწევს პარლამენტის წევრის მიერ მოქალაქეთა მიღებასა და ამომრჩევლებთან შეხვედრას, ხელს უწყობს პარლამენტის წევრებს ხელისუფლებისა და მმართველობის ადგილობრივ ორგანოებთან, პოლიტიკური და საზოგადოებრივი ორგანიზაციების წარმომადგენლებთან ურთიერთობის კოორდინაციაში.

**მუხლი 5.** პარლამენტის წარმომადგენლობა გამოითხოვს საჭირო მონაცემებს და იღებს ინფორმაციას ხელისუფლებისა და მმართველობის ადგილობრივი ორგანოებიდან წამოჭრილ პრობლემებზე, იხილავს პარლამენტის წევრის სახელზე შემოსულ კორესპონდენციას, მოქალაქეთა საჩივრებსა და განცხადებებს; ადგილებიდან რეგულარულად აწვდის ინფორმაციას პარლამენტის დაინტერესებულ წევრებს.

**მუხლი 6.** საქართველოს პარლამენტის წევრებს რესპუბლიკის მთელ ტერიტორიაზე შეუძლიათ თანაბრად ისარგებლონ პარლამენტის წარმომადგენლობით.

**მუხლი 7.** პარლამენტის წარმომადგენლობის მუშაკები არ ერევიან ხელისუფლებისა და მმართველობის ადგილობრივი ორგანოების საქმიანობაში.

**მუხლი 8.** პარლამენტის წარმომადგენლობის საქმიანობას კოორდინაციას უწევს ამ საარჩევნო ოლქში მაჟორიტარული წესით არჩეული საქართველოს პარლამენტის დეპუტატი.

**მუხლი 9.** ადგილობრივი მმართველობა პარლამენტის წარმომადგენლობას საარჩევნო ოლქის ცენტრში უზრუნველყოფს სამუშაო ოთახებით, სამეურნეო ინვენტარით, კავშირგაბმულობის საშუალებებით და საკანცელარიო ნივთებით.

**მუხლი 10.** პარლამენტის წარმომადგენლობის მუშაკებს აფინანსებენ ადგილობრივი ბიუჯეტიდან და მათი ხელფასის განაკვეთი განისაზღვრება შემდგენაირად:

- |   |                  |
|---|------------------|
| 1. წამყვანი სპეციალისტი                               | — 11.900 მანეთი; |
| 2. სპეციალისტი  | — 9.350 მანეთი;  |
| 3. ტექნიკური მუშაკი, საქმის-<br>მწარმოებელი-მემანქანე | — 7.650 მანეთი.  |



## მ ი შ ა რ თ ე ზ ა

**79 რუსეთის ფედერაციის უმაღლეს საბჭოს  
რუსეთის ფედერაციის პრეზიდენტს  
ბატონ გორის ელცინს**

როგორც ცნობილი გახდა 1993 წლის 6 მარტს ჩრდილოეთ ოსეთის სოციალისტური რესპუბლიკის უმაღლესმა საბჭომ მიიღო გადაწყვეტილება ოსი სეპარატისტების მიერ საქართველოს ტერიტორიაზე უკანონოდ გამოცხადებული ეგრეთ წოდებული სამხრეთ ოსეთის რესპუბლიკის ცნობის შესახებ.

მართალია, აღნიშნულ გადაწყვეტილებას საერთაშორისო სამართლის თანახმად იურიდიული ძალა არა აქვს, მაგრამ მას შეუძლია დააბრკოლოს საქართველოს ტერიტორიაზე მიმდინარე პროცესების პოლიტიკური გზით რეგულირება, რასაც საფუძველი ჩაეყარა რუსეთ-საქართველოს 1992 წლის 24 ივნისის დავოზისის შეთანხმებით და ბატონების ე. შვეარდნაძის და ბ. ელცინის განცხადებით იმის თაობაზე, რომ მხარეები ცნობენ ერთმანეთის სახელმწიფო სუვერენიტეტს, ტერიტორიულ მთლიანობასა და საზღვრების ურღვევობას.

ამ ფონზე რუსეთის შემადგენლობაში მყოფი ფედერაციის სუბიექტის მცდელობა ხელყოს მფობელი დამოუკიდებელი სახელმწიფოს ტერიტორიული მთლიანობა და რუსეთის ხელისუფლების უმაღლესი ორგანოების დემილი ამ ფაქტთან დაკავშირებით აღიქმება, როგორც საქართველოს სახელმწიფო სუვერენიტეტის შელახვა და კავკასიაში არასტაბილურობისათვის ხელის შეწყობა.

ყოველივე ეს არა მარტო უხეშად არღვევს საერთაშორისო სამართლის საყოველთაოდ აღიარებულ პრინციპებს, არამედ ეწინააღმდეგება თვით რუსეთის ფედერალურ კანონმდებლობას და მის მიერ ნაკისრ საერთაშორისო ვალდებულებებს.

საქართველოს პარლამენტი იმედოვნებს, რომ რუსეთის ფედერაციის პრეზიდენტი და უმაღლესი საბჭო განახორციელებენ ეფექ-



ტიან ლონისძიებებს ამგვარ სამართალსწინააღმდეგო ქმედებათა აღსაკვეთად, რაც ხელს შეუწყობს ორ ქვეყანას შორის კეთილმეზობლური, თანასწორუფლებიანი ურთიერთობის დამკვიდრებას. წინააღმდეგ შემთხვევაში მთელი პასუხისმგებლობა შესაძლო უარყოფით შედეგებზე რუსეთის მხარეს დაეკისრება.

თბილისი, 1993 წლის 10 მარტი.

**საქართველოს პარლამენტის**

**მ ი მ ა რ თ ვ ა**

**გაერთიანებული ერების ორგანიზაციას  
ეპროკარლამენტს**

**80 მსოფლიოს ძველნების კარლამენტავს  
რუსეთის ფედერაციის უზენაეს საბჭოს**

აფხაზეთში უკანასკნელი დღეების მოვლენები ადასტურებს, რომ რუსეთი აფართოებს გამოუტყაბებელი ომის მასშტაბებს საქართველოს წინააღმდეგ. რუსეთის სამხედრო თვითმფრინავებოღან და საზღვაო ხომალდებიდან იბოძება ქ. სოხუმი და მისი შემოგარენი, რის გამოც ეკვეთრად იზრდება მსხვერპლი მშვიდობიან მოსახლეობაში.

1993 წლის 16 მარტს დაიწყო საზღვაო და საჰაერო ძალების მასირებული შეტევა ქ. სოხუმზე. ამ ოპერაციის ხასიათი და მასშტაბი აშკარად მოწმობს, რომ აფხაზ სეპარატისტებს ამოფარებული რუსეთის შეიარაღებული ძალები ხსენებულ ოპერაციაში ასრულებენ გადამწყვეტ როლს, რაც ააშკარავებს რუსეთის ხელისუფლების პოლიტიკას საქართველოს რესპუბლიკის მიმართ.

აღნიშნული პოზიცია, აშკარად აგრესიული, იმთავითვე ნათელი იყო საქართველოს ხელისუფლებისათვის, რომელიც საქართველოს რესპუბლიკისა და რუსეთის ფედერაციის კეთილმეზობლური ურთიერთობის ინტერესებიდან გამომდინარე, დღემდე თავს იკავებდა ოფიციალურად მიეცა რუსეთის ხელისუფლების პოლიტიკისათვის ადეკვატური კვალიფიკაცია, რათა ამით არ შეექმნა სირთულეები საქართველო-რუსეთის ურთიერთობის მოწესრიგებისათვის.

საქართველოს პარლამენტს მიაჩნია, რომ დადგა დრო საგნებსა და მოვლენებს თავისი სახელი დაერქვას და აცხადებს, რომ საქართველოს წინააღმდეგ რუსეთის სამხედრო მოქმედებებში მსოფლიოური მიზანია საქართველოსაგან აფხაზეთის მოწყვეტა და საქართველოს ტერიტორიული მთლიანობის ხელყოფა. ეს კონფლიქტი კიდევ უფრო აქტუალურს ხდის საქართველოს ტერიტორიიდან რუსეთის ჯარების გაყვანას.

საქართველოს პარლამენტი მიმართავს რუსეთის პარლამენტს, მის მთავრობას, რუსეთის დემოკრატიულ საზოგადოებრიობას გაიფიცოს ის სავალალო შედეგები, რაც შეიძლება მოჰყვეს სუვერენული სახელმწიფოს მიმართ რუსეთის აგრესიულ პოლიტიკას.

საქართველოს პარლამენტი მიმართავს მსოფლიო საზოგადოებრიობას რეაგირების გარეშე არ დატოვონ რუსეთის აგრესიული ქმედება საქართველოს მიმართ და არ დაუშვან საერთაშორისო სამართლის უხეში დარღვევა იმპერიალისტური ამბიციებით შეპყრობილ პოლიტიკურ ძალებსაგან. დარწმუნებული ვართ, რომ მსოფლიოს დემოკრატიული ძალები წინ აღუდგებიან „ბოროტების იმპერიის“ აღორძინებას და ამათ უდიდეს საფრთხეს ააცილებენ როგორც ყოფილი საბჭოთა კავშირის ხალხებს, მათ შორის — თვით რუს ხალხს, ასევე მთელ მსოფლიოსაც.

თბილისი, 1993 წლის 17 მარტი.